


Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 200 a) 8° (LN 806 8° copy 3)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 200 a) 8° (LN 806 8° copy 3)







Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 200 a) 8° (LN 806 8° copy 3)





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 200 a) 8° (LN 806 8° copy 3)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 200 a) 8° (LN 806 8° copy 3)





= LN 806

ex. 3







II  
Q  
F

EX



COMMENTARII  
IN VTRAM  
QVE EPISTOLAM  
PETRI APOSTOLI, ET  
IN VNAM IVDÆ,  
SCRIPTI

A  
NICOLAO HEMMINGIO.



WITEBERGÆ  
EXCVDEBAT IOHANNES  
CRATO.

ANNO M. D. LXVI.







NOBILITATE  
GENERIS, SAPIENTIA  
ET VIRTUTE PRAESTANTI VI-

ro, Biornoni Andreae de antiqua & nobili Biorno-  
num familia, Domino de Stenholt, Regio praesidi  
in Hafniensi & vicinis prouincijs, atq; dioeceseos  
Roschildensis administratori pru-  
dentissimo,

Gratiam & pacem à Deo patre per domi-  
num nostrum Iesum Christum  
precatur

NICOLAUS HEMMINGIUS.



OX DEI DEUT.  
12. Caue tibi ne de-  
relinquas Leuitā  
omnibus diebus tu-  
is super terram tu-  
am, vt omnibus,  
quibus salus curae est commendat  
Pietatē & Liberalitatem erga mini-  
sterium verbi: Ita minatur pœnam  
ijs, qui vel ministerium verbi impie

A 2 con.



EPISTOLA

contemnunt, vel ministros Euangelij sacrilegè spoliant. Nam cum Ecclesia Dei in hoc mundo colligitur, propagatur, & conseruatur voce docentium Euangelium, & docentes opus habent victu & defensione, vult Deus nos gratos esse erga ministerium Euangelij, & liberales esse erga eos, quorum ministerio educimur è regno Satanae, & aggregamur Ecclesiae Dei, hoc est, regno Christi, quod est gratiae, à quo transitur in regnum Dei gloriosum, quod est beatæ & nunquam finientis immortalitatis, felicitatis & gloriae. Cum itaq; hæc tanta bona nobis contingunt per ministerium verbi, seriò Deus nobis mandat, vt ipsos ministros Euangelij omni officiorum genere prosequamur. Syracides



DEDICATORIA.

cides vtrumq; coniungit, videlicet timorem Dei, & honorem ministrorum Dei, ita enim ait: ἐν ὅλῃ ψυχῇ ἐλάβες τὸν κύριον καὶ τοὺς ἱερεῖς αὐτοῦ θαύμαζε. Hoc est, toto animo time Dominum, & sacerdotes eius admirare, id est, in precio & honore habeas & magnificias. Et paulò infrà: φοβῶ τὸν κύριον καὶ δόξασον τὸν ἱερέα, καὶ δὸς τῷ μερίδα αὐτοῦ, καθὼς ἐνέταλται σοι. Hoc est, Time Dominum & honora Sacerdotem, & da partem ipsi, sicut mandatum est tibi. Vtrumq; ergo vult coniungi Sapiens, timorem Dei & honorem sacerdotum ministrorumq; Dei. Vbi ergo prius verè adest, abesse non potest posterius. Vbi posterius desideratur, prius quoq; abesse significatur. Quomodo enim fieri potest, ut eius mandata

A 3 con-



EPISTOLA

cōtemnas, quem diligis? Si ergo verē  
timemus Dominū, aliter euenire ne-  
quit, q̃ vt honoremus ministros ipsi-  
us. Hic aut̃ honor in eo consistit, vt  
ministris verbi tribuamus omnia, cū  
quæ ad necessitatem, tūm quæ ad di-  
gnitatem eorū pertinere videbuntur.  
Atq; hic est ille duplex honor, quem  
Paulus vult tribui laborantibus in  
verbo & doctrina. Sed fortè hic ali-  
quis obijciat, me non rectè accommo-  
dare ministris noui testamenti, quod  
Sapiens videtur de Leuitis et sacer-  
dotib. veteris testamenti intelligere.  
Nam magnū apparet discriminē inter  
illos & hos. Fateor equidē magnum  
discrimē esse, si spectemus dispēsatio-  
nis modum, verū si finem vtrorūq;  
consideremus, in eo planē vtriq; con-  
ueniunt. Nam & Leuitarū fuit col-  
ligere,

ligere  
desia  
stame  
rum  
quod  
caci  
vtror  
minist  
stame  
honor  
datur  
omnen  
Paulu  
Leuit  
stame  
nescitis  
strant,  
assista  
accipi  
nou



DEDICATORIA.

ligere, propagare & conseruare Ec-  
clesiam Dei, & ministris noui Te-  
stamenti, vt Oeconomys mysterio-  
rum Dei, idem officium incumbit,  
quod sanè & præstant multò effi-  
caciùs. Cùm igitur par ratio sit  
vtrorumq; hoc est, Leuitarum &  
ministorum Euangelij in nouo te-  
stamento, rectè mandatum Dei, de  
honore tribuendo Leuitis, accommo-  
datur ad ministros Euangelij. Sed  
omnem scrupulum tollit Apostolus  
Paulus 1. Corinth. 9. cum exemplum  
Leuitarum ad ministros noui Te-  
stamenti accommodat, dicens: An  
nescitis quòd hi, qui sacra admini-  
strant, ex sacro edunt? qui altari  
assistunt, vnà cum altari partem  
accipiunt? Prætereo plurima dicta  
noui Testamenti, quæ idem planè

A 4

astru-



## EPISTOLA

astruunt: Qui vos (ait Dominus)  
 recipit, me recipit, & qui me recipit,  
 recipit eum qui misit me &c. Di-  
 gnus est operarius mercede sua. Et  
 Paulus, Qui benè præsunt, duplici  
 honore digni sunt, & maximè hi qui  
 laborant in verbo & doctrina. Huc  
 ferè totum 9. caput prioris Epistolæ  
 ad Corinthios pertinet. Sed quid  
 multa? natura, ratio, leges humanæ  
 & diuinæ commendant omnibus iu-  
 sticiam, cuius quædam non minima  
 pars est gratitudo, quæ erga optimè  
 meritos iure maxima esse debet. Iam  
 autem cum constat diuina humanis,  
 cœlestia terrenis, diuturna momen-  
 taneis, æterna caducis, verè & per-  
 fectè bona imperfectè bonis & peri-  
 turis præferenda esse, quis dubitat  
 ministros Euangelij optimè mereri  
 de

de nob  
 stia, a  
 nobis  
 de mi  
 bis lib  
 angel  
 rem fa  
 nerenti  
 ut sepe  
 sit sine  
 non est  
 alieni d  
 verbi n  
 verume  
 ant, G  
 tum vol  
 cent ster  
 insignia  
 palatij  
 quicunq



DEDICATORIA.

de nobis, per quas illa diuina, cœle-  
stia, æterna & verè perfectè bona  
nobis communicantur? Non proin-  
de mirum est, & seriò mandari no-  
bis liberalitatem erga ministros Eu-  
angelij, & Spiritum sanctum hono-  
rem sacerdotum cum timore & re-  
uerentia ipsius Dei coniungere, ita  
vt separari alter ab altero non pos-  
sit sine vtriusq; interitu. Atq; hinc  
non est difficile iudicare quàm sint  
alieni à familia Dei, qui ministros  
verbi non solum reuerentia debita,  
verumetiam necessario victu spoli-  
ant. Glorientur de potentia quan-  
tum volunt, iacent diuitias, prædi-  
cent stemmata, numerent maiorum  
insignia, superbiant de magnificis  
palatijs, inscribant hæredes: tamen  
quicunq; ministros Euangelij non

A 5 ea,



EPISTOLA

ea, qua decet beneuolentia, & beneficentia prosequuntur, priuant se amplissimo ornamento vitæ, quod in timore Dei situm est. Valdè enim fallitur potens, qui existimat, se sua potentia ornari. Valdè fallitur diues, qui putat se suis opibus decorari. Fallitur & pauper, qui se sua tenuitate obscurari arbitratur. Nam vt nec potentia nec diuitiæ veram gloriam adferunt: Ita nec paupertas quenquam coram Deo obscurat. Sed solus timor Dei est, qui & diuiti & pauperi verum vitæ ornamentum adfert, quod sanè nullus vel Satanae dolus, vel humana inuidia auferre poterit. Diues epulo non parum sibi videbatur ob suas diuitias & splendorem gloriosus, qui tamen obscurissimus coram Deo fuit. Contra

trà de  
obscuri  
gelis ei  
tissim  
diuer  
quod d  
quo pa  
Cum ig  
fert, vt  
mus in  
piè pru  
namento  
maleuole  
gely, qu  
ciunt in  
tum.  
Sed e  
ras: prop  
factum  
vir, qui



DEDICATORIA.

trà verò pauper Lazarus, epuloni  
obscurissimus habitus, Deo & an-  
gelis eius summè gloriosus & orna-  
tissimus est visus. Quænam huius  
diuersi iudicij causa alia fuit, quàm  
quòd diues ille caruerit timore Dei,  
quo pauper Lazarus erat ornatus?  
Cum igitur adeò multum nostra res  
fert, vt timore Dei ornati prodea-  
mus in conspectum Dei, profectò  
piè prudentis est cauere, ne isto or-  
namento se spoliet auaricia sua &  
maleuolentia erga ministros Euan-  
gely, quod sanè, proh dolor, multi fa-  
ciunt in suum certissimum interi-  
tum.

Sed cur inquires, ista mihi nar-  
ras? profectò hoc haudquaquã à me  
factum putes, quod in te, clarissime  
vir, quicquam desiderem, sed potius  
vt



EPISTOLA

Ut proposita necessitate, te in cursu feliciter suscepto contra multa impedimenta detineam. Nam multis pijs gratissimum est tuum officium erga ministros Euangelij, qui sibi gratulantur, quod tam pium & clementem nacti sint patronum. Postquam enim administratio diocesanos Selandicæ, quantum quidem ad externam iurisdictionem Ecclesiasticæ politicæ attinet, tibi commissæ est, ea moderatione, ea mansuetudine usus es, quam homini pio & prudenti dignam iudicant omnes. Siquidem in iudicando prudentem semper ἐπιεικείαν adhibes flectendo leges ad causas, non causas ad leges. Quid dicam de summa humanitate tua in pios Euangelij præcones? quid de candore, quo nos in hac Academia docen-

docent  
ficienti  
lastice  
beres,  
sancti  
& nob  
ria, Cee  
ligione  
& edu  
ut aliq  
commun  
Cum. n.  
& doct  
tis decl  
rarum a  
clesiæ pa  
ingens t  
tur.  
quid da  
meo Ioi



DEDICATORIA.

docentes complecteris? quid de munificencia erga multos pauperes scholasticos? Quo de pietate, qua tuos liberes, quos tibi peperit, & pignora sanctissimi coniugij reliquit optima & nobilissima fœmina, piæ memoriæ, Cecilia Wiffstandt in vera religione & sancta disciplina institui & educari curas? idq; in eum finem, vt aliquando sint futuri ornamento communi patriæ & Ecclesiæ Dei. Cum. n. liberis tuis Magistrum piũ & doctum alis magnis sumtibus, satis declaras quo sis erga studia literarum animo, sine quibus muri Ecclesiæ paulatim collabuntur, et mox ingens totius ædificij ruina comitatur. Sed vt ad priuata veniam, quid dicam de beneficentia tua filio meo Iohanni Hemmingio præstita? Hunc



# EPISTOLA

Hunc enim abiturum Vitebergam  
studiorum gratia, amplissimo mune-  
re ornasti. Pro quo summo beneficio  
tibi maximas debeo gratias, & pro-  
mitto perpetuò omnem animi grati-  
tudinem.

Hæc testimonia tuorum benefi-  
ciorum clarè testantur, quo sis erga  
Ecclesiam Dei atq; eius ministros a-  
nimo. Oro autem Deum, vt ipse te in  
hoc pio proposito conseruet ad finem  
vsq; huius caducæ vitæ, post cuius  
exitum proposita est corona ijs, qui  
malis exemplis se à recto cursu ab-  
duci non permittunt. Nam nihil ma-  
gis pietati nocet quàm συνήθεια κακῶν,  
qui nec Deum timent, nec ministros  
Ecclesiæ honorant: Imò ipsam Eccle-  
siam, tanquam vilissimorum homi-  
num colluuiem contemnunt, quod sa-  
nè fa-

nè faci  
Iacob  
cum ta  
Israel,  
Ecclesi  
magnifi  
tur quid  
rea quod  
in conf  
et Israel  
victrix,  
da, quod  
sit. Et  
in hoc m  
bitur tan  
impj om  
tue igno  
Por  
stimoni  
clarissim



DEDICATORIA.

nè facit illorum spontanea cæcitas.  
Iacob vident, Israël non agnoscūt,  
cum tamen idem, qui est Iacob, sit &  
Israël, Hoc est, externam speciem  
Ecclesiæ vident, & non considerant  
magnificam eius gloriam, nomina-  
tur quidem Ecclesia Iacob, propte-  
rea quòd vilis & contempta apparet  
in conspectu hominum, Sed eadem  
et Israël à Domino vocatur, eò quòd  
victrix, quòd formosa, quòd splendi-  
da, quòd gloriosa in conspectu Dei  
sit. Etsi autem hæc Ecclesiæ gloria  
in hoc mundo sub cruce latet, reuela-  
bitur tamen suo tempore, quando  
impij omnes adiudicabuntur perpe-  
tue ignominie.

Porro quoniam cupio extare te-  
stimonium animi mei erga te, vir  
clarissime, sub tuo nomine placuit in  
lucem



EPIST: DEDICAT:

lucem edere commentarios in Vtramque Epistolam Petri, & in Vnam Iudæ Apostoli, quorum lectionem spero tibi haud ingratam futuram. Hos vt accipias taquam  $\mu\eta\mu\acute{o}\sigma\tau\omega\upsilon\omega\nu$  perpetuum meæ erga te reuerentiæ & gratitudinis, etiam atq; etiam rogo. Deus te quàm diutissimè incolu- mem cum carissimis liberis in sui no- minis gloriam, in familiæ tuæ pium ornamentum, in Ecclesiæ Dei ædifi- cationem, & in patriæ communis de- cus conseruet, Amen. Vale ex Mu- sæo nostro. Hafniæ primo Nouembris, Anno 1566.

ARGV=

AR  
IN



cundum  
tium, q  
ctatione

Aut  
Apostoli  
vnquam  
ius Epist  
Hic est ex  
fratre ad  
re factus e  
colorum e  
quam ipse  
nogenere  
rectionem  
ab ipso Do



# ARGVMENTVM IN EPISTOLAM PRI- OREM PETRI.



**Q**UATVOR ILLA,  
quæ in initio enarratio-  
nis sacrorum scriptorum  
examinare soleo, hîc quo-  
que repetamus, sunt au-  
tem hæc. Primum, quis  
sit scriptionis autor. Se-  
cundum, quæ fuerit scribendi occasio. Ter-  
tium, quis sit status. Quartum, quis sit tra-  
ctationis ordo seu methodus.

## DE PRIMO.

Autorem huius Epistolæ D. Petrum  
Apostolorum Coriphæum fuisse, nemo  
vnquam dubitauit. Vnde quanta sit hu-  
ius Epistolæ autoritas, facile est iudicare.  
Hic est enim ille discipulus, qui ab Andrea  
fratre ad Dominum adductus, ex piscato-  
re factus est Apostolus. In mysteriis regni  
cælorum edoctus est voce filij Dei, ante-  
quam ipse Dominus mortem pro huma-  
no genere subiit. Deinde mox post resur-  
rectionem Domini quadraginta diebus  
ab ipso Domino institutus est, qui illi cu-  
ram

B ram



# EPIST. I.

ram sui gregis demandauit, ter dicendo :  
 Petre amas me, pascue oues meas, significans  
 neminem aptum esse ad pascendum gre-  
 gem Christi, nisi qui amore Christi sincero  
 ducatur, adeo ut omnia postponat obedi-  
 entiae erga Christum, quem diligit. Præte-  
 rea ipso die Pentecostes, accepto visibiliter  
 S. sancto, plenius edoctus est, quo die vna  
 concione tria millia hominum ad fidem  
 Domini conuertit. Atque ita completa est  
 promissio Domini dicentis : Spiritus san-  
 ctus arguet mundum de peccato, de iusti-  
 cia, & de iudicio. Hoc est, Spiritus sanctus  
 quinquagesimo die post meam resurrecti-  
 onem clarè & efficaciter conuincet pecca-  
 tum esse, quod mundus non putat esse pec-  
 catum; clarè & efficaciter conuincet esse ius-  
 ticiam, quam mundus non putat esse ius-  
 ticiam; clarè & efficaciter conuincet esse  
 iudicium, quod mundus non putat esse  
 iudicium. Mundus, hoc est, Pharisei &  
 scribæ, cum maxima populi parte, non pu-  
 tat esse peccatum me Iesum Mariæ filium  
 contemnere, & in me non credere, ut in  
 vnicum saluatorem, sed Spiritus sanctus,  
 veniens super vos in die Pentecostes, con-  
 uincet mundum sui erroris, adeo ut pluri-  
 mi agnoscant se peccasse, quod me Iesum  
 Mariæ

Mariæ fil-  
 tius in me  
 derint. I  
 abitur  
 entiam I  
 Dei, mo  
 tus, & re  
 matur ius  
 cuius imp  
 meo confi  
 uincet ma  
 quando  
 morte rel  
 omnium,  
 non putat  
 riam meam  
 sanctus co  
 erroris, &  
 cacter pr  
 ator & de  
 ta promisi  
 mulieris co  
 tem hac D  
 quinquag  
 ctionem;  
 petua lex  
 prædicen  
 quod Ch



# D. P E T R I.

Mariæ filium cruci affixerint, & non potius in me, vt in vnicum saluatorem, crediderint. Mundus non putat iusticiam esse abitum meum ad patrem, hoc est, obedientiam Legis in me, qua satisfit iusticiæ Dei, mortem crucis, qua expiatur reatus, & resurrectionem vitæ, qua consummatur iusticia credentium, esse iusticiam, cuius imputatione credentes coram Patre meo consistunt, sed Spiritus sanctus conuincet mundum huius perniciosi erroris, quando testabitur me Iesum verè victa morte resurrexisse in iusticiam & salutem omnium, qui me fide receperint. Mundus non putat iudicium vindictæ esse, victoriam meam super Diabolo, sed Spiritus sanctus conuincet mundum etiam huius erroris, & in die Pentecostes apertè & efficaciter probabit, quod ego Iesus sim victor & destructor operum Diaboli, iuxta promissionem Adamo factam: Semen mulieris conteret caput Serpentis. Etli autem hæc Domini prædictio completa est quinquagesimo die post Domini resurrectionem, vt iam declaratū est: Tamen perpetua lex esse debet ministris Euangelij, vt prædicent fidem in Christum, doceant quòd Christi obedientia sit nostra iusticia,

B 2      osten-



# EPIST. I.

ostendant quòd CHRISTVS sit victor Diaboli. Hoc cum faciunt, ipse Spiritus sanctus efficaciter adest, & in multis verbum prædicatum obsignat. Hæc obiter adijcere volui, quia Petrus, de quo nobis hic sermo est, præcipuum instrumentum fuit, quo Spiritus sanctus conuicit mundum sui erroris die Pentecostes, vt patet ex secundo Actorum Apostolicorum capite. Porro, cum de vocatione gentium quaestio ageretur, signo diuino edoctus est Petrus, quòd promissio Euangelij ad gentes quoque pertineret. Quare diuinitus admonitus, & vocatus à Cornelio, eum prius donatum Spiritu sancto baptizat, apertè testificans nullam personarum acceptionem apud Deum esse. Hic est ille discipulus, cui Dominus dixit: Tu es Petrus, & super hanc petram ædificabo Ecclesiam meam. Hic est ille, quem Paulus columnam Ecclesiae agnoscit. Hic denique est, quem Ecclesia perpetuo consensu summum Apostolorum appellat. Proinde quicquid in huius viri scriptis legimus, ita accipiendum est, ac si Spiritum filij Dei, cuius Apostolus est, sonantem sua verba audiemus, iuxta illud: Qui vos audit, me audit.

DE

Scri  
res mul  
stolus,  
doctrin  
gentes  
an Perr  
dem do  
pter ritus  
uerentur  
scribit  
qua stan  
nam, in  
de ipfis  
nio rectè  
perseuera  
nem exhi  
consiliu  
fuisse pr  
bis, ita  
Hæc f  
testific  
esse, in  
Iesu Ch  
eti estis  
aliorum



D. P E T R I.  
D E S E C V N D O.

Scribendi occasio Petro hæc fuit. Gentes multæ, quas in epigrapha recitat Apostolus, non Petri, sed aliorum ministerio doctrinam Euangelij receperant. Inter has gentes fuerunt, qui dubitare cœperunt, an Petrus, quem ipsi non audiissent, eadem doceret, præsertim cum passim propter ritus Mosâicos ingentia certamina mouerentur. His itaq; dubitantibus, Petrus scribit & testatur veram esse gratiam in qua stant, id est, veram esse Christi doctrinam, in qua fuerunt edocti. Scribit proinde ipsis hoc consilio, ut & eos suo testimonio rectè institutos esse confirmet, & ad perseverantiam in spe & pietate usq; ad finem exhortaretur. Hanc occasionem, hoc consilium, hunc finem & scopum Petro fuisse propositum, apparet ex ipsius verbis, ita enim in fine huius Epistolæ ait: **Hæc scripsi, adhortans uos & testificans ueram gratiam Dei esse, in qua statis.** Hoc est, verum Iesu Christi Euangelium esse, in quo edocti estis voce & scriptis Pauli Apostoli & aliorum,

DE

B 3

DE



EPIST. I.  
DE TERTIO.

Tota hæc Epistola parænetica est, & ad duo capita reuocari potest. Quorum vnum hortatur gentes, ad quas scribit, vt persistant in gratia, quæ ipsis per prædicationem Euangelij collata est. Alterum suadet, vt in hac gratia dignè ambulent ad finem vsq; huius caducæ uitæ.

DE QVARTO.

Ordo tractationis, quemadmodum in suasijs argumentis fieri consuevit, est arbitrarius. Neq; enim ita vnâ aliquam parænesin tractat & absoluit, quin rursus data aliqua occasione ad eandem redeat. Quare etsi artificialis & Didacticus ordo hic non est quærendus: firnum tamen & necessarium fundamentum iacit, ex quo paræneses omnes, quas tractat, optimè extruuntur. Ponit autem omnis piæ actionis fundamentum regenerationem seu semen illud diuinum, quo in nouos homines renascimur. Hoc fundamento posito, varias exhortationes inde manantes extruit, quas, vt dixi, ita tractat, vt subinde ad easdem redeat. Verum vt eas propius considerare possimus, ipsas discernamus

per



D. P E T R I.

per obiecta, & singulas veluti ad suas proprias classes referamus. Quædam igitur sunt, in quibus ad officia, quæ Deo immediate debentur, inuitat, ut cum hortatur ad fidem, spem firmam, timorem, subiectionem seu veram coram Deo humilitatem, inuocationem &c. Quædam sunt, quæ ad mores cuiusque priuatos pertinent. Vt cum vel hortatur ad sanctitatem, vel dehortatur ab impuritate & prophanitate. Quædam sunt, quæ pertinent ad officia inter homines, & sunt variæ. Aliàs enim hortatur ad præstandum magistratui debitum officium. Aliàs analogum officium dominorum & seruorum inter se: Seniorum & iuuenum requirit. Aliàs communia Christianis officia inculcat. Quædam sunt, quæ ad ærumnas præsentis vitæ perferendas pertinent, vt cum hortatur Apostolus ad patientiam sub cruce, & monet vt non succumbant temptationibus. Postremo, quia Ecclesia habet hostem Diabolum, qui perpetuò in insidijs est, hortatur Petrus Christianos ad vigilantiam, vt tanto aduersario resistere possint. Ad has classes paræneses omnes huius Epistolæ reuocari possunt, vnde facile est videre, quanta sit huius Epistolæ utilitas, & quàm necessaria sit eius lectio.

B 4 SVM-



EPIST. I.  
SUMMA CAPITIS  
PRIMI.

**E**lecti & fidem Christi amplexi seu re-  
geniti, præcinctis lumbis, specq; gratiæ  
firma concepta, veræ sanctitati studeant,  
ut qui ex semine immortalis, per sermonem  
viventis Dei & manentis in æternum, sint  
regeniti.

ORDO ET PARTES CA-  
PITIS PRIMI.

**H**uius primi capituli tres sunt partes.  
Prima est, ipsa epigrapha cum saluta-  
tione. Secunda, exordium eucharisticum,  
in quo causam salutis explicans, de fide  
Christi firmam doctrinam & apostolicam  
tradit. Tertia, exhortatio ad sanctificatio-  
nem vitæ, constans propositione & confir-  
matione, petita ex ipsis fontibus, quemad-  
modum fusius in ipsa enarratione declara-  
bimus.

EXEGESIS CAPITIS  
PRIMI, CVM OBSERVA-  
tione doctrinarum.

Petrus Apostolus Iesu Christi  
sti,



D. P E T R I.

sti, aduenis dispersis per Pontum, Gallaciam, Cappadociam, Asiam, & Bithyniam, electis iuxta præcognitionem Dei patris, in sanctificationem Spiritus, in obedientiam & aspersio-  
nem sanguinis Iesu Christi.

Hæc epigrapha diligenter est obseruanda. Continet enim magnam copiam rerum spiritualium, ac summam doctrinæ Ecclesiæ mirabili compendio complectitur. Quare eam in suas quasdam particulas retexam, & quid doctrinæ ex singulis hauriendum sit, ostendam. Primum igitur, cum Autor huius Epistolæ Petrus nominetur & dicatur Apostolus Iesu Christi, has quatuor conclusiones colligamus. Primam, quod Petrus ab ipso Christo sit missus legatus. Secundam, quod Petrus afferat doctrinam Christi, hoc est, Euangelium, iuxta mandatum: Ite in mundum vniuersum, & prædicate Euangelium omni creaturæ. Tertiam, quod nihil erroris sit admixtum doctrinæ Petri. Quartam, quod ipsi Petro, tanquam voci diuinæ,

B 5 cre-



# EPIST. I.

credendum sit. Est enim Apostolus orator à Deo missus, ut ore negotium agat, quòd in mandatis habet. Cum igitur dicit Petrus: Ego sum Apostolus Iesu Christi. Perinde est ac si diceret: Ego habeo à Iesu Christo mandatum, ut ipsius nomine vobis Euangelium de gratuita salute annunciem. Hic proinde admoneamur, quantum cum reuerentia & attentione legenda sit nobis hæc diui Petri Epistola, in qua nobis Petrus nomine filij Dei loquitur, ac Euangelium salutis annunciat. Sed quibus nam scribit Petrus? Aduenis. Hac voce significat Apostolus, se gentibus & non Iudæis scribere. Nam illi, qui ex gentibus conuertebantur ad religionem Iudæorum, aduenæ & προσήλυτοι dicebantur. Hic monemur Euangelium non tantum ad Iudæos, sed etiam ad gentes pertinere. Vnde hæc cogitanda sunt. Primum, quòd Euangelij annuntiatio sit gratuita. Secundum, quòd nullis præcedentibus meritis aut præparantibus operibus ad Euangelium recipiendum reddamur condigni. Tertium, quòd Euangelium sit vniuersalis doctrina, ut quæ omnibus hominibus promiscuè in Christo salutem offerat. Quartum, quòd ad Euangelij perfectionem

nem  
rum.  
bus  
Enu  
nes,  
Afri  
nes  
vno  
ad or  
est reg  
pado  
mare  
gion  
doctr  
Quid  
region  
gratu  
dem fi  
lij doc  
perfor  
ingrati  
gelium  
etinan  
crudel  
iectæ  
test di  
Time  
grati



# D. P E T R I.

nem non requirantur ritus Mosaici. Quintum, quod gratos nos esse oporteat, quibus indignis tanta conferantur beneficia. Enumerat autem hic Petrus quinque regiones, Pontum, Gallaciam, Cappadociam, Asiam & Bithyniam. Hæ quinque regiones cum quibusdam alijs à Geographis vno nomine Antiochia dicuntur, & sunt ad orientalem plagam sitæ. Pontus ampla est regio & maritima. Proxima huic Cappadocia, à tergo Galatia est, à fronte ad mare Asia & Bithynia. Paulus in his regionibus Euangelij semina iecerat, cuius doctrinam Petrus testatur esse veram. Quid hinc doctrinæ petendum est? Hæ regiones meritò nos ad timorem Dei & gratitudinem excitabunt, quæ olim quidem florebant, quando illic sana Euangelij doctrina in omnibus vrbibus & pagis personabat. Nunc verò propter ipsorum ingritudinem aduersus Deum & Euangelium Christi, non solum amiserunt doctrinam Euangelij, verum etiam Turcæ crudelissimo Christiani nominis hosti subiectæ sunt. Adeò Deus non ferre potest diuturnum sui Euangelij contemptum. Timeamus igitur DEVM, & simus grati, ne & nobis aliquando contingat, quod



# EPIST. I.

quod illis securis & ingratis contigit.

Sequitur, quod Aduenæ, quibus scribit Apostolus, dicantur electi secundum præcognitionem Dei patris, in sanctificationem spiritus, quibus sanè verbis duo significantur. Vnum, quod qui per Euangelium vocantur, sint electi in sanctificationem spiritus, id est, ut spiritu sint sancti & noui homines, effecti secundum imaginem Dei. Alterum, quod vocatio ista non temerè fiat, nec pendeat ex hominum arbitrio, sed iam olim à Deo ordinata & præcognita sit. Quod ideo addit Apostolus, ne quis hanc doctrinam Apostolicam, veluti recens natam aspernetur. Tamen enim iam recens erant Apostoli missi in vniuersum orbem, ut docerent Euangelium: tamen hoc longè antea, videlicet ante fundamenta mundi iacta, constitutum erat, quod statuto diuinitus tempore reuelandum fuit, iuxta illud Galat: 4. Quando venit plenitudo temporis, emisit Deus filium suum, natum ex muliere, factum sub lege, ut eos qui sub lege erant, redimeret. Sed de hac temporis circumstantia plura mox dicentur.

## DE ELECTIONE.

Porro



D. P E T R I.

Porro de electione huc pauca adijcere placet propter Stoicos, qui Parcarum tabulas Ecclesiæ Christi obtrudere moluntur. Est itaq; Electio, quæ & Prædestinatio dicitur, ordinatio Dei, qua ipse ante constitutionem mundi, secundum beneplacitum & consilium voluntatis suæ, per Christum & in Christo elegit omnes in Christum redemptorem credituros ad vitam æternam, ut sint sancti & inculpati coram ipso, utq; laudem gloriæ, gratiæ eius prædicent in omni æternitate. Hæc definitio extructa ex primo capite Epistolæ Pauli ad Ephes: sex circumstantiis absolvitur. Quarum Prima est, de tempore. Secunda, de causa electionis, Tertia, de modo & fundamento. Quarta, de conditione & euentu. Quinta, de vita æterna, ad quam possidendam eligimur. Sexta, de finibus electionis. His circumstantiis explicatis, mysterium electionis conspicietur, quare de illis pauca adijciamus.

P R I M A,

Prima circumstantia est temporis, quod electio hæc decreta sit ante constitutionem seu creationem mundi, ex quo concludi-



# EPIST. I.

cluditur, quod sit certa & immota. Nam cum Deus præuideret lapsum hominis ante mundi conditionem, ordinauit & remedium, & decreuit ex lapsu reuocare omnes, qui remedium offerendum & gratuitum erant recepturi. Hinc Paulus Electionis verbum, quod est Euangelium, concludit non esse recens natum tempore Apostolorum, sed longè antea decretum, suo tempore mundo reuelandum. Atq; ideo idem Paulus Euangelium definit esse reuelationem mysterij, quod à temporibus æternis tacitum fuit, quod nunc tandem manifestum factum est, & per scripturas Propheticas ex mandato Dei in obedientiam fidei apud omnes gentes declaratum, Roman. 16. Ex hac circumstantia fides nostra confirmetur de immoto decreto Dei, quo statuit ante conditum mundum saluare credentes. Deinde etiam animetur & armetur aduersus omnes hostes Euangelij, qui Euangelium tanquam fabulosam doctrinam temporibus Apostolorum natam calumniantur.

## SECUNDA.

Secunda circumstantia est, de causa electionis, quam Paulus scribens Ephesijs

Εὐδοκίαν



# D. P E T R I

*Εὐδοκία* voluntatis Dei nominat. Augu-  
 stinus autem misericordissimam Dei vo-  
 luntatem. De hac voluntate Dei & pa-  
 terna misericordia, vbi certò nobis consti-  
 terit, habet fides firmissimum suæ electio-  
 nis fulcimentum. De hac misericordia Dei  
 seu misericordissima uoluntate ipse Domi-  
 nus apud Esaïam 54. cap. loquitur in hunc  
 modum: Montes mouebuntur, & colles  
 contremiscent, misericordia autem mea  
 non recedet à te, nec fœdus pacis meæ mo-  
 uebitur, dicit miserator tuus Dominus. Et  
 Psal: 145. Miserator & misericors Dominus,  
 tardus ad iram & multum misericors. Bo-  
 nus Dominus vniuersis, & miserationes  
 eius super omnia opera eius. Verum ne fi-  
 namus hanc Dei voluntatem nobis vlla  
 sophistica obscurari, intueatur fides nostra  
 hæc quatuor: Missionem filij Dei in mun-  
 dum: Mandatum vniuersale, vt audiamus  
 Euangelium: promissionem gratiæ vniuer-  
 salem: & oblationem fœderis vniuersa-  
 lem. Hæc enim quatuor rectè cogitata ita  
 certificabunt conscientias nostras de vo-  
 luntate Dei, qua ex mera sua misericordia  
 vult saluos nos facere, vt facilè contemna-  
 mus omnium Diabolorum & hominum  
 strophas & versutias argutiarum.

P R I



# EPIST. I.

PRIMUM itaq; intueamur missio-  
nem Fili; quę sanè locupletissimum est pa-  
ternæ voluntatis in Deo erga omnes ho-  
mines testimonium, iuxta hæc dicta Ioan.  
3. Sic Deus dilexit MUNDUM, quòd Fi-  
lium suum vnigenitum dederit, vt omnis  
qui credit in ipsum, non pereat, sed habeat  
vitam æternam. Roman: 5. Commendat  
Deus caritatem suam erga nos, quòd cum  
adhuc essemus PECCATORES, Chri-  
stus pro nobis mortuus est. Matth: 11.  
Non veni vocare iustos, sed peccatores ad  
pœnitentiam. Et Paulus 1. Timoth: 2. Fi-  
delis sermo & omni approbatione dignus,  
quòd Christus Iesus venit in hunc mun-  
dum, peccatores saluos facere. Et Ioan: in  
prima Epistola: Christus apparuit, vt de-  
struat opera Diaboli. Et ad Tit: 2. Appa-  
ruit gratia Dei salutaris omnibus homini-  
bus. Luc: 9. Filius hominis non venit ani-  
mas perdere, sed saluare. Matth: 18. Venit  
filius hominis seruare quod perierat. Iam  
autem non pauci aliqui perierunt de ge-  
nere humano, sed totum genus huma-  
num. Quemadmodum igitur in Adamo  
omnes lapsi sumus: Ita cum Adamo om-  
nibus datur promissio Seminis, contrituri  
caput Serpentis. Hæc testimonia de missio-  
ne Fi-

ne Fili  
nem a  
miseri  
selecto  
seruet  
non r  
dicetu  
S  
Dei vn  
cat de  
tenden  
potest  
luntate  
Quare  
audiant  
audiant  
ant. Pr  
fidem.  
saluent  
Patris, a  
terram c  
vniuersu  
mni crea  
tus fueri  
uersalis  
cunt m  
vt exter  
mni cor



D. P E T R I.

ne Filij firmiter teneamus, quæ citra omnem ambiguitatem testantur, quòd Deus miserit Filium, non vt paucos quosdam selectos de genere humano, sed vt omnes seruet. Quare autem euentus in hominibus non respondeat huic Dei voluntati, postea dicitur.

SECUNDO intueamur mandatum Dei vniuersale, quod similiter nos certificat de voluntate & misericordia Dei, extendente se ad OMNES, fieri enim non potest, vt mandatum Dei cum ipsius voluntate pugnet, cum Deus sit iustissimus. Quare cum iubet, vt omnes suum Filium audiant, vult profectò, vt omnes ipsum audiant, vult vt ex auditu fidem concipiant. Prædicatio enim Euangelij requirit fidem. Vult deniq, vt omnes credentes saluentur. Deinde Filius, qui est imago Patris, amandat discipulos suos in omnem terram cum hoc mandato: Ite in mundum vniuersum, & proclamate Euangelium omni creaturæ, Qui crediderit & baptizatus fuerit, saluus erit. Hic particula vniuersalis omnis, & vox creaturæ, conuincunt mandatum filij Dei ita vniuersale esse, vt extendat se ad omnes homines absq, omni conditione nationum, personarum

C aut



# EPIST. I.

aut quarumuis qualitatū. Cum igitur hoc mandatum clarè testetur, Deum reuera omnium hominum salutem velle, Quis est, qui se vlla sophistica huic mandato audet opponere? Quid dicemus de hac liberalissima inuitatione filij Dei Matth. II. Venite ad me OMNES, qui laboratis & onerati estis, ego reficiam vos. Hic vtrunq; hoc est, mandatum & promissio voluntatem Dei paternam esse testantur, quod velit reuera omnes venire ad Christum vocantem, vt omnes in eo salutem consequantur. Firmissime itaq; & sine omni hæsitacione fides nostra statuatur, hoc mandatum Dei æternum & vniuersale, infallibile voluntatis ipsius testimonium esse erga omnes homines, & procul absit à Christiano pectore cogitare, Deum externo ministerio omnibus offerre salutem, sed intus tamen aliam voluntatem inclusam habere. Hoc enim planè esset Deo iustissimo contradictorias voluntates tribuere. Quod quam sit absurdum, quis non videt?

TERTIO, intueamur promissionem gratiæ vniuersalem, quam cum voluntate Dei congruere necesse est. Hæc est, dicit Dominus, voluntas Patris mei qui misit me,

me, v  
in eum  
Sic no  
qui in  
istis, i  
mines  
ratis v  
erga v  
nes ad p  
Prophe  
lis: Re  
ma, &  
eorum  
impiera  
iudiciu  
viuifica  
se ab om  
peratus  
Item, C  
ab omni  
erit vob  
à vobis  
bus præ  
nouum  
mortem  
timini  
est vniu  
cipiend



D. P E T R I.

me, vt omnis, qui vider Filium & credit  
in eum, habeat vitam æternam. Matth. 18.  
Sic non est voluntas ante Patrem meum,  
qui in cœlis est, vt pereat vnus de pusillis  
istis. 1. Timoth. 2. Deus vult omnes ho-  
mines saluos fieri, & ad agnitionem veri-  
tatis venire. 1. Pet. 3. Deus longanimis est  
erga vos, non volens vllos perire, sed om-  
nes ad pœnitentiam recipere. Huc multa  
Prophetarum dicta pertinent, vt Ezechie-  
lis: Reuertatur vnusquisq; à via sua pessi-  
ma, & propitius ero iniquitati & peccato  
eorum. Item, Cum auerterit se impius ab  
impietate sua quam operatus est, & fecerit  
iudiciũ & iusticiam, ipse animam suam  
viuificabit. Considerans enim & auertens  
se ab omnibus iniquitatibus suis, quas o-  
peratus est, vita viuet & non morietur.  
Item, Conuertimini & agite pœnitentiam  
ab omnibus iniquitatibus vestris, & non  
erit vobis in ruinam iniquitas. Proſcrite  
à vobis omnes iniquitates vestras, in qui-  
bus præuaricati estis, & facite vobis cor  
nouum & spiritum nouum. Item, Nolo  
mortem peccatoris, dicit Dominus, reuer-  
timini & viuite. Hæc gratiæ promissio, vt  
est vniuersalis: ita & gratuita sola fide ac-  
cipienda. Vtrumq; docet Apostolus ad  
C 2 Rom. 9



EPIST. I.

Rom. 9. 10. & 11. ubi summam disputationis de voluntate Dei & gratiæ promissione in hunc modum colligit. Non est distinctio Iudæi & Græci. Idem enim Dominus omnium, diues in omnes, qui inuocant ipsum. Quisquis enim inuocauerit nomen Domini, saluabitur. Ex hisce dictis fides nostra firmissimam consolationem concipiat aduersus eos, qui tribuunt Deo προσωποληψίαν, & statuatur procul omni dubio de voluntate Domini sentiendum esse, ex hac vniuersali gratiæ promissione, quæ omnibus sophismatis opponatur.

QVARTO, intueamur obsignationem foederis vniuersalem, qua nihil dulcius cogitari potest. Quis quæso satis de mirari poterit bonitatem & εὐλαβρωπίαν Dei, qui non solum promiscuè omnibus salutem promittit, verum etiam eandem mandat omnibus obsignari? Nam dum iubet omnes gentes baptizari, vult profectò, quod iubet, & verissimè omnibus suam gratiam obsignat. Qui enim fieri posset vt, cum sit iustissimus Deus, omnes inuitaret ad Baptismum dulcissimum sui foederis testimonium, nisi omnibus gentibus salutem, quam obsignat baptismo, impartiri

tiri ve  
sua te  
conue  
tanqu  
immo  
moni  
signat  
tiner fa  
Domi  
nat, &  
guinis  
nos ip  
non v  
moniti  
de volu  
causa ne  
neamus  
nendæ,  
sericore  
million  
onem, &  
uertamu  
caro nob  
erga nos

Me



D. P E T R I.

tiri vellet? Quotiescunq; igitur fides nostra tentationibus de electione fatigatur, conuertamus cor nostrum ad Baptismum, tanquam firmissimum salutis fulcrum, & immotum voluntatis Dei erga nos testimonium, ne nostra culpa promissa & ob signata salute excidamus. Huc etiam pertinet sacratissimæ Cœnæ institutio, in qua Dominus eandem gratiam nobis ob signat, & testatur se precio suæ carnis & sanguinis nos à morte æterna liberalisse, modo nos ipsi hanc dulcissimam *ωονδλw* perfidè non violauerimus. Cum itaq; ex his demonstrationibus euidenter nobis constat de voluntate Dei paterna erga omnes, quæ causa nostræ electionis est, firmissimam te neamus fiduciam salutis promissæ obtinendæ, & ad hæc quatuor testimonia misericordissimæ voluntatis Dei, videlicet missionem Filij, mandatum Dei, promissionem, & ob signationem gratiæ nos conuertamus, quoties vel Satan vel propria caro nostram fidem de misericordia Dei erga nos labefactare ceperit.

T E R T I A.

Modum & fundamentum electionis  
C 3 nostræ



## EPIST. I.

nostræ tenere oportet. Est autem is modus vnicus & uerissimus, quem Diuus Paulus Ephesijs scribens nobis commonstrat. Elegit nos, inquit in Christo ante constitutionem mundi. Item, Prædestinauit nos in adoptionem per Christum. Item, Gratos nos fecit in dilecto, in quo habemus redemptionem per sanguinem eius. Hæc dicta Spiritus sancti & similia multa testantur, quòd Deus nos elegerit non exarando fatales libros cum Zenonis familia, sed statuendo iuxta consilium voluntatis suæ modum salutis consequendæ per Christum & in Christo. Fides proinde nostra non vagetur extra hunc modum & hoc fundamentum electionis nostris, non quærat in parcarum tabulis certitudinem salutis suæ, sed acquiescat in filio Dei, in quo solo salutis nostræ certitudo fundatur.

## QVART A.

Conditionis & euentus in definitione meminimus, quorum explicatio permultum faciet ad claram huius mysterij noticiam. Conditio itaq; requiritur, iuxta vocem Euangelij, pœnitentiæ seu conuersionis, seu fidei, cuius loco propria eius adiun  
cta seu

cta seu  
tio, san  
Nam v  
ditia, c  
memb  
Christi  
censu  
fidem  
carur, H  
minus  
mundu  
gelium  
baptiz  
incredu  
mandat  
nem fide  
pissimè  
vbi de  
cemus,  
tur iust  
iusticiam  
rò sectan  
cia non  
sed ex op  
sus fuer  
dideris  
citarit e  
credetur



## D. P E T R I.

ſta ſeu notæ ponuntur, vt ſunt regeneratio, ſanctificatio, patientia, inuocatio, &c. Nam vbi hæc ſunt, certiffima ſunt fidei inditia, quæ cum inferimur Chriſto, & eius membra efficimur, electi dicimur, quia in Chriſto ſumus, extra quem nemo electus cenſendus eſt, & in quo quiſquis fuerit per fidem vt membrum Chriſti, electus iudicatur. Hanc fidei conditionem adiecit Dominus mandato Marci vltimo: Euntes in mundum vniuerſum, proclamate Euangelium omni creaturæ, Qui crediderit & baptizatus fuerit, ſaluabitur. At qui fuerit incredulus, condemnabitur. Hoc Chriſti mandatum & promiſſio requirit conditionem fidei, quam conditionem Paulus ſæpiſſimè nobis commendat. Vt ad Rom. 9. vbi de electione diſputat. Quid igitur dicemus, inquit, Gentes, quæ non ſectabantur iuſticiam, apprehenderunt iuſticiam, iuſticiam, inquam, quæ eſt ex fide, Iſraël verò ſectans legem iuſticiæ, ad legem iuſticiæ non peruenit. Quare? quia non ex fide, ſed ex operibus legis. Et in 10. Si confeſſus fueris ore tuo Dominum Ieſum, & credideris in corde tuo, quod Deus illum excitavit ex mortuis, ſaluaberis. Corde enim creditur ad iuſticiam, Ore autem fit con-

C 4

feſſio



# EPIST. I.

fessio ad salutem. Dicit enim scriptura:  
 Omnis qui credit in ipsum non pudebit,  
 non enim est distinctio Iudæi & Græci.  
 Nam idem Dominus omnium, diues in  
 omnes inuocantes ipsum. Quisquis enim  
 inuocauerit nomen Domini, saluabitur.  
 Ad Coloss. 1. Si modo in fide permaneatis  
 fundati & firmi, & non transmueamini à  
 spe Euangelij, quod audiuiſtis. Ad Ebræ-  
 os. 3. Participes facti sumus Christi, si mo-  
 do incoatam fiduciam vsq; ad finem fir-  
 mam retineamus. 1. Tim. 2. Mulier saluabi-  
 tur, si permanserit in fide. 2. Corinth. 5. Si  
 tamen vestiti & non nudi reperiāmur. Huc  
 plurimæ conciones Domini pertinent.  
 Veni vocare peccatores ad pœnitentiam.  
 Ioan. 3. Quemadmodum exaltauit Moses  
 serpentem in deserto: Sic exaltari oportet  
 Filium hominis, vt omnis, qui credit in  
 eum, non pereat, sed habeat vitam æter-  
 nam. Sic enim dilexit Deus mundum, vt  
 Filium suum vnigenitum daret, vt omnis,  
 qui credit in eum non pereat, sed habeat  
 vitam æternam. Iohan. 3. Si manseritis in  
 me, & verba mea in vobis manserint. Hæc  
 conditio etiam in Prophetis sæpissimè in-  
 culcatur. Si, inquit Ieremias, pœnitentiam  
 egerit gens illa à malo, quod locutus sum  
 aduer-

aduer  
 super  
 Si fece  
 dant  
 super  
 ei. Q  
 fit, ap  
 am eg  
 illud P  
 gelizer  
 in seru  
 prædic  
 monia  
 cent, q  
 vt quæ  
 hoc est,  
 in Iesum  
 catio &  
 quo fit  
 fidei, n  
 dientia  
 gnetur.  
 Legis co  
 sibilis e  
 la non  
 imple  
 cia & f  
 fit, ad C



D. P E T R I.

aduersus eam, agam & ego poenitentiam  
super malo, quod cogitavi vt facerem ei.  
Si fecerit malum in oculis meis, vt non au-  
diant vocem meam, poenitentiam agam  
super bono, quod locutus sum vt facerem  
ei. Quod hæc conditio omnino necessaria  
sit, apparet apud Lucam: Nisi poenitenti-  
am egeritis, omnes simul peribitis. Huc &  
illud Pauli pertinet, Væ mihi si non Euan-  
gelizem. Item, castigo corpus meum, &  
in seruitutem redigo, ne fortè cum alijs  
prædicauero, ipse reprobus efficiar. Testi-  
monia hæc à nobis posita, clarissimè do-  
cent, quod electio nostri sit conditionata,  
vt quæ requirit conditionem poenitentiae,  
hoc est, conuersionis ad Deum per fidem  
in Iesum Christum, cum qua fide & inuo-  
catio & noua obedientia est coniuncta, ex  
quo fit, vt hæc conditio conuersionis nunc  
fidei, nunc inuocationis, nunc nouæ obe-  
dientiae, nunc sanctificationis nomine si-  
gnetur. Nam hæc natura coniuncta sunt,  
Legis conditio, quæ nostra culpa impos-  
sibilis est, longè diuersa ab hac est. Nam il-  
la non offert salutem, nisi cum conditione  
impleræ legis, quæ impletio causa sit iusti-  
ciæ & salutis Hæc causa, cum in nobis non  
sit, ad Christum mittit nos Euangelium,

C 5 quod



# EPIST. I.

quod prædicat pœnitentibus remissionem peccatorum in nomine Christi, qui est finis & consumatio legis in iusticiam omnium credenti. Ex his, quæ hæcenus de conditione dicta sunt, facile est intelligere, quid de euentu sentiendum sit, propter quem multi quidem dicuntur vocati, pauci uerò electi. Nam quantum ad euentum attinet, soli electi dicuntur, qui fidem ex auditu uerbi concipiunt, seu qui Christum, quem prædicat Euangelium, fide recipiunt, ut eius iam membra censeantur, in quo solo rata est electio. Quod autem multi, prohi dolor, audito Euangelio non credunt, & propterea damnati & non electi dicuntur, causa in ipsis quærenda est, & non in Deo, qui iubet ut omnes Filium audiant. Huc quoque facit iustissima querela Domini: Quoties congregare volui filios tuos, quemadmodum congregat pullos suos gallina, & noluisti, Ecce relinquetur domus vestra deserta. Hic tria clare exprimuntur. Primum, quod Christus reuera voluerit salutem Ierusalem, id quod voce & lacrymis testatur. Secundum, quod Ierusalem oblatam salutem suapte malitia repudiarit. Tertium, quod comminetur Dominus damnationis pœnam

contu-

contu  
ctu, &  
& mi  
ruit le  
poteri  
te vo  
multi  
multi  
enim r  
nobilit  
nausee  
perean  
repetit  
sunt ve  
admod  
multi op  
quas m  
bet in  
qui ve  
qui inu  
vestem  
Christi,  
bantur.  
Multi si  
ad salu  
Sed pa  
stanti v  
nitentes



D. P E T R I.

contumaci populo. Huius euentus respectu, & non consilio Dei creantis hominem & mittentis Filium in mundum, dici potuit Ierusalem non electa. Hoc confirmari poterit verbis Apostoli, qui ita ait: Vide te vocationem vestram fratres, quod non multi sapientes secundum carnem, non multi potentes, non multi nobiles. Hisce enim rebus, sapientia carnis, potentia & nobilitate veluti inescantur multi, ut nauscent ad Euangelium, ac ita sua culpa pereant. Huc & illa Domini querela bis repetita apud Matthæum pertinet: Multi sunt vocati, pauci verò electi. Nam quemadmodum res se habet in vinea, in quam multi operarii vocantur, & in nuptiis, ad quas multi inuitantur: Ita se etiam res habet in regno Christi. Ut enim enjciuntur, qui vocati murmurant, & excluduntur qui inuitati venire recusant, vel admissi vestem nuptialem non habent: Ita è regno Christi, qui se, ut decet, non gerunt, exturbantur. Est igitur sensus querelæ Domini: Multi sunt vocati, id est, multi inuitantur ad salutem per prædicationem Euangelij, Sed pauci sunt electi, id est, sinceri & gestanti vestem nuptialem, hoc est, verè poenitentes, & seriam emendationem meditantur.



# EPIST. I.

tantes sanctimonia vitæ. Quoties igitur in scripturis legimus de paucitate electorum, non respiciamus ad consilium creatoris & redemptoris, volentis ex sua misericordissima voluntate omnes homines saluos fieri, sed ad euentum, quo homines contumaces iustissimè abijciuntur, vt sui furoris æternas pœnas luant. Fides proinde nostra non sinat se istis dictis, quæ ad euentum referenda sunt, abduci ab vniuersali gratiæ promissione, sed potius intueatur modum & conditionem æternæ electionis, & paternæ voluntatis Dei erga omnes.

## QVINTA.

Circumstãtia quinta est de eo, ad quod eligimur, hoc est, de vita æterna & beata. Quemadmodum enim primus homo conditus erat, vt ipse cum sua posteritate beatus in Paradiso viueret, seruata conditione obedientiæ erga mandatum, quod Dominus ei dederat, videlicet, ne de fructu certæ cuiusdam arboris gustaret: Ita in secundo Adamo Iesu Christo, per quem à commerita damnatione redempti sumus, promissionem habemus cœlestis Paradyli adeundæ. Sed, vt dictum est, cum condi-  
tione



# D. P E T R I.

tione pœnitentiæ seu fidei. Hæc cœlestis  
 Paradisus fruitio æterna Dei est, in socie-  
 tate perpetua castorum angelorum & ho-  
 minum, qui in inuocatione filij Dei ex hac  
 ærumnosa vita migrant. Nam vt in Ada-  
 mo primo miseras sempiternas commer-  
 ti sumus, in eo enim & rei & immundi in-  
 uenimur; Sic in Christo Iesu secundo Ada-  
 mo obtinebimus non nostris meritis, sed  
 ipsius gratia sempiternas voluptates in vi-  
 ta æterna. Nam & per illum à reatu absol-  
 uimur, & eius Spiritu sanctificamur, vt  
 iam nouam vitam meditari incipiamus.  
 Huius nouæ vitæ meditatio incoatio est  
 æternæ vitæ, ad quam eligimur, in qua vi-  
 ta æterna, iuxta Psalm. 16, erit abundantia  
 deliciarum vultus Domini, & erunt iucun-  
 ditates in dextera eius in æternum. Cum  
 abundantia deliciarum meminit, signifi-  
 cat plenitudinem & saturitatem omnium  
 rerum expetendarum, & statum omnium  
 bonorum copia perfectissimum. Vultus  
 Domini, vt summum bonum, in quo ac-  
 quiescendum est, proponitur, vnde ma-  
 nant iucunditates in dextera Dei, id est,  
 summæ deliciæ & spirituales voluptate ex  
 contemplatione maiestatis diuinæ, qua vt  
 Pallio vestiti, gloriosi apparebimus in o-  
 mni



# EPIST. I.

mni æternitate. Horum bonorum, quæ  
 nulla mens in hac vita capere potest, per  
 exiguum quendam gustum sentiunt pñ in  
 hac vita, hoc est, qui verè credunt & agun-  
 tur spiritu Dei. Hinc fides nostra accenda-  
 tur, ac meditatione horum bonorum, quæ  
 promittuntur perseverantibus vsq; ad fi-  
 nem, crescat, vt inuicta se opponat obiecta-  
 mentis omnibus Satanæ & carnis, statu-  
 que hanc vocem filij Dei præferendam es-  
 se omnibus argutis Diabolorum & ho-  
 minum. Qui credit in Filium, habet vitam  
 æternam. Quisquis enim credit, Christum  
 habet in se habitantem, qui est solus via  
 vitæ æternæ.

# S E X T A.

Sexta circumstantia vltima est, de fi-  
 nibus Electionis, qui sunt duo. Quorum  
 primus est, vt simus sancti & irreprehen-  
 sibilis coram Deo, ita enim Paulus loqui-  
 tur, Ephesjs scribens. Alter est, vt laude-  
 tur gloria ipsius à nobis, cum in hac vita  
 tum in omni æternitate. Quantum autem  
 ad priorem finem attinet, qui est, vt sancti  
 simus & irreprehensores coram Deo, re-  
 ctè tempora distinguenda sunt. Est enim



D. P E T R I.

tempus incoationis, quo sancti sumus, non perfectione virtutis, sed impuratione sanctitatis Christi, & incoatione nouæ obedientiæ, qua segregamus nos à prophanitate mundi, & applicamus nos Deo, vt simus hostiæ placentes per Iesum Christum. Est & tempus consumationis, quando actu sancti erimus, & perfectione virtutis irreprehensibiles. Mens enim perfectissima noticia Dei lucebit. Affectus omnes erunt purissimi. Cor ardebit perfecta dilectione Dei, atq; adeo totus homo anima & corpore integerrimus erit, in qua integritate conseruabimur in omni æternitate.

Quantum autem ad alterum finem attinet, qui est, vt laudetur gloria ipsius, sciendum est, quòd in hac vita iste finis consistat in puritate mentis, in agnitione Dei, in confessione, in cruce, atq; adeo in tota vita nostra, vt multi nostro exemplo inuitentur ad glorificandum Deum. At post resurrectionem cum castissimis Angelis Dei perpetuas laudes Dei personabimus. Atq; ita recepta imagine Dei, plenissimè CHRISTO Domino corporibus & animis conformes erimus in omni æternitate.

Hæc



# EPIST. I.

Hæc sunt, quæ hoc tempore de Electione ascribere placuit. Quæ omnia eò pertinent, vt excitent in nobis timorem Dei & perseverantiam in fide. Nam qui perseverauerit vsq; ad finem, saluus erit. Nemo proinde Deo imputet suum interitum, sed potius cum Daniele confiteatur: Tibi Domine iusticia, nobis autem confusio faciei. Caueat igitur vnusquisq; ne peccandi petulantia & consuetudine mereatur abijci cum Pharaone, Iuda & similibus. Iustè enim, vt ait Fulgentius, deseritur à Deo, qui Deum deserit. Relinquat proinde, vt idem ait, impius viam suam qua peccat. Relinquat iniquus cogitationem suam, qua de peccatorum remissione desperat, & secundum Prophetæ dictum conuertatur ad Dominum, quia multus est ad ignoscendum. In hoc multo nihil deest, in quo est omnipotens misericordia, & omnipotentia misericors.

## In obedientiam & asperersionem sanguinis Iesu Christi.

Hæc verba duplicem sensum recipiunt. Primum eius pro ꝓ ponitur, & ꝓ ꝓ ꝓ, vt in hunc modum reddi sensus possit: per inobedientiam & asperersionem sanguinis



D. PETRI.

guinis Iesu Christi. Atque ita ad causas salutis nostrę referenda sunt hæc verba. Nam ut obedientia Christi, materialis salutis causa est: Ita aspersio sanguinis formalis est. Nam ut obedientia Christi nobis credentibus in iusticiam imputatur: Ita aspersione sanguinis consecramur Deo, ut simus sancti. Videtur autem Petrus respicere ad ritum legis, qui describitur Exod. 24. & accommodatur ἀντιτύπω Christo ad Hebr. 9. Atque ita habemus in hac epigrapha omnes causas salutis nostrę. Efficiens est prænotio & electio. Materia, obedientia Christi. Formalis causa, aspersio sanguinis Christi. Finalis, sanctificatio ad vitam æternam. His iam seruit instrumentalis causa, Fides, quę salutem accipit, quam offert Euangelium, in quo efficax est Spiritus sanctus, & quam obsignant sacramenta, Baptismus & Cœna Domini. Alter sensus, quem hæc verba recipere possunt, hic est, ut partes sanctificationis nostrę precipuę exprimantur, quę sunt, obedientia, qua Deo iam regeneriti obedimus: & aspersio sanguinis Christi, id est, fides remissionis peccatorum per sanguinem Christi. Verum prior sensus præsentī loco magis conuenire videtur.

D Gratia



## EPIST. I.

## Gratia uobis &amp; pax multiplicetur.

Salutatio & fausta precatio est, continens summam beneficiorum Euangelij. Gratia, cum fauorem Dei gratuitum, tum dona, quæ Deus nobis fauens largitur, significat. Pax, hoc loco, omnem posteritatem notat. Hanc interpretationem pacis hoc loco requirit additum verbum, multiplicetur. Aliàs pax & gratia, distinguuntur ut causa & effectus, ut gratia sit fauor Dei gratuitus, Pax verò reconciliatio nostri cum Deo, fauoris effectus. Porro cum optat Apostolus Christianis gratiam & pacem, tria haud obscure subindicat. Primum, quod natura neque in gratia Dei sumus, neque cum eo pacem habeamus. Nam iuxta Apostolicam doctrinam, filij iræ sumus, & non pacis. Secundum, quod Deus sit omnis gratiæ & pacis autor. Vorum enim Apostoli diriguntur ad Deum, à quo petit gratiam & pacem dari hominibus. Tertium, quod hæc bona, gratia & pax, exemplo Petri petenda sint à Deo pijs votis, & nobis & alijs optanda.

Benedictus Deus, & pater  
Do



D. P E T R I.

Domini nostri Iesu Christi, qui,  
secundum multam suam miseri-  
cordiam, regenuit nos in spem  
uiuam, per resurrectionem Iesu  
Christi ex mortuis, in hæredita-  
tem incorruptibilem, & inconta-  
minatam, et immarcessibilem,  
conseruatam in coelis nobis, qui  
uirtute Dei custodimur per fi-  
dem ad salutem, quæ præparata  
est patefieri tempore extremo.

Vt hoc exordium eucharisticon sum-  
mam Euangelij proponit: Ita salutis causas  
optimo ordine enumerat. Summa Euan-  
gelij est, quòd Christi merito contingat sa-  
lus omnibus in ipsum credentibus. Causa  
principalis salutis est, misericordia Patris  
cœlestis immensa, qua Deus præcognoscit  
& elegit & saluat. Hac enim nos in dile-  
cto complectitur, quam ob rem εὐδοκία  
etiam dicitur ad Ephes. i. Materia salutis est  
resurrectio Christi, qua Synecdochicòs to-  
tum opus redemptionis intelligitur, videli-  
cet obedientia legis & crucis. Resurrectio-

D 2 nis



EPIST. I.

nis autem præcipuè meminit, cum quia in ea potentia Christi clarius conspicitur, tum quia vitæ æternæ infallibile est testimonium & causa. Via autem seu ratio consequendi oblatam in Euangelio salutem, exprimitur cum ait: Qui regenuit nos in spem viuam. Hic actio Dei consideranda est in hominis noua natiuitate, qua videlicet formatur nouus homo seu noua creatura ad imaginem Dei. Deus enim regignit hominem per prædicationem Euangelij, in qua Spiritus sanctus efficax est, & operatur fidem, cum qua coniuncta est regeneratio, quæ est sanctificatio nostri, in alijs maior, in alijs minor, pro fidei mensura. Qui ergo credit, nouus homo est natus, idq; ex Deo per renouationem Spiritus sancti. Huius nouæ natiuitatis finem addit, cum inquit: In spem viuam, cuius spei obiectum est hæreditas, quæ nec perire potest, vt mundi diuitiæ, nec contaminari abusu, nec marcescere antiquitate, vt pote quæ in cœlis seruetur, vbi nulla corruptio, nullus abusus, nulla deniq; defectio inuenitur. Verùm quia omnibus hæc tanta hæreditas non obtingit, discernit inter huius hæreditatis veros hæredes, & alios, qui ab hac hereditate excluduntur. Veros

ros h  
Dei p  
tem p  
quan  
quo  
quo  
hoc l  
dine a  
sola tar  
fiderur  
effectu  
ones  
& illu  
vani  
mine a  
uunt se  
tiam in  
bo vir  
tiuitas  
fidem  
uas acti  
re dicti  
Dei na  
nouæ

Q  
paul



D. P E T R I.

ros hæredes ponunciat eos, qui virtute Dei per fidem custodiuntur, donec salutem patefaciendam in extremo die consequantur. Est proinde fides instrumentum, quo & hæc hæreditas apprehenditur, & quo seruatur & possidetur. Obseruentur hoc loco salutis nostræ causæ optimo ordine distinctæ, & admoneamur fidei, qua sola tanta hæreditas apprehenditur & possidetur. Hanc qui habet, nouus homo est effectus, qui vt Christi vita viuit: Ita actiones huius nouæ vitæ edere debet. Hinc & illud manifestum redditur, quod planè vani sint & mendaces, qui Christi se nomine ac fide iactant, sed interim vitam viuunt sceleratam, subinde contra conscientiam impingentes. Nam cum fides ex verbo virtute Dei generatur, & ex fide fit natiuitas noua. Qui fieri potest, vt is veram fidem habere dicatur, qui nouæ vitæ nouas actiones nullas ostendit? Etsi enim verè dicitur, Sola nos fide iustificari, & filios Dei nasci, noui tamen facti homines, vt nouæ vitæ actiones edamus oportet.

Qua in re exultatis tristitia paululum, nunc ( si opus est) per

D 3 uarias



EPIST. I.

uarias tentationes affecti.

Quis vsus sit spei in æumnis huius vitæ, quibus tentamur, exponit. Vult enim nos conferre præsentis æumnas cum futuro gaudio, & inde animum nostrum confirmare & erigere, quoties tentationum procellis agitamur. Hic quidem sunt variae tentationes, illic vero plena salus. Hic ad breue admodum tempus cruciamur, illic perpetuo viuemus: modo vsq; ad finem in fide perstiterimus, non fracti calamitatibus huius vitæ. Hic locus de cruce plenissimè tractatur ad Rom. 8. Et pluribus argumentis firmissimis munitur. Parenthesis, ( si opus est ) vtilem doctrinam continet, uidelicet, quòd nemo sibi ipsi crucem accersere debeat, sed eam ferat patienter, quæ diuinitus ei imposita fuerit.

Vt exploratio fidei uestrae multo preciosior auro, quod perit, & tamen per ignem probatur, inueniatur in laudem & honorem, & gloriam in reuelatione Iesu Christi.

Exul-

E  
tix aff  
tur, aff  
plorati  
afflicti  
admo  
magn  
bit: So  
bus pe  
laudem  
videlicet  
iudicat  
pla hui  
censent  
ratione  
pro expl  
  
Q  
ligitis  
natis,  
tatis g  
rioso.  
  
Eff  
Christi.  
delis en  
salutis &



D. P E T R I.

Exultationis sub cruce, id est, patientiæ affectum exprimit. Fides auro confertur, afflictio igni. Vt enim aurum igne exploratur purum, ne sit an non: ita fides afflictionibus probatur redditur. Et quemadmodum aurum, si purum inueniatur, in magno precio habetur, etsi tandem peribit: Sic fides, quæ immota sub tentationibus perstiterit, cedit suis possessoribus in laudem, in honorem & gloriam, quando videlicet filius Dei in secundo aduentu suo iudicaturus est viuos & mortuos. Exempla huiusmodi fidei ad Hebr: 11, multa recensentur, quæ faciunt ad huius loci declarationem. Atticissimus est exploratio fidei pro explorata fide.

Quem cum non uideritis, diligitis, quem cum nunc non certatis, ei tamen credentes, exultatis gaudio ineffabili & glorioso.

Effecta viux fidei recitat, dilectionem Christi, & gaudium spiritus ineffabile. Fidelis enim homo, cum Christum autorem salutis & fontem omnium bonorum cogitat,

D 4 tat,



EPIST. I.

rat, ad ipsum diligendum accenditur, & cum perpendit è quantis malis sit liberatus, & ad quantam gloriam olim per illum euehendus sit, ineffabili gaudio & glorioso perfunditur. Cæterum, vt dilectionis huius comes est obedientia erga Christum, iuxta illud: Qui me diligit, verba mea seruabit: Ita gaudij huius ineffabilis fructus est inuicta animi fortitudo, & gloriosus in cruce triumphus, quem suo tempore sequetur immortalitatis gloria. Obseruetur hoc loco, quæ germanæ & veræ fidei natura sit. Non est enim (vt hypocritæ existimant) ociosa, sed verè actiuosa est, vt quæ edat fructus iusticiæ dulcissimos, internos & externos.

Reportantes finem fidei vestræ, salutem animarum.

Qualis tandem futurus exitus fidei exponit. Vt enim hic Christum autorem salutis apprehendit fides: ita exitus seu finis erit salus animarum. Hic locus apertè duos errores Papisticos refellit. Vnum, quo asseritur, quòd fides sit tantum initium salutis perficiendæ operibus. Alterum, quo statuitur esse ignis purgatorius, quo Christianorum animæ purgentur à morte,

morte,  
rectè à  
animar

D

& se

de g

nati

cuif

signif

ritus

uentu

nes, &

as, qu

non fi

strabo

ciata

dicant

Spiritu

lo, in

prosp

Oc

onem



D. P E T R I.

morte, quod si verum esset, nequaquam rectè à Petro diceretur, quòd finis fidei sit animarum salus.

De qua salute exquisiuerunt & scrutati sunt Prophetæ, qui de gratia uobis præstita uaticiniati sunt, scrutantes in quem aut cuiusmodi temporis articulum significaret, qui in ipsis erat spiritus Christi, prius significans uenturas in Christum afflictiones, & quæ secutæ erant glorias, quibus reuelatum est, quod non sibiipsis, sed nobis administrabant, hæc quæ nunc annunciata sunt uobis, per eos qui prædicant uobis Euangelium, per Spiritum sanctum missum è cœlo, in quæ desiderant Angeli prospicere.

Occupatio est, qua anteuertit objectionem eorum, qui doctrinam Euangelij

D 5 tan-



EPIST. I.

tanquam nuper natam aspernabantur, quam longè antea à Prophetis propositam fuisse testatur. Verùm quia in hac pericopa plures sunt doctrinæ, eam in suas partes retexam. Primum ergo cum dicit, Prophetas exquisiuisse & scrutatos fuisse de salute, quæ per Euangelium annunciat, significat doctrinam Euangelij non novam esse, aut nuper natam, sed iam inde usq; ab initio mundi fuisse propositam à sanctis Dei Prophetis. Est enim summus consensus Moïsis, Prophetarum & Apostolorum, qui omnes sint interpretes primæ promissionis de Semine mulieris, contrituro caput Serpentis. Secundo, ne quis miretur cur isto tempore potius, quàm alio, placuerit Deo Filium mittere, dicit à Prophetis articulum temporis & inquisitionem & demonstratum fuisse. Nam & Iacob Patriarcha signum aduentus Domini, ablatum sceptrum de Iuda, proposuit, & Daniel annum peragendæ victimæ & adducendæ æternæ iusticiæ indicavit. Tertiò, ut fides Prophetis adhibeatur, affirmat eos non proprio motu locutos, sed per Spiritum Christi, qui in ipsis erat, edoctos, quemadmodum fusius explicat Apostolus noster in primo posterioris Epistolæ,

la. Quorum de  
ros esse  
uentu, d  
fione Sp  
tione E  
rum per  
die Pen  
ando per  
rema ex  
piunt in  
nam cu  
mysterij  
geli adh  
riorum r  
nec cum  
amur. Si  
ne, quæ  
stolorum  
nas num  
duo collig  
testament  
Huc perti  
mini scrip  
tur. Alte  
vel scrip  
runt hum  
in Papam



D. P E T R I.

læ. Quarto, summam doctrinæ Prophetarum de Christo colligit, cum eos vaticinatos esse pronunciat de eius in carnem aduentu, de passione & glorificatione, de missione Spiritus sancti è cœlo, de confirmatione Euangelij, de instructione Apostolorum per Spiritum sanctum, missum è cœlo die Pentecostes, & de Euangelio annunciando per vniuersum orbem. Quinto, extrema exordij particula, in quæ Angeli cupiunt introspicere, eò pertinet, vt humanam curiositatem in examinandis diuinis mysterijs refrenet & corrigat. Nam si Angeli adhuc non intelligunt istorum mysteriorum rationem, sed eam expectant, donec cum illis & nos in æterna vita erudiamur. Simus & nos contenti ea cognitione, quæ nobis voce Prophetarum & Apostolorum patefacta est. Præter has doctrinas nunc propositas ex verbis Apostoli duo colligamus: Primum, quæ in nouo testamento legimus, ex veteri stabiliri. Huc pertinet præceptum Domini: Scrutamini scripturas, illæ enim de me testificantur. Alterum, cordatè contemnere eos, qui vel scripturam aspernantur, vel illi præferunt humanas doctrinas, quemadmodum in Papatu fieri videmus,

Qua-



EPIST. I.

Quapropter succincti lumbis mentis uestrae, sobrii, perfectè sperate in eam, quæ ad uos deferitur, gratiam, in reuelatione Iesu Christi.

Ex eo quòd gratiam Christi, quæ offertur per Euangelium, iam longo exordio prædicauerat, insert propositiōem suaforiam, qua hortatur gentes, vt perfectè, id est, sincere & sine fūco sperent in eam gratiam, quæ offertur illis per reuelationem Iesu Christi, id est, per prædicationem, qua patefit ipsis Iesus Christus. Verūm, quia hanc spem impedit caro, vult vt succinctis lumbis mentis, & sobrii iter ingrediantur, vt ad salutem propositam perueniant. Metaphora lumborum sumta est ex vetustissimis orientalium moribus, qui, cum prælongis vterentur vestibus, non poterant nisi succinctè iter facere. Hac metaphora vsus est Christus, cum inquit: Sint lumbi vestri præcincti, & lucernæ accensæ. Vt autem lumborum cinctura impedimentis quibusuis animi & corporis opponitur, & currendi alacritatem, donec ad metam peruenerimus, nobis commendat.

Ita

Ita ard  
oppon  
moner  
via. E  
ra di  
meis  
quos  
do, va  
quod P  
hoc Ch  
Matth.  
metaph  
bras, n  
nes ab  
hoc mu  
tiae iter  
primis  
fontela  
haufit.  
dum se  
quietam  
quàm in  
potest,  
carnis &  
T  
Pr  
officio,



D. P E T R I.

Ita ardentes lucernę ignorantię & tenebris opponuntur, & certam directionem sequi monent, ne quis currendo à recta aberret via. Est autem lucerna verbum Dei, iuxta dictum Davidicum: Lucerna pedibus meis verbum tuum, Et ad Philip: 2. Inter quos lucete tanquam luminaria in mundo, verbum vitę prætendentes. Porro quod Petrus addit, νήφοντες, id est, sobrii, hoc Christus vigilandi verbo expressit Matth. 14. Marc. 13. & Luc. 12. Sed diuersa metaphora. Vult vterq; carnis illecebras, mundi curas, falsas & vanas opiniones abijci, quibus homines ebrii & sopiti in hoc mundo non sunt idonei ad hoc gratię iter ingrediendum. Obseruetur imprimis hæc Apostoli exhortatio, quam ex fonte sapientię, hoc est, ex ore magistri sui hausit. Hac monemur, vt ad migrandum semper simus parati, nullamq; fixam quietamq; stationem alibi quæramus, quàm in cœlo, quod sanè nequaquam fieri potest, priusquam omnia impedimenta carnis & mundi sublata fuerint.

Tanquam filij obedientię.

Prima ratio propositionis à debito officio, Cum vos iam sitis filij Dei effecti  
per



EPIST. I.

per gratiam, par est vt vos geratis, vt filios  
obedientes decet. Monebit igitur nos ado-  
ptionis gratia, vt sanctitati & puritati vi-  
tæ studeamus. Qui autem hoc non facit,  
contumax est, & adoptionis gratia excidit.  
Vtrunq; igitur nos inuitet ad studium in-  
nocentiæ, adoptionis dignitas, & contu-  
maciæ poena.

Non conformantes uos pri-  
stinis in ignorantia uestra cupi-  
ditatibus.

Secunda ratio à vitæ statu sumitur.  
Cum olim in ignorantia viueretis, cupidi-  
tatum malarum serui fuistis, at hic status  
vester, in quo ex ignorantia tenebris exi-  
uistis, aliam vitam & alios mores postu-  
lat.

Sed ut is, qui uocauit uos, san-  
ctus est, ipsi quoq; sancti in omni  
conuersione reddamini.

Tertia ratio est à vocantis Dei condi-  
tione. Is qui vocauit vos in suam famili-  
am, videlicet Deus, sanctus est. Igitur &  
vos sanctos esse oporteat.

Pro



D. P E T R I.

Propterea scriptum est, sancti estote, quia ego sanctus sum.

Testimonio scripturæ tertiam rationem munit. Habetur autem hoc testimonium in Leuitico, ubi ter hoc præceptum repetitur, nempe II. 19. 20. capitibus, in quibus locis sanctitas pollutioni opponitur.

Et, si patrem cognominatis eum, qui citra respectum personarum iudicat, secundum cuiusque opus, in timore incolatus uestri tempus transigite.

Quarta ratio à necessario sumta. Si cœlestis patris filij vultis nuncupari, ut eius vestigijs in sanctitate vera insistatis necessarium est. Rationem ex eo confirmat, quòd Deus sit ἀπροσωπολήπης, ut qui non personarum qualitatem, sed rerum exquirat differentiam. Habet ergo hæc ratio significationem abdicationis, si patri non morem gerant filij. Hic obseruetur antithesis, qua opus personæ, & respectus seu qualitas personæ veritati operis seu causæ opponuntur. Secundum opus seu



EPIST. I.

seu causam iudicat is, qui regulam legis in iudicando sequitur, nulla habita personæ ratione. Secundum personam seu respectum personæ iudicat, qui regulam legis in iudicando negligit, & personæ tantum rationem habet propter fauorem vel odium.

Porro, quia hoc loco, & similibus abutuntur Papistæ, ut evertant totius scripturæ consensum de gratuita iustificatione, & salute, breuiter hoc loco solutionem sophismatis Papistarum ascribam. Cum ergo obiiciunt: Deus iudicat quemque secundum opus, aut reddit unicuique iuxta opera sua, omnium primum huiusmodi sententias generales secundum normam iusticiæ Dei (qua contumaces decreuit rejicere, & credentes omnes in gratiam recipere) applicemus duobus generibus hominum, impijs quidem legaliter, pijs vero Euangelicè, quando impijs reddet Dominus secundum opera eorum, non est dubium quin redditurus sit ipsis infernum & damnationem. At cum de conuersis quaeritur, plura spectanda sunt. Primum, quod vita æterna non sit seruorum stipendium, sed filiorum hæreditas. Rom. 6. Donum Dei vita æterna in Christo Iesu domino nostro

nostr  
inter  
stem.  
qui si  
obed  
ter c  
grati  
reddi  
rum n  
sunt p  
legis fi  
enim e  
sto Iesu  
placeat  
putatan  
tur iusti  
tia, quod  
dente, &  
sti requi  
mittit n  
pter dig  
pter bene  
fit operi  
quod op  
cente pr  
dei, ut e  
sa sunt  
suis red



D. P E T R I.

nostro. Deinde, analogia consideranda est inter patrem terrenum, & patrem cœlestem. Nam sicut pater terrenus suis liberis, qui sunt naturæ lege hæredes, promittit obedientibus hæreditatem : Ita Deus pater cœlestis suis etiam filiis hæreditatem gratuitam promittit, quam tamen dicit se redditurum secundum opera illorum. Verum ne hîc erretur, quatuor circumstantiæ sunt spectandæ. Prima, quòd pñs rigor legis sit sublatus per Christum. Nulla enim est condemnatio ihs, qui sunt in Christo Iesu. Secunda, quòd persona credens placeat propter iusticiam Christi sibi imputatam ( credenti enim Christi imputatur iusticia ) & sit hæres vitæ æternæ. Tertia, quòd Deus non solum à persona credente, & placente propter iusticiam Christi requirit obedientiam, verum etiam promittit mercedem, idq; non ex debito propter dignitatem operis, sed ex gratia propter benevolentiam paternam, qua promissit operibus remunerationem. Quarta, quòd opera, sic facta ex fide à persona placente propter Christum, sint testimonia fidei, vt effectus proprii certissima suæ causæ sunt indicia. Atq; ideo dicitur, Deus suis reddere mercedem secundum opera,

E quia



EPIST. I.

quia vera indicia sunt timoris Dei & fidei,  
& ut testetur tota creatura de iusticia Dei  
in iudicando.

Cum sciatis, quod non ca-  
ducis argento aut auro redempti  
sitis, ex uana uestra conuersatio-  
ne, à patribus accepta, sed preci-  
oso sanguine Christi, inconta-  
minati agni, præordinati qui-  
dem ante mūdi constitutionem,  
manifestati uerò in extremis  
temporibus propter uos, qui ex-  
citauit Christum à mortuis, ut fi-  
des uestra & spes sit in Deum.

Quinta ratio à iure gentium sumta.  
Serui debent obedire non ei, cuius olim  
fuerant serui, sed ei, qui iam eos precio eme-  
rat. Christiani non amplius debent esse  
serui mundi, sed Christi, qui eos suo preci-  
oso redemit sanguine. Igitur Christiani,  
renunciato mundi imperio, Christo do-  
mino obedientiam debent. Hæc argumen-  
ti summa est. Quod, quia præcipuum est,  
copio-



# D. P E T R I.

copiosè ab Apostolo exponitur, & ampli-  
ficatur, idq; primum per collationem con-  
uersationis veteris ( qua sub patrum suo-  
rum legibus vixerunt ) & noui status, in  
quo Christo nomina dederunt. Loquitur  
autem hîc de îs patribus, de quibus Eze-  
chiel cap.20. vbi inquit: In præceptis pa-  
trum vestrorum ne ambuletis, & iudicia  
eorum ne custodiatis, & idolis eorum ne  
polluamini, sed in præceptis meis ambula-  
te. Deinde per collationem præcij agni im-  
maculati Christi, quod inæstimabile est, &  
perpetuò durat, & præcij caduci & momen-  
tanei auri & argenti. Si ergo illi serui, qui  
auro & argento emuntur, iure obtempe-  
rant illis, à quibus emti sunt, multò magis  
par est, vt Christiani Christo obtempe-  
rent, qui eos proprio redemit sanguine.  
Præterea, per collationem promissi Chri-  
sti, & exhibitî, in qua collatione hæc mihi  
videtur inclusa esse ratio. Sancti patres,  
qui Christum olim promissum expecta-  
runt, in eum crediderunt, eiq; obtempera-  
runt. Igitur vos quoq; quibus iam Chri-  
stus exhibitus est, & qui scitis ipsum ex-  
citatum ex mortuis, & donatum gloria à  
Patre, debetis ipsi obedientiam, modo fi-  
des & spes vestra in Deum sit. Atq; ita

E 2 multæ



EPIST. I.

multæ particulares rationes sæpe in vno principali argumento latitant, quæ explicatæ & illustrent & amplificent principale argumentum.

Postquam animas uestras purgastis obedientia ueritatis per spiritum, caritate fraterna absq[ue] simulatione, ex puro corde alijs alios diligite impensè.

Transit ad aliam parænesin. Postquam enim portatus est ad spem gratiæ, oblatae per Euangelium firmam, ad cincturam lorum mentis, ad sobrietatem animorum & affectuum ( Quæ omnia vno sanctificationis nomine continentur ) Iam ad proximos descendit, hortaturq[ue], vt nos inuicem fraterna complectamur caritate, quæ vt ex puro corde procedere debet : Ita aberit ab omni hypocrisi. Similis sententia habetur 1. Timoth. 1. vbi ita inquit Apostolus : Finis præceptionis est dilectio ex corde puro, & conscientia bona, & fide non ficta. Verum quia Petrus nouit in nostra corrupta natura, priusquam noui facti fuerimus homines, nihil esse puri, nihilq[ue] sinceri, ante hanc



D. P E T R I.

te hanc exhortationem ad fraternam caritatem causas enumerat, ex quibus hæc fraterna dilectio manat. Postquam inquit, purificastis animas obedientia veritatis per spiritum. Hæc verba duas causas fraternæ dilectionis continent, quæ nequaquam sunt in prophanis hominibus. Sunt autem hæc causæ, obedientia veritatis, & Spiritus sanctus, qui in verbo veritatis, quod est Euangelium, est efficax. Hæc verba Petrus ex pectore magistri sui fuxit: Ita enim ait Dominus Ioan. 15. Et vos mundi estis propter sermonem, quem loquutus sum vobis. Hæc ergo mundicies, tum demum contingit, quando audito & credito sermone veritatis, Christo inserimur. Atque ideo Christus in eadem concione subiungit: Manete in me, & ego in vobis. Sicut palmes non potest ferre fructum à seipso: Ita nec vos, nisi in me manseritis. Fons ergo & origo, non solum mutuæ dilectionis, verum etiam omnis operis boni, est spiritus Christi, quo aguntur fideles. Quicquid fit sine hoc spiritu, qui est omnis bonæ actionis fundamentum & causa, hypocrisis & mentis impuritate inquinatum est, quantumvis præclarum & sanctum coram oculis hominum appareat.

E 3      Rena-



EPIST. I.

Renati non ex semine mortali, sed ex immortalī, per sermonem uiuentis Dei et manentis in æternum.

Ex uirtute renascentiæ mutuū caritatis affectum elicit. Oportet renatum naturam seminis referre, vnde renatus est. Nos non sumus renati ex mortali semine carnis, vnde fuit prior nostra natiuitas, sed ex semine immortalī, uidelicet sermone uiuentis & manentis Dei in æternum. Igitur iam non naturam mortalis seminis, sed immortalis referre debemus. Proinde caritas iam pura in renatis esse debet sine hypocrisis, quæ primæ natiuitatis nostræ & mortalis seminis viciū est.

Nam omnis caro ut gramen est, & omnis gloria hominis ut flos graminis. Exaruit gramen, & flos eius decidit, at uerbum Domini manet in æternum. Hoc autem est uerbum illud, quod est euangelizatum uobis.

Men-



# D. P E T R I.

Mentionem seminis mortalis & immortalis fecit: nunc per amplificationem illustrius discrimen vtriusq; facit. Semen mortale seu corruptibile carnis nomine significatum, instar graminis est, & quicquid inde pullulat, instar floris est, qui durat ad exiguum tempus. At semen immortalitate, seu incorruptibile, quod est verbum Euangelij, manet in æternum. Obedientia igitur, quæ præstatur à conuersis per prædicationem Euangelij, fructus est iusticiæ, qui & placet Deo & durat in æternum, modò ne culpa nostra gratia rursus excideremus. Porro ne gentes de illo verbo dubitent, quod definit esse semen immortale, addit Petrus illud ipsum verbum esse, quod ipsis antea sit euangelizatum. Iam argumentum, quod in his verbis continetur, uideamus. Quicquid gloriosum, & pulcrum nascitur ex semine mortali, id est, ex carne, tantum ad breue tempus durat, & quicquid ex semine immortalis nascitur, nunquam marcescit, sed durat in perpetuum. Igitur, cum diuturniora bona præferenda sunt minus diuturnis, debet caritas (qua nos mutuo complectemur) quæ huius immortalis seminis quidam flos est, perpetua esse & constans.

E 4 CA-



EPIST. I.  
CAPVT SE-  
CVNDVM.

SVMMA CAPITIS  
SECVNDI.

**V**T renunciata omni iniuria proximo-  
rum, & carnalibus concupiscentiis  
abiectis, adoptione dignè & decenter in  
subiectione & patientia viuant Christiani,  
hortatur Apostolus.

ORDO ET PARTES CA-  
PITIS SECVNDI.

**P**lures sunt huius capituli partes, quæ o-  
mnes inter se connexæ sunt, & perti-  
nent ad eundem scopum. Primo loco in-  
fert ex fine primi capituli dehortationem ab  
iniuria proximorum, & exhortationem ad  
innocentiam vitæ. Vnde occasionem na-  
ctus, dilabitur in descriptionem Christi ex  
Isaia Propheta, ostendens prædictam fuisse  
defectionem populi Iudaici à Christo, &  
assumptionem gentium in gratiam. Id quod  
testimonio Osee Prophete confirmat. Ter-  
tio lo-

tio loco  
enim cor  
cupiscenti  
in gloria  
inuitat, c  
addit, c  
horratur,  
perent. V  
Thesin aso

EXE  
CAP

Pro  
litia, &  
nibus, &  
obtrect  
dò gen  
& dolo  
illud ac

Infer  
pitis han  
rioribus  
mortali  
recens na



D. P E T R I.

SE  
M.  
ITIS  
a proximo  
cupiscentijs  
& decenter in  
ant Christiani,  
TES CA  
NDI.  
s partes, quæ  
e sunt, & per  
Primo loco  
hortationem  
hortationem  
occalionem  
nem Christi  
ædictam fuit  
i à Christo,  
atiam, Id quo  
onfirmat. Te  
tio

tio loco redit ad exhortationem. Hortatur enim conuersos, vt abiectis carnalibus concupiscentijs, decenter inter gentes viuant in gloriam Dei. Quartò, ad subiectionem inuitat, quo & alia quædam pietatis officia addit. Quintò, seruos compellat, eosq; hortatur, vt suis dominis patienter obtemperent. Vnde sexto loco, ab hypothefi ad Thesin ascendens, de patientia præcipit.

EXEGESIS SECVNDI  
CAPITIS, CVM OBSERVA=  
*tione doctrinarum.*

Proinde deposita omni ma-  
litia, & omni dolo, & simulatio-  
nibus, & inuidentijs, et omnibus  
obtrectionibus, tanquam mo-  
dò geniti infantes lac rationale  
& dolo vacuum appetite, ut per  
illud adolescatis.

Infert Apostolus ex fine proximi ca-  
pitis hanc parænesin, quæ hoc modo supe-  
rioribus accommodabitur. Vos ex im-  
mortali semine, videlicet verbo Dei, iam  
recens nati estis, Ergo lac appetite conueni-

E s ens



EPIST. I.

ens isti nouę geniturę, hoc est, talem vitam  
 viuere, qualem requirit hæc noua natiui-  
 tas. Atq; ita lactis nomine significatur con-  
 sentanea simplici infantię viuendi ratio.  
 Hęc esse sensum Apostoli manifestè ex an-  
 tithesi apparet. Nam lac, etsi aliàs pro ipso  
 verbo Dei sumitur, hoc tamen loco vicis  
 quę enumerat, vt infantia vetustati natu-  
 rę, opponitur. Cum autem hoc lac ratio-  
 nale & vacuum dolo vocat, requirit in vi-  
 ta Christiana prudentiam & simplicita-  
 tem, iuxta præceptum Domini: Estote pru-  
 dentes sicut serpentes, & simplices sicut co-  
 lumbę. Vult quidem nos simplices & pu-  
 ros esse, sed non malicia, & non sensibus, &  
 vult nos lacte nutriri, sed recta intelligen-  
 tia condito, vt sit temperata simplicitate  
 prudentia. Cum vitia, quibus lac rationa-  
 le & expers doli opponitur, enumerat, non  
 quidem omnia recenset, sed quędam tan-  
 tum exempli gratia, quorum posteriora à  
 prioribus nascuntur, vt sunt, malitia, (hoc  
 est, nocendi cupiditas, quę dilectionis fon-  
 ti aduersatur) dolus, qui à malicia oritur,  
 est, cum alicui fallacia tenditur. Simulatio  
 à malo dolo orta est, cum aliud foris appa-  
 ret, quàm in animo latet. Inuidia simu-  
 lationis comes est, cum quis alieno com-  
 modo

modo cr  
 proles est  
 gustinus  
 distingui  
 tur alieno  
 & addit,  
 plicat ling  
 mam, Po  
 quid appo  
 quando p  
 delictur tu  
 non meri  
 mulo, se  
 pondere,  
 niunt, dep  
 mines facti  
 cesse est,

Siqu  
 nignus

Cum se  
 tate domi  
 præstandi  
 considera  
 nos. Ac  
 strum p  
 & ira De



D. P E T R I .

modo cruciatur . Obtreſtatio inuidentiæ proles eſt, quæ alienæ famæ inſidiatur . Auguſtinus inter maliciam & inuidiam ita diſtinguit . Malicia, inquit, malo delectatur alieno . Inuidia bono cruciatur alieno, & addit, dolus duplicat cor : adulatio duplicat linguam : detractio vulnerat famam . Porro hic locus Petri clarè docet, quid apportemus nobiſcum ad Chriſtum, quando per Euangelium renaſcimur, videlicet tunicam maculatam, & onus graue non meritorum congrui & condigni cumulo, ſed peccatorum nos prementium pondere . Hoc onus, qui ad Chriſtum veniunt, deponere debent, quia cum noui homines facti ſunt, nouos mores induant neceſſe eſt.

**Siquidem guſtaſtis, quàm benignus ſit Dominus.**

Cum ſeruorum alacritas ſæpe benignitate dominorum excitari ſoleat, rationem præſtandæ obedientiæ petit Apoſtolus ex conſideratione benignitatis Domini erga nos . Ac ſi dicat : Cum vos, qui ob veſtrum peccatum aliquando maledictioni & iræ Dei ſubiecti eratis, iam tandem ex gratia



EPIST. I.

gratia Dei reconciliati estis, precioſo ſanguine Ieſu Chriſti Domini veſtri, vtiq; par eſt, vt tam benigno Domino obſequentes ſitis. Quid enim turpius eſt, quàm bene meritis gratiam non rependere? Guſtandi verbo uſus eſt Petrus propter metaphoram lactis, & ſimul alludit ad Pſalm: 34. in quo Dauid inſtituit exhortationem ad guſtandam bonitatem Dei hiſce verbis: Guſtate & videte quàm bonus ſit Iehoua. Beatus vir, qui ſperat in eo: niſi quòd Petrus ſecutus ſeptuaginta interpretes pro thob Ebraico, ἁγνός poſuit. Eſt autem ἁγνός, qui ſe alijs vtendum præbet, ſeu qui alijs eſt commodus, & ſuam bonitatem alijs communicat. Hoc modo & Paulus hac voce ad Titum ſcribens uſus eſt, vbi inquit: Quando ἁγνότης & εὐλαβία Dei apparuit. Hanc ἁγνότης interpretatur, quòd Deus ex mera gratia nos per laucrum regenerationis ſaluos fecerit.

Ad quem accedentes, lapides uiuum ( ab hominibus quidem reprobato, apud Deum uerò electum & precioſum ) & ipſi ueluti uiui lapides ædificemini

mini do  
tium ſa  
ſpiritual  
per Ieſu

Alia eſt  
tis ad ſinem  
dunt lapide  
& lapides  
ſpiritualis  
guntur, ad  
ſias. Pro  
proximi in  
prophanita  
gument ſui  
teris typi e  
templi ſtru  
Eccleſiæ C  
enim in illo  
extructum e  
fuerunt ſace  
Chriſti, Ch  
ſinguli fid  
offerentes  
omnia ma  
tare ſepar



D. P E T R I.

mini domus spiritualis, sacerdotium sanctum, ad offerendum spirituales hostias, acceptas Deo per Iesum Christum.

Alia est propositionis ratio, à destinatis ad finem sumta. Qui ad Christum accedunt lapidem viuum, simul virtute ipsius, & lapides viui efficiuntur, vnde domus spiritualis construitur, & in sacerdotes vnguntur, ad offerendum Deo spirituales hostias. Proinde par est, vt deposita omni proximi iniuria, omniq; impuritate & prophanitate, pie sancteq; viuant. Hæc argumenti summa est, cuius antecedens veteris typi expositio est. Nam ad veteris templi structuram respicit, quod templum Ecclesiæ Christi typus quidam fuit. Vt enim in illo fuit fundamentum, fuit superextructum ex multis lapidibus ædificium, fuerunt sacerdotes & hostiæ: Ita in Ecclesia Christi, Christus ipse fundamentum est, singuli fideles viui lapides, & sacerdotes offerentes spirituales hostias. Sed vt illic omnia mortua & carnalia (si signa à veritate separas) Ita hic viua & spiritualia omnia



EPIST. I.

omnia virtute eius, qui sua potentia diuina  
resurrexit à mortuis.

Vt autem hoc argumentum plenius  
intelligatur, illud in suas partes, quæ parti-  
culares quasdam rationes continent, rete-  
xam. Primo igitur loco affirmat Aposto-  
los, quòd omnes accedentes ad Christum  
(accedunt autem qui credunt) cum eo v-  
nam domum spiritualem constituent, seu  
vnum templum efficiant, id est, vnam san-  
ctam & Catholicam Ecclesiam, adeo vt  
sancti patres omnes, qui ante Christi  
aduentum vixerunt, & nos qui hodie cre-  
dimus, vnum simus templum Dei. Ve-  
rùm hoc interim est obseruandum, quòd  
non solum omnes pñ, qui fuerunt, & sunt,  
et qui olim accessuri sunt, unum templum,  
vnamq; spiritualem domum constituent,  
verum etiam particulares cœtus piorum,  
atq; adeo singuli credentes templa Dei re-  
ctè dicantur, Sed ad illud vniuersale tem-  
plum et Catholicum pertinentes, tanquam  
eius membra quædam seu viui lapides.  
Hoc confirmatur 1. Corinth: 6. An nescitis,  
quòd corpus vestrum templum sit Spiri-  
tus sancti, qui in vobis est, quem habetis à  
Deo? 1. Corinth: 3. Templum Dei sanctum,  
quod estis vos. Quisquis tēplū Dei viola-  
uerit,

uerit, disp  
iusmodi f  
tes vnà cu  
sumus. I  
nos esse d  
sanctissim  
tate prop  
cultores n  
bus idolis,  
nem ad Ch  
li secunda  
templi De  
nabæ con  
mente Str  
in Florent  
inquit, cre  
ruptibile &  
plum uere  
idololatria  
quòd face  
Sed attenc  
noscē edific  
remissionem  
nomen Ch  
ti, eò quod  
us habitat  
in vobis se  
fionis ipsi  
mandata



D. P E T R I.

uerit, disperdet illum Deus. Hinc ergo huiusmodi sumatur exhortatio. Nos credentes vnà cum Christo vnum templum Dei sumus. Igitur non solum puros & sanctos nos esse decet (Quid enim indignius quam sanctissimum Dei templum vlla impuritate prophanare?) verum etiam vnius Dei cultores nos esse oportet, abiectis veteribus idolis, quæ coluimus ante conuersionem ad Christum. Huc pertinet illud Pauli secundæ Corinth: 6. Quæ est consensio templi Dei cum idolis? Huc dictum Barnabæ comitis Pauli, quod citatur à Clemente Stromathéon secundo, pagina 161. in Florentinis exemplaribus. Antequam, inquit, crederemus Deo, domicilium corruptibile & fragile cordis nostri erat templum uerè manu factum, quia erat plenum idololatria, & erat Dæmonum, propterea quòd faceremus quæ erant Deo contraria. Sed attendite, vt templum Domini gloriose ædificetur. Quomodo? Accipiendo remissionem peccatorum, & sperando in nomen Christi, fiamus noui & denuo creati, eò quod in domicilio nostro verè Deus habitat. Quomodo? Quando habitat in nobis sermo Filij ipsius, uocatio promissionis ipsius, sapientia iustificationum, & mandata doctrinæ.

Dein-



# EPIST. I.

Deinde, cum Christum pronunciat viuum lapidem, cui adiuncti per fidem etiam viui efficimur lapides, eius nimirum virtute, indicat, quod hæc vita Christi nunc in nobis efficax esse debeat ad piè sancteq; viuendum. Quod autem in parenthesis inclusi, occupatio est. Occurrit enim Apostolus scandalo crucis & defectionis Iudæorum à Christo, huic scandalo mederi conatur, concedens quidem Christum reprobatum esse ab hominibus, sed interim eundem electum, hoc est, eximium & preciosum apud Deum. Hic Christus dicitur lapis electus, non respectu reproborum, sed comprobatione reliquorum lapidum eiusdem ædificij, quibus multis modis excellentior est. Verum cum Christus dicit apud Matthæum: Multi sunt vocati, pauci vero electi. Electi dicuntur comparisonem ad illos, qui verbum quidem audiunt, sed non vitam dignam Euangelio viuunt. Carent enim viua fiducia in Deum, indulgent suis cupiditatibus, & viuunt sine pœnitentia. Præterea cum non solum domum spiritualem Christianos appellat Apostolus, verum etiam sanctum sacerdotium, hoc est, sacerdotes sanctos, ut qui sanctitate induti, hostias Deo offerre debe-

debeant.  
vivendu  
cerdotes  
runt pur  
ri, mult  
sanctifica  
raminato  
pijs, quod  
Ad offerre  
Dicitur au  
bedientia  
præstant.  
de Paulu  
Euangeli  
Non ergo  
ris qualita  
tis, à causa  
obedientie  
citur, sign  
de ad Ebr  
dicitur ho  
rum ne qu  
dientiam v  
dis contra  
adeo Deo  
isti obiect  
stianorum  
nis aut di



D. P E T R I.

debeant, addit illis acriores, ad piè sancteq;  
viuendum stimulos. Nam Aaronici sa-  
cerdotes ab immundicia se meritò serua-  
runt puros in templo perituro ministratu-  
ri, multò magis par est, ut Christiani, qui  
sanctificati sunt sanguine Christi, se incon-  
taminatos custodiant. Addit & stimulum  
pijs, quod subiungit Apostolus de hostijs:  
Ad offerendum, inquit, spirituales hostias.  
Dicitur autem spiritualis hostia omnis o-  
bedientia, quam Christiani ex spiritu fidei  
præstant, siue sit interna siue externa. Vn-  
de Paulus suum laborem in prædicando  
Euangelio cultum spirituales appellat.  
Non ergo spiritualis hostia dicitur ab ope-  
ris qualitate, sed ex qualitate animi operan-  
tis, à causa efficiente, & finali. Cum autem  
obedientia nostra, quæ ex fide fit, hostia di-  
citur, significatur quòd grata sit Deo. Vn-  
de ad Ebræos beneficentia erga proximum  
dicitur hostia, qua delectatur Deus. Ve-  
rùm ne quis obijceret, istam nostram obe-  
dientiam vt imperfectam: ita multis mo-  
dis contaminatam esse, ideoq; non esse  
adeo Deo acceptam, Apostolus occurrit  
isti obiectioni, pronuncians hostias Chri-  
stianorum acceptas esse, non suæ perfectio-  
nis aut dignitatis respectu, sed per & pro-

F pter



EPIST. I.

propter Iesum Christum, cuius cum iusticia ornatī prodimus in templum Dei sanctum, non apparemus vt peccatores, sed placemus, vt dilecti filij in dilecto.

Propterea etiam continet scriptura: Ecce pono in Sion lapidem angularem, electum, preciosum, & qui crediderit in illo, non pudefiet.

Quia Christum lapidem preciosum appellauit Apostolus, id sibi probandum duxit scripturæ testimonio, petito ex 28. capite Isaïæ, in quo testimonio non tam verba Prophetæ, quàm sensum spectat. Nam nec septuaginta interpretes imitatur, nec Ebraicas voces ad verbum reddit, sed solo sensu in genere contentus est, & probat Christum lapidem electum & preciosum esse, adeo vt qui in ipsum crediderit, non pudefiat, id est, non suffundatur pudore frustratus sua spe. Hæc summa sententiæ est. Verùm quia Isaïæ verba continent pulcerrimam Christi & Ecclesiæ descriptionem, ea ascribam & breuiter declarabo.

Ecce,

Ecce  
on lap  
nis, an  
mentu  
non fe  
stus dicit  
ad illum  
tum etia  
vt Petru  
tur ang  
sustinet  
appellat  
tur. Sic  
occupet  
per illu  
tum, vt  
igitur E  
Christo  
quod a  
FESTI  
hic lap  
enim e  
viui la  
to Chr  
FEST  
tes nor



D. P E T R I.

Ecce, inquit, ego ponam in Si-  
on lapidem, lapidem probatio-  
nis, angulum preciosum, funda-  
mentum fundatum, qui credit  
non festinabit. Hic primum Chri-  
stus dicitur lapis probationis, cum, quia  
ad illum totum edificium probandum est,  
tum etiam quia præ alijs probatus est, seu  
ut Petrus loquitur, electus. Deinde dici-  
tur angulus, quia totam ædificij molem  
sustinet. Ad hæc fundamentum solidum  
appellatur, quo solo ædificij pondus niti-  
tur. Sic ergo lapis est, ut totum angulum  
occupet. Sic est angulus, ut tota domus  
per illum contineatur. Sic est fundamen-  
tum, ut tota domus sit in eo fundata. Tota  
igitur Ecclesia & singula eius membra solo  
Christo nituntur & fulciuntur. Porro  
quod addit, QVI CREDIT NON  
FESTINABIT, modum ostendit, quo  
hic lapis hominibus fit salutaris. Fides  
enim est instrumentum, quo homines, ut  
viui lapides, accommodantur fundamen-  
to Christo. Quod autem subiungit, N O N  
FESTINABIT, significat, quod creden-  
tes non debeant ad alia remedia confuge-

F 2 re,



EPIST. I.

re, quàm ad solum Christum. Nam qui alia salutis remedia quærit, gratia Christi excidit, et extra fundamentum est. Solus, n. Christus credentibus plena salus est. Hinc apparet Petrū apostolum fideliter sensum Prophetæ reddidisse, tamen si verba non expressit. Septuaginta interpretes sic habent, ἰδοὺ ἐγὼ ἐμβαλῶ εἰς τὰ θεμέλια σιών, λίθον πετρῆς, ἐκλεκτόν, ἀκρογωνίατον, ἔντιμον, εἰς τὰ θεμέλια αὐτῶν, καὶ ὁ πισεύων ἐπ' αὐτῷ οὐ μὴ κατακλιθῇ, hoc est, Ecce ego mittam in fundamenta Sion lapidem preciosum, electum, summum angularem, honoratum, in fundamenta eorum, Et qui credit in illum, nequaquam pudebit. Ex hoc Isaïæ testimonio discamus in solo Christo salutem nostram fundatam esse, cuius salutis fiunt participes omnes, qui Christo fide coniunguntur, in hoc mirando Ecclesiæ ædificio.

Vobis igitur honor est, qui creditis, incredulis uerò lapis, quem reprobauerunt ædificantes, hic factus est in caput anguli, & lapis offendiculi, & petra scandali his, qui impingunt in

sermo-

sermo  
ctiam  
D  
homin  
stus, Al  
tale est  
honor  
abstract  
est exitia  
minum  
foli, N  
mus. C  
ctū est  
efficaci  
euāgelii  
reproba  
est lapis  
in ipsu  
qui ran  
Christu  
uitam  
go non  
pis off  
esse, d  
qui in  
verbo  
credun



D. P E T R I.

sermonem, nec credunt, ad quod  
etiam positi fuerant.

Discernit Apostolus inter duo genera  
hominum, quorum vni salutaris est Chri-  
stus, Alteri ( quod tamen Christo acciden-  
tale est ) exitialis. Vt enim credentibus est  
honor, id est, preciosus ( ponitur enim hic  
abstractum pro concreto: ) Ita incredulis  
est exitialis, non quidem sua natura, sed ho-  
minum culpa. Hęc summa sententię est Apo-  
stoli. Nunc verba apostoli propius aspiciamus.  
Cur Christus lapis dicatur, suprà di-  
ctū est, cuius pro cōditione hominū, variat  
efficacia. Vt. n. credentib. & amplectentib.  
euāgeliū, est lapis preciosus, & salutaris: Ita  
reprobantib. ipsū, & spernentib. euāgeliū,  
est lapis offendiculi, & petra scandali. Nam  
in ipsum impingunt & offendunt omnes,  
qui rationis & carnis iudicium sectantes  
Christum repudiant, qui ipsis salutem gra-  
tuitam ex mera sua bonitate obtulit. Fit er-  
go non natura sua, sed hominum vicio la-  
pis offendiculi, & petra scandali. Hoc ita  
esse, declarant sequentia verba. Hic, inquit,  
qui impingunt in sermonem, id est, qui  
verbo prædicato fidem non adhibent, nec  
credunt, ad quod etiam positi fuerant, hoc

F 3 est,



EPIST. I.

est, Et si illis (loquitur enim hîc de incredulis Iudæis) destinata erat salutis promissio, tamen non crediderunt. Hanc interpretationem verborum Petri & peristasis loci, & verba requirunt. Quidam nouus interpretes ita reddidit: Immorigeri, ad quod etiam conditi erant, & interpretatur quod ideo conditi fuerint, vt essent immorigeri, hoc est, quod creati fuerint ab optimo Deo ad certam damnationem. Verum præter id, quod ἐτέθεσαν vertit conditi sunt, contra vocis græcanicę naturam, vim facit huic loco. Nam suprâ dixit Apostolus, hunc lapidem Christum fuisse ab ædificantibus reprobatum, quod nequam verum fuisset, nisi hic lapis his oblatus antea. Deinde verbum Dei & promissionem factam populo Iudaico malè peruertit. Nam verbum Dei, & promissio testatur Iudaicum populum cum conditione fuisse electum. Ita enim Moses Exod. 19. ait: Si audiendo audiueritis vocem meam, & custodieritis pactum meum, eritis mihi in peculium de cunctis populis, quia mea est vniuersa terra. Quis non videt conditionem hîc adiectam esse? Proinde audientes vocem Dei, & credentes Evangelio, quod proponitur vniuerso orbi,  
iuxta

iuxta  
Ite in  
Euang  
sunt  
dierim  
bi fun  
hac se  
decim  
manos  
pus ist  
posse  
Episto  
ro, eu  
in ipsi  
stinati  
minus  
cant ip  
cauerit  
V  
rega  
popu  
tutes  
nebr  
lem  
enim



D. P E T R I.

iuxta hoc vniuersale Christi mandatum :  
Ite in mundum vniuersum, & prædicate  
Euangelium OMNI CREATURÆ,  
sunt Dei peculium. Qui vero non au-  
dierint, nec crediderint Euangelio, repro-  
bi sunt, & sua culpa damnati. Qui cum  
hac sententia putant pugnare nouum,  
decimum & vndecimum capita ad Ro-  
manos, prorsus non attendunt, quis sit sco-  
pus istorum capitum, quem tamen scire  
possent, cum ex fine tertij capitis eiusdem  
Epistolæ, tum ex propositione collecta in  
10. eiusdem, videlicet : Omnis qui credit  
in ipsum, non pudebit. Non est enim di-  
stinctio Iudæi & Græci. Idem enim Do-  
minus omnium, diues in omnes, qui inuo-  
cant ipsum. Omnis enim quisquis inuo-  
cauerit nomen Domini, saluus erit.

Vos autem genus electum,  
regale sacerdotium, gens sancta,  
populus in acquisitionem, ut uir-  
tutes annuncietis illius, qui ex te-  
nebris uos uocauit, in admirabi-  
lem suam lucem.

Antithesis est proximæ sententiæ. Ut  
enim incredulos impingere dixit in sermo-

F 4 nem:



EPIST. I.

nem : Ita hîc eorum, qui credunt, honorem  
definit & excellentiam monstrat. Quia au-  
tem alludit Petrus ad verba, quæ mox se-  
quuntur, ea quæ heri de conditione ad-  
duxi ex 19. capite Exod. Nemini dubium  
esse potest quin hoc dictum Petri,  
**Vos estis ei genus electum &c.**  
ex conditione fidei pendeat. Ideo. n. dicun-  
tur genus electum, quia credunt. Vt autem  
hoc clarius euadat, ascribam Mosis verba:  
**Si audiendo audiueritis uocem**  
**meam, & custodieritis pactum**  
**meum, eritis mihi peculium de**  
**cunctis populis, quia mea est**  
**uniuersa terra** (Sequitur interpreta-  
tio peculij) **Et uos eritis mihi re-**  
**gnum sacerdotale, gens sancta.**  
Quis non videt cōditionem fidei huc per-  
tinere? quæ fides omnis obedientiæ veræ  
initium est. Nunc verba Apostoli diligen-  
tius perpendamus. Primum dicit, fideles  
esse genus electum, id est, eximium præ o-  
mnibus alijs hominum generibus. Quod  
enim Mosis peculium, seu thesaurum præ  
alijs facultatibus carum appellauit, hoc  
Petrus

Petrus  
nonim  
thesaur  
Ebraice  
ciosi se  
λαος m  
Paulus  
cat cred  
lum pec  
habetur.  
alijs dile  
electus  
ctus, m  
eandem  
citur la  
eximius  
tes electi  
bus in  
precio  
quidam  
dentes  
alijs, quo  
filij Dia  
Hac ex  
sanctec  
ram sti  
dentes  
um, ha



# D. P E T R I.

Petrus genus electum nominat. Vt sint synonima, genus electum & peculium, seu thesaurus præ alijs facultatibus charus. Ebraicè ad verbum populus thesauri preciosi seu peculijs. Septuaginta reddiderunt λαὸς περιόσιος, id est, populus peculiaris. Paulus ad Titum imitatus septuaginta, vocat credentes λαὸν περιόσιον, id est, populum peculiarem, qui loco thesauri preciosi habetur. Est enim περιόσιος thesaurus præ alijs dilectus. Hinc apparet, quo respectu electus dicatur in sacris literis. Nam electus, περιόσιος, & peculium seu thesaurus eandem rem notat. Vt enim Christus dicitur lapis electus, quia præ alijs lapidibus eximius est in ædificio Ecclesiæ: Ita credentes electi, quia præ alijs omnibus hominibus in mundo eximij sunt, & in magno precio coram Deo, tanquam singularis quidam thesaurus. Neq; mirum est credentes dici Electos, cum sint filij Dei, & alijs, quorum respectu dicuntur electi, sunt filij Diaboli, id est, reprobi & damnati. Hæc eximia laus meritò Christianis ad piè sancteq; transigendam in hoc mundo vitam stimulum addere deberet. Deinde credentes à Petro dicuntur Regale sacerdotium, hoc est, Reges, qui etiam in templo

F 5 Dei



EPIST. I.

Dei sacerdotio funguntur. Quanta autem sit hæc dignitas, diligenter considerandum est. Nam hæc dignitas meritò nos, qui Christiani dici & esse volumus, excitare deberet, ut induti puris vestibus, id est, vera sanctitate & innocentia, seruiremus Deo in suo sancto templo, omnib. diebus vitæ nostræ. Possunt autem hæc verba de Regali sacerdotio dupliciter exponi, videlicet simpliciter, & respectu hominum incredulorum. Simpliciter, quidem hoc modo: Credentes sunt Reges & Sacerdotes, seu ut Moses loquitur, Regnum sacerdotum, id est, Regnum, quod ex sacerdotibus, rebus sacris, & diuinis Deo dicatis constat. Et prudenter obseruandum est, quomodo vtrunq; vocabulum alterum restringat. Christiani quidem sunt Reges, sed sacri non prophani. Sunt enim in Christo victores mundi & satanæ. Sunt sacerdotes, sed Regi, non vulgares, aut Typici, quales fuerunt Aaronici sacerdotes. Hæc eminentia, hic honor, hæc ineffabilis gloria moneat Christianos, ut opera edant Regibus sanctis & sacerdotibus Regis digna. Deinde, Christiani dicuntur Regi sacerdotes hominum incredulorum respectu. Quemadmodum enim apud omnes populos,

pulos,  
res præ  
mnibus  
dicati fi  
rent Cl  
homini  
tos occu  
res, sacra  
plo. Dic  
sancta, i  
coetibus  
lata, vt  
cuntur  
est, vt  
propter  
ret ad  
Huc ad  
gnitatis  
tures e  
bilem li  
lige igne  
tionem  
nedictio  
Hanc li  
nuncia  
est. H  
Apost  
ratione



D. P E T R I.

pulos, reges & sacerdotes sunt honoratio-  
res præ alijs : Sic etiam fideles sunt præ o-  
mnibus populis honoratiores, vt qui Deo  
dicati sint. Cum ergo ita sit, meritò debe-  
rent Christiani abstinere à prophanorum  
hominum operibus, & in ijs operibus to-  
tos occupari, quæ decent Regales sacerdo-  
tes, sacra administrantes in sancto Dei tem-  
plo. Dicuntur præterea Christiani gens  
sancta, id est, segregata ab alijs prophanis  
cœtibus, & dicata Deo, eiq; in hostiam ob-  
lata, vt ipsum in vera sanctitate colat. Di-  
cuntur & populus in acquisitionem, hoc  
est, vt Paulus loquitur, peculiaris. Qua-  
propter hæc dignitas meritò nos moue-  
ret ad studium obedientiæ erga Deum.  
Huc addit Petrus finem huius eximix di-  
gnitatis, nimirum, vt pñ annuncient vir-  
tutes eius, qui se à tenebris in admira-  
bilem lucem vocauit. Per tenebras intel-  
lige ignorantiam, & eius pœnam maledi-  
ctionem. Per lumen noticiam Dei, & be-  
nedictionem, ex qua consolatio nascitur.  
Hanc lucem propterea admirandam pro-  
nunciat, quia extra rationis captum posita  
est. Hac periphrasi Christi ideo vsus est  
Apostolus, vt excitemur magis eius cogi-  
tatione, ad ambulandum dignè tanta lu-  
ce, Huc

*gēta grūsd  
venerit qd  
venerit*

9 10



EPIST. I.

ce, Huc pertinet & illud Pauli: Eratis enim aliquando tenebræ, nunc autem lux in Domino, tanquam filij lucis ambulate.

Qui quondam eratis non populus, nūc estis populus Dei, qui quondam non consecuti misericordiam, nunc estis misericordiam consecuti.

Gentes ad fidem conuersas populum peculiarem Dei dixit. Nunc, vt maius pondus huic asseuerationi accedat, eam Prophetico confirmat testimonio. Cum enim Hoseas Propheta abiectionem populi Iudaici, propter suam contumaciam, proposito mulieris fornicariæ & liberorum fornicationum paradigmate, prædixisset, addit vaticinium de vocatione gentium, quo & Paulus Rom. 9. vsus est.

Dilecti, obsecro uos, tanquā aduenas & peregrinos, ut abstinatis à carnalibus cupiditatibus, quæ militant aduersus animam, conuersationem uestram  
inter

inter  
ut in  
tanqu  
perib  
cent  
Po  
ta sit Ec  
quo sit  
rursus  
firmis  
autem  
propo  
dine ra  
Propo  
carnalib  
te inter  
memb  
desider  
bus. Q  
Christia  
lium cup  
frani si  
vt qui  
lud Pa  
in coele  
ni mur



D. P E T R I.

inter gentes habentes honestam,  
ut in quo loquuntur aduersus uos  
tanquam maleficos, ex bonis o-  
peribus spectantes uos glorifi-  
cent Deum in die uisitationis.

Postquam ostendit Apostolus, quan-  
ta sit Ecclesiæ gloria, quanta dignitas, & in  
quo sit loco apud Deum, exhortationem  
rursus aggreditur, quam suo more vestit  
firmissimis quibusdam rationibus. Quò  
autem res fiat dilucidior, exhortationis  
propositionem nudam proponam, & or-  
dine rationes quibus vestitur, subiungam.  
Propositio bimembris est: Abstinete à  
carnalibus desiderijs: Et honestam habe-  
te inter gentes conuersationem. Prius  
membrum, quod est, Abstinete à carnalib.  
desiderijs, confirmatur duabus rationi-  
bus. Quarum Prior sumitur à conditione  
Christianorum, Posterior ab effectu carna-  
lium cupiditatum. Conditio hæc est, Chri-  
stiani sunt aduenæ & peregrini in mundo,  
ut qui cælum habeant patriam, iuxta il-  
lud Pauli ad Philip. 3. πολίτευμα nostrum  
in cælo est. Quare non decet, ut Christia-  
ni mundanis sordibus se inuoluant, & car-  
ni se



EPIST. I.

ni se subiiciant, præsertim cum nemo debeat alienæ Reipublicæ negocijs se immiscere, idq̃ maximè, si pugnant cum suæ Reipublicæ institutis. Effectus est, quòd carnales cupiditates militent aduersus animam, hoc est, aduersus spiritum. Nam animam hîc vocat Petrus, quatenus Spiritu Dei reformata est ad imaginem Dei.

Posterius membrum propositionis, quod est: Honestam habete inter gentes conuersationem, similiter duabus vestitur rationibus. Quarum Prior sumitur ab utili, Vt, inquit, vestris bonis operibus obturetis ora eorum, qui vos pro maleficis habent. Posterior etiam ab utili sumta est. Vt illi, inquit, vestris bonis operibus moti, aliquando resipiscant, & vnà vobiscum Deum glorificent, idq̃ in die visitationis eorum, hoc est, cum per Euangelij prædicationem ad fidem conuertuntur. Hæc ergo nos, qui Christiano nomine gaudemus, moneant, vt ita purgatis animis inter homines viuamus, ne malè propter nos audiat Euangelium Christi. Qui enim malè & flagitiosè viuunt, triplici peccato inuoluuntur. Primum, legem Dei contumaciter violant. Deinde, exemplo nocent.



D. P E T R I.

cent. Tertio, doctrinæ Euangelij notam infamiae inurunt, vt interim taceam, quod regnum Satanæ dilatent & augeant.

Subiecti igitur estote omni humanæ creaturæ, propter Dominum, siue Regi tanquam supereminenti, siue præsidibus tanquam his, qui per ipsum mittuntur, in uindictam quidem malefactorum, in laudem uerò rectè agentium.

De generali exhortatione in specialem descendit. Generalis fuit hæc. Habere honestam conuersationem inter gentes. In hac continetur, vt hypothesis in sua thesi: Estote subiecti superioribus uestris. Nam, qui hoc non facit, honestatem publicam lædit. Vestit autem hanc hypothesein triplici ratione. Prima notatur hoc dicto, Propter Dominum, uidelicet, qui vt hoc suo præcepto efflagitat: Ita sibi quoque gratum officium esse lege ostendit, qua iubet vt honoremus superiores. Secunda est, quia Reges & præsidēs sunt constituti in superiori loco, vt in inferiores imperium habe-



EPIST. I.

habeant. Tertia à fine magistratus ciuilis, qui hîc duplex statuitur. Vnus quidem, quòd sint vindicens scelerum. Alter verò, quòd sint honestatis & virtutis defensores, vt qui præmium virtutis tribuant, dum bonos armis & legibus defendunt.

Quia aliàs sæpè de magistratu dictum est, hîc solūmodo vnam sententiā Xenophontis de affectu Magistratus erga subditos ascribam. Xenophontis verba hæc sunt in Hierone. Νόμιζε τῷ μὲν πατρίδα, οἶκον: τοὺς δὲ πολίτας, ἐταίρους: τοὺς περὶ λαοὺς, τέκνα σεαυτοῦ: τοὺς δὲ παῖδας, ὅτι πορτὶνὸν σὺν ψυχῇ. καὶ τὰς πάντας περὶ νικᾶν ἐν πῶν. Hoc est, Patriam quidem existima domum, ciues socios, amicos filios tuos, filios verò tanquam propriam animam, atq; hos omnes beneficentia superare contende. Eurip: μέγας εἶλετο καὶ εὐφρέτης βροτοῖς.

Sic enim est uoluntas Dei, ut benefaciendo obstruatis hominum stultorum ignorantiam.

Propositionis ratio est à voluntate Dei sumta. Vult enim Deus, vt benefaciendo vincamus improborum ignorantiam,



D. P E T R I.

am, qua victoria nulla præclarior esse potest. Huc illud Pauli præceptum: Vince in bono malum. Hic tria notentur. Primum, quod homines ignari Euangelij iudicio Spiritus sancti stulti habeantur. Secundum, quod hæc stulticia proveniat ex ignorantia. Tertium, quod vera sapientia & vera prudentia in cognitione Dei sit sita.

Vt liberi, & non uelut uelamen habentes maliciæ libertatem, sed ut serui Dei.

Alia ratio à conditione Christianorū, videlicet, quod Christiani per filiū Dei libertatem sunt cōsecuti. Hæc ratio illustrior fit Antithesi hoc modo. Qui facit peccatū, seruus est peccati. Christiani ergo, quos filius libertate donauit & redemit à iure peccati, debent peccato renunciare & iusticiæ, ut Paulus loquitur, militare. Præterea anticipat hic Apostolus eorum obiectionem, qui abusi Christiana libertate sibi quiduis libertatis prætextu permiserunt. Quorum stulticiam hoc argumento refellit Apostolus noster. Christiani sunt serui Dei, Ergo illorum libertas non prætexanda est maliciæ,

G tix,



EPIST. I.

tia, imò magis eos ad bene agendum incitabit, vt Dei imaginem referant, cuius & filij & serui sunt.

**Omnes honorate, fraternitatem diligite, Deum timete, Regem honorate.**

Suprà posuit generalem exhortationem de honesta conuersatione inter gentes: Nunc illam in quatuor retexit hypotheses, quæ modum honestæ conuersationis continent. Harum prima est, Omnes honorate, id est, omnes caritate & debitis officijs prosequimini. Secunda, Fraternitatem diligite, hoc est, fratrum cœtum & coniunctionem fouete & complectimini. Est enim fraternitas fratrum cœtus, vt habetur Zachariæ vndecimo. Tertia, Deum timete, id est, non solum intus in animo Dei timorem habere debetis, verum etiam vita, moribus & confessione verum Dei timorem præ vobis ferre debetis, vt alij homines ex vestris externis moribus discere possint, qua sitis pietate animi erga Deum. Quarta, Regem honorate, id est, omnes superiores debita obseruantia complectimini. Posuit enim speciem pro genere. In his quatuor



D. P E T R I.

tuor præceptis, honestas vitæ in conuersatione hominum continetur.

Famuli subiecti sint cum omni timore Dominis, non solum bonis & humanis, uerum etiam prauis.

Alia hypothesis, quæ etiam continetur in generali dicto, de honesta seruanda inter gentes conuersatione. Præcipit autem hic Petrus de subiectione domesticorum ministrorum, quos uult subiectos esse suis dominis, cum omni timore, id est, cum summa obedientia & reuerentia. Est enim metonymia siue synecdoche. Verum, ne quis excipiat indignum esse Christianos famulos impijs Dominis subijci, distributione occurrit, cum inquit, Non solum bonis & humanis, uerum etiam prauis, hoc est, improbis & duris, qui iuxta rigorem summum omnia agunt. Opponitur enim σκόλιος, bono & humano. Humanus autem quis sit, ex græca uoce manifestum est. Utitur enim Petrus hoc loco uocabulo ἐπιεικής, & dicitur propriè ἐπιεικής, qui de summo iuris rigore deflectit ad mitigationem, propter aliquam circumstantiam fa-



# EPIST. I.

Et aut personæ. Verum hîc vna exceptio  
obseruanda est de obedientia. Nam cum  
Domini imperant aliquid, quod à famulis  
bona conscientia præstari non potest, hoc  
est, cum imperant aliquid, quod vel cum  
lege Dei manifesta pugnat, vel cum lege  
naturæ & publica honestate. Locum ha-  
bet illud Petri: præstat obedire Deo, quàm  
hominibus. In eandem sententiam Athe-  
nienſibus respondet Socrates, cum iubere-  
tur sententiæ magistratus cedere: Comple-  
ctor vos, inquit, Athenienses amanter, sed  
magis Deo quàm vobis obtemperabo. Simile  
quoque fuit responſum Antigonæ datum  
Chreonti Tyranno: Iustius est, inquit, vt  
iis obtemperem, apud quos perpetuò  
mansura sum, quàm vobis, cum quibus  
admodum breue tempus viuam.

Ratio huius exceptionis est, quòd o-  
mnis obedientia, quæ præstanda est homi-  
ni, debeat proficisci ex obedientia Deo de-  
bita. Siquidem hominî obtemperamus  
propter Deum. Huc pertinet præceptum  
Pauli ad Ephes. 6. Serui obedite Dominis  
vestris carnalibus cum timore & tremore,  
in simplicitate cordis vestri, tanquam Do-  
mino. Et Coloss. 3. Serui obedite per o-  
mnia Dominis carnalibus, non ad oculum  
serui-

seruient  
in simp  
num. C  
ramini  
scientes  
bution  
iustum  
Dei est p  
cerit, na  
homines  
abiecto

H  
pter  
quis  
ens,

Ra  
prauor  
famuli  
est, grat  
ctum pr  
am De  
tum D  
um of  
hoc o  
Est au  
Deus



D. P E T R I.

seruientes, quasi hominibus placentes, sed in simplicitate cordis, timentes Dominum. Quodcunque feceritis, ex animo operamini sicut Domino, & non hominibus, scientes quod à Domino accipietis retributionem hæreditatis. Nihil proinde ad iussum hominis faciendum est, quod lege Dei est prohibitum. Nam quisquis hoc fecerit, naturæ ordinem inuertit, & sacrilegè hominem Deo præfert, omni timore Dei abiecto,

Hoc enim est gratia, si propter conscientiam Dei suffert quis molestias, iniuste patiens.

Ratio est, cur iugum Dominorum prauorum non sit excutiendum à fidelibus famulis. Hoc est, inquit, G R A T I A, id est, gratum Deo ( ponitur enim hic abstractum pro concreto ) si propter conscientiam Dei suffert quis molestias, hoc est, gratum Deo est, quod famulo religio sit Deum offendere, cuius voluntate intelligit hoc onus seruitutis sibi impositum esse. Est autem conscientia Dei, non quam ipse Deus habet, sed quam homo coram Deo

G 3 habet,



EPIST. I.

habet, qua cauet, ne illum vlla ratione  
offendat.

Quæ enim laus, si cum pec-  
cantes colaphis cedimini, suffer-  
tis? sed si cum benefacitis, affli-  
cti, & molestiam tamen tolera-  
tis, hoc gratia apud Deum.

Amplificat eandem rationem collati-  
one causarum. Qui affligitur, aut suapte  
culpa affligitur, aut præter omnem suam  
culpam. Si sua culpa affligitur, digna pœ-  
na dolenda venit. At si præter suam cul-  
pam affligitur, patientia Deo est grata.  
Christianus igitur famulus ita componat  
se, vt si quid molestiæ ferendum sit, ne id  
fiat sua culpa.

Nam ad hoc uocati estis.

Alia ratio à genere sumta, siue à com-  
muni omnium Christianorum conditio-  
ne. Omnes pñ vocati sunt, vt patienter in-  
iuriam ferant. Quarè etiam Christianos  
famulos patienter iniuriam ferre oportet.

Quoniam & Christus pas-  
sus est pro nobis, reliquens nos  
bis

bis ex  
uestigi

Exe

rum om

Christus

stra est in

le cum si

membra,

cem ferre,

& nostræ

pro nost

patimur

do, sed

Rom, 6,

magis ne

utilitas, d

cellitas in

Dominu

nire, abri

suam que

voluerit a

det eam,

crucem si

meus est

quàm si

ce, Nar

conuer



D. P E T R I.

bis exemplum, ut insequerimi  
uestigia eius.

Exemplo Christi probat Christiano-  
rum omnium esse patienter iniuriam ferre.  
Christus est caput nostrum, cuius actio no-  
stra est instructio. Cum igitur passus sit il-  
le cum summa patientia, decet & eius  
membra, id est, Christianos patienter cru-  
cem ferre, tametsi causæ afflictionis Christi  
& nostræ diuersæ sunt. Ille enim est passus  
pro nostro peccato expiando. Nos autem  
patimur pro eodem, non quidem expian-  
do, sed in carne nostra mortificando, ad  
Rom. 6. Porro imitatio Christi in cruce  
magis nobis dulcescet, si eius necessitas,  
utilitas, dignitas & modus spectentur. Ne-  
cessitas imitationis indicatur Matth: 6. ubi  
Dominus ita ait: Si quis vult post me ve-  
nire, abneget semetipsum, & tollat crucem  
suam quotidie, & sequatur me. Qui enim  
voluerit animam suam saluam facere, per-  
det eam. Et Luc. 14. Et qui non baiulat  
crucem suam, & venit post me, non potest  
meus esse discipulus. Hæc dicta testantur,  
quàm sit necessaria imitatio Christi in cru-  
ce. Nam & mandatum Christi vrget, &  
conuersionis conditio postulat conformi-

G 4 tatem



EPIST. I.

tatem sanctorum cum Christo in cruce. Vtilitas imitationis duplex est. Vna in hac vita, de qua Paulus ad Rom. 6. Hoc scientes, quod vetus noster homo vnà crucifixus est, vt destruat corpus peccati, vt vltra non seruiamus peccato. 2. Corinth: 4. Semper mortificationem Iesu Christi in corpore nostro circumferentes, vt & vita Iesu manifestetur in corporibus. Altera in futura vita, de qua idem Apostolus ad Rom. 8. Si vnà cum eo patimur, simul etiam cum eo regnabimus. 2. ad Timoth. 2. Nam si commortui sumus, & conuiuemus. Dignitas imitationis crucis Christi indicatur Matth: 10. Qui non accipit crucem suam & sequitur me, non est me dignus, Hoc est, non est dignus, vt membrum meum censeatur. Ad Galat: 6. Stigmata Domini Iesu in corpore meo gesto. Item, Absit mihi gloriari, nisi in cruce Domini Iesu Christi. Ad Rom. 8. Quos præsciuit, eosdem etiam prædestinavit conformes fieri imagini Filij sui. Modus imitationis non consistit in quantitate, non in qualitate, & non in fine principali crucis Christi: sed in his quinque. In fiducia erga Deum. In obedientia spontanea. In patientia vera. In inuocatione & gratiarum actio-

actione.  
ducia v  
num in  
à dextris  
dientia &  
liauit fe  
mortem,  
53. Oblat  
os suum.  
actione P  
nantur. I  
uocation  
cruce pl  
nis ita l  
tum est c  
insuper &  
iam acco  
vt Abrah  
niel, Petr  
imitand

Qu  
nec in  
eius,  
uicissi  
teretu



D. P E T R I.

actione. Et in spe gloriosæ liberationis. Fidu-  
 ciæ vox est in Psalm. 16. Posui Domi-  
 num in conspectu meo semper, quoniam  
 à dextris est mihi, ne commouear. De obe-  
 dientia & patientia simul Philip:2. Humi-  
 liauit seipsum, factus obediens vsq; ad  
 mortem, mortem autem crucis. Item Esaïæ  
 53. Oblatus est, quia voluit & non aperuit  
 os suum. De inuocatione & gratiarum  
 actione Psalm. 16. & 22. & multi alij concio-  
 nantur. Item Matth. 26. & Iohan. 17. de in-  
 uocatione & gratiarum actione Christi in  
 cruce plurima leguntur. De spe liberatio-  
 nis ita loquitur Psal. 16. Propter hoc læta-  
 tum est cor meum, et exultauit lingua mea,  
 insuper & caro mea requiescet in spe. Huc  
 iam accommodentur exempla imitationis,  
 vt Abrahæ, Isaac, Iacob, Iob, Dauid, Da-  
 niel, Petri, Pauli & aliorum, quos & nobis  
 imitandos proponamus.

Qui peccatum non fecerat,  
 nec inuentus est dolus in ore  
 eius, qui conuicijs petitus non  
 uicissim conuiciabatur, cum pa-  
 teretur non minabatur, sed com-

G s mi-



EPIST. I.

misit uindictam ei, qui iudicat  
iustè.

Exemplum Christi, quod imitandum  
proposuit, amplificat, ut ostendat quo ani-  
mo nos, qui eius discipuli sumus, iniuriam  
ferre debeamus. Quod autem addit, Chri-  
stum uindictam commisisse ei, qui iustè iu-  
dicat, non ad cupiditatem uindictæ in  
Christo referendum est, sed ad obedientiæ  
causam. Ut igitur ipse obediens fuit sub  
cruce, Deo commendans & se & suam cau-  
sam: Ita & nos ipsius exemplum imitari  
debemus, commendantes nos & nostram  
causam Deo, & simul iuxta mandatum  
Christi orantes pro persequentibus nos.

Qui peccata nostra ipse per-  
tulit in corpore suo super lig-  
num, ut peccatis mortui iusticiæ  
uiuamus, cuius liuore sanati fui-  
stis.

Alia ratio à fine afflictionum Christi.  
Christus afflictus est propter peccata no-  
stra expianda. Ergo non amplius peccatis  
indulgebimus, sed uiuemus potius iusti-  
ciæ eius, cuius liuore sanati sumus. Proin-  
de, non

de, non  
feramus.

Er  
sed co  
rem &  
ueltrari

Ratio  
rum. Oli  
oues erra  
pastore  
rum, D  
emplum  
mini.

T

SVN

Mon  
nia  
officia p  
sanctitat



D. P E T R I.

de, non decet vt impatienter nos crucem  
feramus.

Eratis uelut oues errantes,  
sed conuersi estis nunc ad pasto-  
rem & Episcopum animarum  
uestrarum.

Ratio à conditione status Christiano-  
rum. Olim ante conuersionem fuistis vt  
oues errantes, nunc autem estis conuersi ad  
pastorem & episcopum animarum vestra-  
rum. Decet igitur, vt vestri pastoris ex-  
emplum in cruce patienter ferenda imite-  
mini.

## TERTIVM CAPVT.

### SVMMA CAPITIS TERTII.

**M**onstratis coniugum officijs, commu-  
nia omnium ordinum hominibus  
officia præscribit Apostolus. Vnde ad  
sanctitatem & constantiam in fide & spe  
horta-



EPIST. I.

hortatur,propositis cum præmiorum obedientiæ, tum pœnarum inobedientiæ exemplis.

ORDO ET PARTES CAPITIS TERTII.

**Q**uatuor sunt huius capituli partes præcipuæ. In quarum prima, instruit mulieres. In secunda, maritos docet. In tertiâ, communia omnibus hominibus præcepta commendat. In quarta, ad sanctitatem, constantiam in fide & spe, & patientiam in cruce hortatur, proposita collatione temporis Noë & temporis, quo hæc Apostolus scripsit, Significans similes pœnas manere incredulos omnibus temporibus, quantumuis multi fuerint, cum contrâ pñ, quorum numerus est perexiguus, potentia Dei saluentur,

EXEGESIS TERTII  
CAPITIS, CVM OBSERVATIONE doctrinarum.

Similiter uxores subiectæ  
sint uiris,

Pertinet & hæc hypothesi ad honestam inter homines conuersationem, & conti-

tinetur in  
autem h  
posuimus  
subiectio  
potius e  
tionis in

Vt  
unt ferr  
uerfati  
fiant,  
stram  
nem.

Exh  
sta vxoris  
tionem,  
res velut  
coniugiu  
verbo pr  
rent prop  
aurem Ap  
lucrisant  
est, ne q  
saluari p

Qu



D. P E T R I.

tinetur in illa: Omnes honorate. Qualis autem hæc subiectio esse debeat, alibi exposuimus, & summa huc redit, vt hæc subiectio sit liberalis, & non seruilis, vt quæ potius ex caritatis lege, quàm ex dominationis imperio pendere debeat.

Vt etiam, si qui non obediunt sermoni, per mulierum conuersationem sine sermone lucrifiant, considerantes puram uestram in timore conuersationem.

Exhortationis ratio est ab utili. Hæc vxoris conuersatio per debitam subiectionem, interdum facit vt mariti seueriores veluti cicurentur, ac tandem piarum coniugum consuetudine conuicti, aures verbo præbeant, à quo alioqui abhorrent prophani & ridigi homines. Cum autem Apostolus dicit: Vt sine sermone lucrifiant, ad præparationem referendum est, ne quis putet quemquam sine verbo saluari posse.

Quarum sit non externus in  
plis



EPIST. I.

plicatura capillorum, & circum-  
positione auri, & amictu pallio-  
rum, ornatus, sed occultus cor-  
dis homo in incorrupto (orna-  
tu) lenis & quietus spiritus, quod  
est coram Deo preciosum.

De subiectione mulierum dixit, nunc  
earum ornatum per antithesin describit  
Apostolus. Nam cum mulieres pleræq; ex-  
terni ornatus & cultus auidiores sint, fit ut  
sæpissimè modum transgrediantur. Con-  
fert autem hîc duplicem ornatum, Quo-  
rum vnus est externus & caducus, Alter  
internus & constans. Ille superbîæ & in-  
temperantiæ; hic lenis & mansueti spiritus  
inditium est. Cæterum hîc seruandum est  
τὸ πρέπον personarum, ne quid superstitio-  
ne temerè contra honestam consuetudi-  
nem peccetur. Neq; enim decorum esset,  
si honesta matrona, in superiori aliquo sta-  
tu constituta, se vilium ancillarum more  
vestiret religionis gratia. Quare diligenter  
spectandum est, quid & status hominis, &  
consuetudo patriæ patiat. Huc pertinet  
pulcherrimum Cratetis dictum, quid de  
orna-

ornatu  
tur: Or  
quod m  
aurum,  
rem fac  
stia & p

Sic  
mulier  
um, or  
prijs r  
Abra  
cans,  
benefa  
lum te

Sanct  
firmat A  
natu & i  
regulam  
hæ prop  
nabat se  
to, Don  
lum fac  
dionem  
esse Chu



D. P E T R I.

ornatu muliebri in hanc sententiam loquitur: Ornatus est quod ornat, ornat autem, quod mulierem ornatiorem facit. Sed nec aurum, nec smaragdus mulierem ornatiorem facit, sed quæcunq; grauitatis, modestiæ & pudicitiae significationem habent.

Sic enim olim etiam sanctæ mulieres, quæ sperabant in Deum, ornabant sese, subiectæ proprijs maritis, sicut Sara obediuit Abrahamæ, Dominum eum uocans, cuius factæ estis filiæ cum benefacitis, & non metuitis ullum terrorem.

Sanctarum matronarum exemplo confirmat Apostolus, quod de mulierum ornatu & subiectione præcepit. Et ut certam regulam præscribat, Saram vxorem Abrahamæ proponit, quæ Deum timuit, quæ ornabat se pudicitia, quæ subiecta erat marito, Dominum eum appellans. Ut non solum facto, verum etiam voce suam subiectionem testaretur. Huius Saræ filias dicit esse Christianas matronas, quæ ipsius virtutes



EPIST. I.

tutes imitantur, quæ ipsius exemplo benefaciunt, quæ spontè & vltro officium suum præstant, nullo ad id compulsæ timore. Ita enim ait: Cuius filix factæ estis cum benefacitis, & non metuitis vllum terrorem. Vult ergo mulieres benefacere, vt non ad id terrore maritorum cogantur, sed proprii potius animi promptitudine impellantur ad officium præstandum. Hæc simplicissima sententia est verborum Apostoli, & maximè exemplo proposito congruit. Vt enim sua sponte benefecit Sara, non compulsa viri imperio: ita & aliæ mulieres non terrore poenæ, sed amore virtutis probæ esse debent.

**Viri similiter cohabitantes (sint) secundum scientiam, tanquam infirmiori uasi, muliebri tribuentes honorem, tanquam etiam cohæredes gratiæ uitæ, ne interrumpantur preces uestræ.**

Analogum officium requirit à maritis, videlicet vt cohabitent vxoribus secundum scientiam, id est, sanctè & honestè.

Ex

Ex causa  
dem scien  
est sancti  
quia hæc  
continen  
mum er  
Synecdo  
in familia  
dum scien  
& regular  
stolus ma  
tos esse:  
honestè  
vxoribu  
tum hono  
stantur, f  
conditio,  
Tertio, cu  
lat, mone  
ret esse de  
liebris, &  
benignius  
ualis (qua  
mes sit vi  
Deo & in  
iuncta)  
erga vxor  
ro. Quar



D. P E T R I.

Ex causa enim effectum intelligit. Siquidem scientia ex verbo Dei percepta, causa est sanctitatis, & omnis honestatis. Verum, quia hæc pauca Apostoli verba multa continent, ea retexam & illustrabo. Primum ergo vox cohabitationis, significat Synecdochicòs omnia maritorum officia in familia. Deinde quod additur, secundum scientiam, modum præstandi officij & regulam continet. Nam, ut vult Apostolus maritos vera scientia agendi præditos esse: Ita requirit ab ipsis, ut sanctè & honestè iuxta regulam verbi Dei cum vxoribus viuant, & tribuant eis debitum honorem, hoc est, caritate eas completantur, facientes quæ requirit maritorum conditio, & quæ postulat vocationis ratio. Tertio, cum vxores infirmum vas appellat, monet Primum, ut mariti, quos fortior esse decet, meminerint infirmitatis muliebri, & imbecillitate earum admoniti, benignius eas tractent. Deinde, appellatio vasis (qua significatur, quod coniunx comes sit viro, & adiutrix ad fideliter coram Deo & in familia transigendam vitam adiuncta) rationem continet officij mariti erga vxorem. Est enim vxor adiutrix viro. Quare par est, ut eam tanquam adiutricem

H            tricem



# EPIST. I.

tricem, & eiusdem iugi sociam complectatur. Quarto additur ratio à communi piorum coniugum conditione, videlicet, quòd sint cohæredes æternæ vitæ. Proinde decet, vt hîc se mutuo honore prosequantur. Quinto & vltimo argumentum à necessario opponit, cum inquit: Ne interrumpantur preces vestræ. Vbi enim non cõuenit inter coniuges, interrumpitur hoc necessarium officium, quod est inuocatio Dei. Quare, ne id fiat, mariti studere debent, vt sit cohabitatio eorum cum honestis vxoribus pia, honesta & quieta.

In summa uerò sitis omnes concordēs, compatientes, fraternè uos diligentes, misericordēs, affabiles.

A particularibus officijs ascendit ad communia Christianorum officia, & iusticiæ quasdam partes recitat. Concordes *ὁμόφρονες*, vocat eos, qui sunt eiusdem animi & sententiæ. Qua virtute vinculum pacis & tranquillitatis Christianis commendatur. Cum contrà, qui dissentiendi libidine laborant, schismata faciant, & rumpant dilectionis vinculum, præbeantq; occasio-

calione  
Christi.  
quòd c  
fia debe  
facienti  
Nam a  
& Belial  
vocat eo  
rangunt  
trivog die  
pulcerri  
& 1. Co  
clesiam  
compa  
cera dile  
ficiens  
incolum  
ternè se  
Aposto  
tali per  
filios D  
mortuis  
do ad D  
patrem  
cordes  
ωλεγ  
est, aff  
pro affe



D. P E T R I.

caſionem Satanæ ad euertendas Eccleſias  
Chriſti. Verùm hoc interea ſciendum eſt,  
quòd concordia Chriſtianorum in Eccle-  
ſia debeat eſſe ſancta, in rebus pñs & licitis,  
facientibus ad ædificationem mutuam.  
Nam alioqui nullus eſt conſenſus Chriſto  
& Belial. Compatientes græcè συμπαθεῖς  
vocat eos, qui mutuo moleſtiarum ſenſu  
tanguntur. Eſt enim συμπάθεια πάθος  
τινὸς διὰ πάθος ἑτέρου. Huc pertinet illa  
pulcerrima pictura apoſtoli Pauli Rom. 12.  
& 1. Corinth: 12. in qua pictura totam Ec-  
cleſiam corpori varijs conſtanti membrīs  
comparat. Huius συμπαθείας fons eſt ſin-  
cera dilectio ex corde, fide purificato, pro-  
ficiſcens. Finis autem huius ſympathiæ eſt  
incolumitas totius corporis Eccleſiæ. Fra-  
ternè ſe inuicem diligere, ideo vult pius  
Apoſtolus, quia ex eodem ſemine immor-  
tali per Spiritum ſanctum ſunt regeneriti in  
filios Dei. Vnde Chriſtus excitatus à  
mortuis, iuſſit nunciari diſcipulis: Aſcen-  
do ad Deum meum & Deum veſtrum, ad  
patrem meum & patrem veſtrum. Miſeri-  
cordes ἑωλαγχνοί. Sunt autem ἑω-  
λαγχνοί quaſi bonorum viſcerum, id  
eſt, affectuum. Viſcerum enim vocem  
pro affectibus uſurpant ſacræ literæ. Non

H 2 igitur



EPIST. I.

igitur tantum ad misericordiam referenda est vox *ἑυωλαγχνίας*, sed etiam ad omnē pietatis affectum, quo mores externi ueluti condiuntur. Affabiles græcè *ἑιλόφρονες* (amicabiles) sunt, qui ad vitæ consuetudinem faciles sunt & commodi, autore Budæo. Quantum autem hæ virtutes ad honestè transigendam vitam inter homines habeant momenti, nemo non videt, præsertim, si ea comparauerit cum oppositis vicijis, quibus nihil in vita nocentius & turpius esse potest.

Non reddentes malum pro malo, aut conuicium pro conuicio, sed contrà benedicentes, scientes quòd in hoc uocati sitis, ut benedictionem hæreditatis possideatis.

Corrigit Apostolus vitia veteris hominis, quæ sunt inter multa alia: Malum pro malo reddere, conuicium pro conuicio, maledictum pro maledicto. Vult enim, vt benè precemur ijs, qui nobis maledicunt, & ex animo condonemus offensam ijs, qui nos læserunt, id quod ex vocationis

tionis r  
diceret  
fuimus  
ret Deu  
ni offer  
peruæ  
plum in  
esse velin  
cium Cl  
aut euer  
alios in  
scabies  
Hoc co  
aliorum

Q  
re & u  
at ling  
bia su  
clinet  
fectetu  
ni sup  
depre  
tus D  
Ex



D. P E T R I.

tionis nostræ conditione confirmat. Ac si diceret: Nos toties Deum offendimus, & fuimus digni, quibus æternum malediceret Deus, verum cum ipse, condonata omni offensa, vocat nos ad possessionem perpetuæ benedictionis, par est, vt eius exemplum imitemur, modo ipsius filij germani esse velimus. Hoc quia commune est officium Christianorum, nequaquam tollit aut euertit illorum officium, quorum est alios in timore Dei castigare & coërcere, ne scabies paucorum totum inficiat gregem. Hoc confirmatur Christi, Prophetarum & aliorum multorum sanctorum exemplis.

Qui enim uitam vult diligere & uidere bonos dies, coerceat linguam suam à malo, & labia sua ne loquantur dolum, declinet à malo & faciat pacem, & sectetur eam. Quia oculi Domini super iustos, & aures eius in deprecationem eorum, ac vultus Domini in facientes mala.

Ex Psalmo 35. id quod dixerat de hæ-

H 3 redi-



EPIST. I.

reditate benedictionis, hoc est, felicitis immortalitatis, confirmat. Etsi autem, quantum ad sensum attinet, fideliter expressit Petrus mentem Dauidis, tamen nec Ebraicam veritatem, quantum ad verba attinet, nec versionem septuaginta interpretum est secutus. Solent enim Apostoli non tam verborum, quàm rerum curam habere. Locus hic insignis obseruandus est, qui docet omnia cum præsentis tum futuræ vitæ commoda à Dei timore pendere, quemadmodum etiam promissiones additæ primo & quarto præcepto clarissimè docent. Quare eos fugiendos moneo, qui conantur homines abducere à claris Dei promissionibus ad Satanicas illusiones, ut quærant futurorum euentum, & felicitatem hominum ex horoscopis & prædictionibus hominum quæstum mendacio quærentium, quos secundum Imperatorum leges olim iustè puniuit magistratus. Ac si quis contra hanc diuinam promissionem obijciat multos pios contraria experiri promissionibus illis magnificis, respondeo pios semper habere quantum satis est, si tentationis exitum spectes. Imò in medijs afflictionibus felices & beati exultant. Contra autem, qui mala conscientia torquentur,

cur, nihil  
cere. Vo  
lus, per  
tione no  
nendum  
culos D  
tia: Itaq  
significet  
eos etiam  
in renatis  
ratio hæ  
stineat à  
qui non  
vita &  
candi ta  
conuetu  
co affectu  
omnis se  
iudiciu

Et  
boni in

Ra  
& sanct  
ta, in c  
reri, fr  
in mun



D. P E T R I.

tur, nihil inueniunt in quo possint acquiescere. Vocabula, quibus vsus est Apostolus, per se sunt clara, vt nostra interpretatione non indigeant, nisi fortè hoc admonendum est, quòd quemadmodum per oculos Domini fauor & gratuita beneuolentia: Ita per vultum ira idiotismo hebraico significetur. Porro hic locus Petri contra eos etiam militat, qui negant bona opera in renatis necessaria esse, firmissima est enim ratio hæc: Qui vult & expetit vitam abstineat à malo, & faciat bonum. Proinde, qui non abstinet à malo, nec facit bonum, vita & gratia excidit, & consuetudine peccandi tandem obdurefcit. Sicut enim ex consuetudine laboris callus obducitur loco affecto: Ita ex consuetudine peccandi omnis sensus doloris & omne σωτηρίας εως iudicium amittitur, & mens fit reprobata.

Et quis est, qui affliget uos, si boni imitatores fueritis?

Ratio exhortationis à fructu vitæ piæ & sanctè transactæ. Nam piæ & sanctæ vitæ, in qua conamur de omnibus benemereri, fructus esse solet quieta & tranquilla in mundo conuersatio, cum contrà turbu-

H 4      lenti



EPIST. I.

lenti sæpe sibi ipsi exitium accersunt. Verum quia hæc habet exceptionem, subiungit Apostolus,

**Sed etsi quid perpetiamini propter iusticiam, beati.**

Afflictionum in hac vita duæ sunt causæ. Vna, culpa propria eius qui affligitur: Altera, non culpa, sed iusticia potius & benefacta. Qui suam ob culpam affligitur, iuste patitur, qui verò ob benefactum seu iusticiam, beatus est, idque non propter sensum crucis, quæ semper molesta est, sed propter euentum. Nam gloriosa futura est liberatio omnium piorum, qui, cum patiuntur, fidem retinent & spem gloriæ promissæ. Hanc interpretationem confirmat concio Christi Matth. 5. vnde hæc Petrus desumfit.

**Cæterum, terrore illorum ne terreamini, neque turbemini: sed dominum Deum sanctificate in cordibus uestris.**

Quia omnes, qui volunt pie in Christo viuere, iuxta Pauli dictum, persecutionem in mundo patienter, animat Petrus  
pios



# D. P E T R I.

pios aduersus crucis acerbitem, ac pri-  
 mum vult, vt deponamus metum eorum,  
 qui nos persequuntur, iubetq; vt ei oppo-  
 namus promissiones diuinas. Nam Deus,  
 qui promisit suis liberationem, fallere non  
 potest, cum sanctus sit. Atq; hoc est, quod  
 dicit Apostolus : Sanctificate Deum in  
 cordibus vestris, hoc est, omnem laudem  
 veritatis & iusticie Deo tribuite. Fieri  
 enim non potest, vt promissiones suas  
 non seruet. Quarè certi estote, quod vos  
 suo tempore ex omnibus malis sit ereptu-  
 rus, modo vos constantes in fide perseue-  
 raueritis. Hanc interpretationem huius  
 generalis dicti : Sanctificate Deum in cor-  
 dibus vestris, requirit  $\pi\delta\iota\varsigma\ \alpha\sigma\iota\varsigma$ . Hoc pacto  
 rex David in exilio Deum sanctificauit,  
 cum diceret se paratum esse, ad ferendum  
 præsens exilium, si ita Domino videretur.  
 Hoc pacto Iob sanctificauit Deum cum di-  
 ceret : Scio quod redemptor meus viuat.  
 Huiusmodi plurima sunt exempla, cum in  
 veteri, tum in nouo testamento, qualia  
 multa recitat Epistola ad Hebræos cap. ii.  
 Quæ omnia exempla monent, vt in cruce  
 & persecutione intueamur iudicium Dei  
 & misericordiam. Atq; ita inuictò animo,  
 & viua in Christum fiducia perferamus  
 crucem,

H 5 Pa



EPIST. I.

Parati autem semper sitis ad respondendum cuilibet petenti rationem spei, quæ est in uobis, cum lenitate & timore.

Quia confessionis christianismi comes est in hoc mundo persecutio, monet Apostolus pios, ne propter persecutionis metum abijciant confessionem, aut dissimulent, sed potius parati sint ad respondendum cuilibet interroganti. In respondendo autem Petrus duo requirit, videlicet mansuetudinem, & timorem Dei. Mansuetudo quidem opponetur iracundiæ & impatientiæ. Timor verò Dei veritatis, constantiæ & bonæ conscientiæ custos est, monetq; ut in ipsa confessione ad Deum ipsum respiciamus.

Verum hinc plura perpendenda sunt. Primum enim discernendum est inter necessaria & ἀδίαφορα. Necessaria est omnium hominum obligatio ad primum præceptum, ut verum Deum vero timore & vera fide colant, & ut fugiant idola omnia, & quarumcunq; sectarum portenta, pugnantiæ cum verbo Dei. Matth. 4. Dominum Deum tuum adorabis, & illi soli  
serui-

seruis. N  
sarius est,  
confessio  
gauerit  
cum cora  
tem qui  
signis seu  
Dei cultu  
Mediatore  
ua pietate  
aut alijs ri  
idola, ut  
statio pa  
Neq; hic  
propter v  
rem, aut a  
res decede  
pro de fug  
decanatio  
vespertina  
ipfis Pap  
interesse p  
mis cauere  
mioribus  
bare, quæ  
Secundo  
sit nostra  
uentum,



D. P E T R I.

seruies. Nec tantum interior cultus necessarius est, sed etiam externa significatio, & confessio seu professio. Matth. 10. Qui negauerit me coram hominibus, negabo eum coram Patre meo cœlesti. Negat autem qui vel corde, vel corpore & externis signis seu gestibus se non testatur vnus Dei cultorem esse in Christo Iesu vnico Mediatore. Hinc concludo neminem salua pietate posse interesse Missis Papisticis aut alijs ritibus, in quibus sunt manifesta idola, vt inuocatio sanctorum, circumgestatio panis, & adoratio simulacrorum. Neq; hic vlla excusatio valet. Nam neque propter vocationem, neq; propter uxorem, aut amicos, neq; propter vllas alias res decedendum est ab æterno Dei præcepto de fugiendis idolis. Ἀδιαφορα sunt decantationes Psalmorum, matutinæ & vespertinæ preces, præcipuè illæ, quæ ab ipsis Papisticis de tempore vocantur. His interesse per se non est impium, sed imprimis cauendum est, ne exemplo tuo infirmioribus sis scandalo, & illa videaris probare, quæ cum primo præcepto pugnant. Secundò cauendum est, ne intempestua sit nostra confessio extra publicum conuentum, Quare præceptum Petri diligenter



EPIST. I.

ter perpendendum est, ad respondendum, inquit, omni petenti. Aliud est enim respondere, si interrogatus fueris, aliud est citra necessitatem apud impios se temerè in pericula conijcere, præsertim ubi non expetitur confessio. Tertiò, perpendendum est & hoc, ne extra cœtum Ecclesiasticum, ubi colloquia oriuntur de religione, & aduersarij blasphemias loquuntur, tacitus videaris approbare impietatem. Quare ab huiusmodi colloquijs abesse tutius est, ne tacendo conscientiam vastes, atq; ita naufragio fidei facto, reus fias defectionis à Deo. Proinde, si quando contigerit te voces in Deum blasphemias audire, potius mors oppetenda est, quàm vt tacitus feras contumeliam Dei.

Conscientiam habentes bonam, ut in eo, quod loquuntur aduersus uos tanquam maleficos, pudefiant, qui incessunt uestram bonam in Christo conuersationem.

Confessionis duplicem fructum ponit: nempè bonam conscientiam apud Deum,

um, qua  
& bonam  
honor ex  
tranquill  
integritas  
qui paru  
runt, nun  
(quæ in v  
sanctimoni  
centes se in  
tem sit bo  
Hebræos  
tor eius E  
nam confi  
recte conu  
na conscien  
tè faciendi  
contra vo  
scientia A  
in hoc, in  
conscientia  
Deum & a  
talem, qua  
um sciens  
ribus sim  
quò omni  
referri dei  
scientiam



D. P E T R I.

um, qua re nulla alia iucundior esse potest:  
& bonam famam apud homines. Nam vt  
honor ex confessione Deo tribuitur, vnde  
tranquilla redditur conscientia: Ita vitæ  
integritas bonum nomen adfert, adeò vt  
qui parum honestè antea de pijs iudica-  
runt, nunc conuicti piorum confessione  
(quæ in veritatis defensione, & in vitæ  
sanctimonia posita est) pudeant, agnos-  
centes se iniuste pios traduxisse. Quid au-  
tem sit bona conscientia, ex 13. capite ad  
Hebræos colligi potest, vbi ita inquit au-  
tor eius Epistolæ: Confidimus, quia bo-  
nam conscientiam habemus, in omnibus  
rectè conuersari volentes. Proinde, bo-  
na conscientia erit in renatis, voluntas re-  
ctè faciendi, vt sciens & volens non ruas  
contra voluntatem Dei. Huiusmodi con-  
scientia Actor: 14. dicitur ἀπεόσκοπος,  
in hoc, inquit Paulus, ipse me exerceo, vt  
conscientiam habeam ἀπεόσκοπον apud  
Deum & apud homines semper, hoc est,  
talem, qua caueam perpetuò, nec vel De-  
um sciens & volens offendam, vel homi-  
nibus sim scandalo. Obserua hoc loco,  
quò omnes conatus piorum in hac vita  
referri debeant, nimirum, vt bonam con-  
scientiam apud Deum habere, & bonam  
famam



EPIST. I.

famam coram hominibus tueri possint. Contrà verò obserua nihil tristius esse mala conscientia, & mala fama. Illa enim intus cruciantur homines: hac foris contemnuntur, & veluti expuuntur, tanquam res foedissima & abiectissima.

Melius enim est benè agentes, si ita uelit uoluntas Dei, pati, quam malè agentes.

Ratio à collatione causarum crucis (alij enim affliguntur propter peccata sua, alij præter merita sua) quasi dicat: Etsi grauis crux est, tamen melius est propter bonam causam affligi, quàm propter malam. Nam qui affligitur ob bonam causam, beatus est, quemadmodum suprà Petrus ex concione Christi probauit. Interponitur autem hîc argumentum à uoluntate Dei sumtum: Si ita, inquit, uelit uoluntas Dei, ac si dicat: Cum crux non casu aliquo nobis imponatur, sed ex consilio Dei, æquius ferenda est. Nam clementissimus pater non castigat filios suos, ut perdat eos, sed potius ut castigatos seruet, dum in ipsis crucis onere opprimitur & mortificatur corpus peccati. Imprimis ergo

gò obser  
piorum a  
quia sem  
est, ut e  
per pati  
nostrum  
lus i. Cor  
cum hoc n  
procluius  
omnia nob  
est natura  
bus uti n  
Quare re  
Nescia  
Et seru  
David sua  
quam hun  
mihi Don  
scam stat  
sit Dei co  
minat, vi  
proficiant  
rent, seu v  
magis ma  
Feramur i  
tantes bo  
ce coërce  
spiritum.



D. P E T R I.

gò obseruandum est, quòd causam crucis  
piorum affirmat esse uoluntatem Dei. Hec,  
quia semper bona, iusta & sancta est, par  
est, vt ei nos subiiciamus in timore Dei  
per patientiam, præsertim cum tendat in  
nostrum profectum. Nam ideò, vt Pau-  
lus I. Corinth. II. testatur, corripimur, ne  
cum hoc mundo damnemur. Nihil enim  
procliuius est, quàm à Deo deficere, cum  
omnia nobis ex votis cedunt, siquidem ea  
est naturæ nostræ prauitas, vt secundis re-  
bus vtì non possit, nisi in suam pernitiem.

Quare rectissimè à Poëta dictum est:

Nescia mens hominis fati sortisq; future,

Et seruare modum rebus sublata secundis.

Dauid sua experientia edoctus ait: Prius  
quam humiliarer, errauì. Item, Bonum est  
mihi Domine, quòd humiliasti me, vt di-  
scam statuta tua. Hinc patet, quod' nam  
sit Dei consilium, quando suos cruce exa-  
minat, videlicet, vt & in doctrina pietatis  
proficiant, & in vitæ innocentia perseue-  
rent, seu vt Paulus loquitur, vt abundant  
magis magisq; in omni cognitiõe & sensu.  
Feramus igitur æquo animo crucem, cogi-  
tantes bonam Dei uoluntatem esse, vt cru-  
ce coërceamur, ne caro ferociat aduersus  
spiritum.

Nam



EPIST. I.

Nam & Christus semel pro peccatis passus fuit, iustus pro iniustis, ut nos adduceret Deo.

Aetiologia est ab exemplo Christi, Christus, etsi iustus fuit, malis tamen affectus est. Proinde nos quoque Christi exemplo patiamur potius bene agentes quam male agentes. Obserua hoc loco discrimen inter nostram crucem, & crucem Christi. Christus enim passus est pro iniustis, ut eos Deo adducat, hoc est, ut eos sua victima redemptos à reatu & obligatione damnationis absolueret, & vestitos sua iusticia reconciliaret Deo, iuxta illud 2. Corinth. 5. Eum qui non nouit peccatum, fecit peccatū, ut nos fieremus iusticia Dei in ipso. Nos autem patimur Dei consilio, ut in nobis vetus homo crucifigatur, & nouus quidam formetur. In huius veteris hominis mortificatione, & in noui formatione sita est sanctificatio nostri, quæ in nobis peragitur virtute mortis & resurrectionis Domini.

Mortificatus quidem carne, uiuificatus uerò spiritu.

Quem-



D. P E T R I.

Quemadmodum in Christo commen-  
datur nobis crucis ferendæ exemplum: Ita  
spes gloriosæ liberationis in eodem exem-  
plo nobis proponitur. Nam vt ille post  
mortem in gloriam suam per resurrectio-  
nem à mortuis intrauit: Ita & nobis post  
crucem, si modo in fide Christi vsq; ad fi-  
nem perseuerauerimus, gloria expectanda  
est, iuxta illud Pauli Roman: 8. Si patimur  
cum illo, simul cum illo regnabimus. Vt  
enim ille sua diuina natura excitatus est,  
postquam ex infirmitate carnis est passus:  
Ita nos eadem sua diuina virtute olim ex-  
citabit & viuificabit, vt beati æternum  
cum illo regnemus. Hic sensus verborum  
Apostoli est, vnde patet, quòd carnis vo-  
cabulo humana natura Christi tota intel-  
ligatur: Sicuti spiritus appellatione eius-  
dem diuina natura. Nam vt secundum hu-  
manam naturam est passus: Ita ex poten-  
tia diuina est excitatus, quemadmodum  
Paulus docet 2. Corinth. 13. hisce verbis:  
Crucifixus est ex infirmitate, sed uiuit ex  
Dei potentia. Perperam igitur quidam  
spiritus nomen ad animam Christi refe-  
runt, contra apertum Pauli testimonium.  
An non plena est partitio, qua hic dicitur,  
Christus mortificatus carne, & viuificatus

I spiri-



EPIST. I.

spiritu? Significat ergo ne hîc Petrus Christum totum constare ex carne & spiritu? ubi animæ mentio, si spiritus nomen diuinitatem notat? Ad hoc suprâ responsum est, & nota est scripturæ phrasis, qua carnis nomine integer homo ex anima & corpore constans intelligatur. Si sic est, animam Christi mortuam fuisse fateris? Nequaquam, sed dolores mortis fuerunt communes corpori & animæ, adeò quidem ut anima propriè passa dicatur, sicut corpus propriè mortuum dicitur, anima ex ipso egressa.

In quo etiam spiritibus, qui sunt in carcere, profectus prædicauit, immorigeris olim cum semel expectabat Dei patientia in dieb. Noë, dum appararetur arca, in qua paucae, hoc est, octo animæ seruatae sunt, per aquam. Cui nunc respondens exemplar etiam nos saluat Baptisma, non sordium carnis depositio, sed  
con

conscie  
Deo,  
Christi  
profec  
bi ange  
tutibus.

Quia  
gumentis  
quibus p  
tumaciæ  
lationem  
biti in car  
stolus scr  
tempore  
hominib  
bo prædi  
reâ eorum  
cere extre  
suar cont  
Noë cum  
nes, & ve  
pterea p  
Arca, reg  
Ad eum  
spiritus



D. P E T R I.

conscientiæ bonę stipulatio cum  
Deo, per resurrectionem Iesu  
Christi, qui est in dextra Dei  
profectus in cœlum, subiectis si-  
bi angelis & potestatibus & uir-  
tutibus.

Quia maxima vis inest suasorijs ar-  
gumentis, quæ petuntur ab exemplis, in  
quibus præmia virtutum & supplicia con-  
tumaciæ referuntur: Petrus proponit col-  
lationem temporis Noë, & Christi exhi-  
biti in carne, seu temporis, quo hæc Apo-  
stolus scripserat. Quemadmodum itaq;  
tempore Noë spiritus Christi prædicauit  
hominibus, quorum pleriq; quidem ver-  
bo prædicato non crediderunt, & propte-  
reà eorum spiritus nunc detinentur in car-  
cere exteriorum tenebrarum, ubi luunt  
suæ contumaciæ pœnam. Alij verò vt  
Noë cum sua familia, hoc est, octo homi-  
nes, & verbo obtemperârunt, & sunt pro-  
ptereà per medias diluuij aquas seruati in  
Arca, reportantes suæ obedientiæ præmia:  
Ad eundem modum nunc idem Christi  
spiritus in Apostolis, & eorum successori-

I 2 bus



EPIST. I.

bus prædicat hominibus, quorum plerique prædicato verbo non obtemperant, pauci verò obtemperant. Verum ut illi non Euangelio obtemperantes, olim in diluuiio suorum peccatorum abfordebantur: Ita hi pauci, qui verbo Euangelij credunt, saluabuntur per Baptisma, quod est bonæ conscientiae cum Deo stipulatio, confirmata per resurrectionem Iesu Christi, cui omnia subiecta sunt. Cum igitur tristissimus sit futurus exitus impiorum, & foelicissimus piorum, sanctè & piè viuendum est, & cauendum est, ne propter præsentis crucis acerbitem abijciamus confessionem, aut languidiores reddamur ad benefaciendum. Haftenus simplicissimè argumentum Petri recitauimus, singula singulis conferendo, ut à quouis argumenti uis & ratio intelligi possit. Hanc interpretationem nostram faciliè probabit is, qui scopum Apostoli, & argumentorum seriem diligentius examinauerit, & perpenderit. Verum ne quid coactum videatur in nostra explicatione, verba Apostoli particulatim perpendamus.

In quo etiam, scilicet, spiritu. Spiritum hinc non significare animam Christi, sed Christi diuinitatem, ex superiori versu ap-

su appa  
quo C  
quem P  
definit.  
ante aff  
rit sanc  
Petrus r  
Christi  
Christi p  
am, Cur  
dicitur,  
quam p  
ma Chr  
tura, op  
ruram se  
Christi &  
test, quò  
Christi,  
uinæ na  
erim vi  
Deo me  
ctus, ut  
ac captui  
catur alc  
uenire, n  
guram  
qua De  
human



D. P E T R I.

su apparet. Loquitur enim de eo spiritu, quo Christus excitatus est ex mortuis, quem Paulus 2. Corinth. 13. potentiam Dei definit. Quod autem hoc spiritu Christus ante assumptam humanam naturam adfuerit sanctis Prophetis & prædicauerit, ipse Petrus testis est, qui suprà in primo capite Christi spiritum testatur prænucciasse Christi passionem, & consecuturam gloriam. Cum ergo Christus spiritu profectus dicitur, & prædicasse immorigeris, nequaquam potest intelligi de corpore aut anima Christi. Nam carni, id est, humanæ naturæ, opponit spiritum, id est, diuinam naturam seu Spiritum sanctum, qui spiritus Christi & Dei dicitur. Neq; offendere potest, quòd dicatur profectus esse spiritus Christi, quod non videtur conuenire diuinæ naturæ, quæ ubiq; præsens est. Est enim vsitata scripturæ phrasis, tribuere Deo membra, actiones humanas & affectus, vt ista ratione consulatur infirmitati ac captui nostro. Hinc est, quòd nunc dicatur ascendere, nunc descendere, nunc aduenire, nunc recedere, visitare &c. Hanc figuram vocant theologi ἀνθρωποπάθεια, qua Deo tribuuntur similitudine quadam humanæ affectiones & actiones. Sed qui-



EPIST. I.

bus profectus prædicauit ille Christi spiritus? τῶς ἐν Χιλακῇ πνεύμασι, hoc est, ἡς qui sunt in carcere, spiritibus. Qui autem vertunt, ἡς, qui erant in carcere, ac si iam ibi non essent, vim faciunt verbis Petri, & eorum sententia in ipso textu refellitur. Nam Petrus apertè affirmat, eos fuisse immorigeros prædicationi spiritus Christi. Quare eos manere in carcere manifestum est, iuxta hoc Christi dictum: Qui non credit, ira Dei manet super eum. Deinde, anthitesis temporis obseruanda est in his duobus membris, τῶς ἐν Χιλακῇ, ἀπαθήσασί ποτε, Ac si dicat Apostolus, ἡς prædicauit, qui olim fuerunt inobedientes, & nunc sunt in carcere, quantum ad animas attinet. Sed cur non dicit Petrus, spiritum Christi prædicasse hominibus? Quia Petrus sui seculi respectu loquitur, quando impiorum corpora putrefacta fuerunt, sed spiritus, hoc est, animæ in carcere tenebrarum detinebantur, ubi pœnas suæ contumaciæ luunt. Commodius igitur Apostolus spiritus dixit, quàm homines, vt proposita pœna, quam luunt spiritus impiorum, ad resipiscentiam homines inuitet.

Cum semel expectauit Dei patientia  
in

in diebus  
Quid qu  
alsignati  
prædica  
natur, q  
pñ mun  
tum & v  
habetur.  
nem spirit  
tiam, in d  
Christi p  
sunt libe  
dens arg  
sequens.  
Cui  
etiam nos  
luuñ, in q  
pñmi fu  
etiam no  
Christi n  
admodum  
quæso Ba  
minister v  
lus ait, sc  
uat, qu  
docet, h  
tione con  
di mode



# D. P E T R I.

in diebus Noë, dum appareretur Arca.  
Quid quæso clarius esse potest hac tēporis  
assignatione, quo spiritus Christi dicitur  
prædicasse imorigeris? Tēpus Noë nomi-  
natur, quādo patientia Dei expectauit im-  
pī mundi resipiscētiā annos ferè cen-  
tum & viginti, quemadmodum Genes. 6.  
habetur. Quicunq; autem ad prædicatio-  
nem spiritus Christi non egerunt poeniten-  
tiam, in diluuiō perierunt, & qui spiritui  
Christi prædicanti crediderunt, per arcam  
sunt liberati à diluuiō. Huc vsq; antece-  
dens argumenti extenditur, sequitur con-  
sequens.

Cui nunc correspondens exemplar  
etiam nos saluat baptisma. Aquam di-  
luuī, in quo ferebatur Arca, figuram Ba-  
ptismi fuisse pronunciat, qui Baptismus  
etiam nos hodie saluat, quando spiritui  
Christi nobis prædicanti credimus, quem-  
admodum Noë fecit. Sed quomodo  
quæso Baptismus saluat? Christus saluat,  
minister vērbi rectè docens saluat, vt Pau-  
lus ait, scribens Timotheo, Baptismus sal-  
uat, quemadmodum hīc Petrus apertè  
docet, hæc stare non possunt sine implica-  
tione contradictionis, nisi diuersos saluan-  
di modos intelligamus. Christus proinde

I 4 solus



# EPIST. I.

solus saluat, vt salutis autor & mediator, qui soluit λύτρον pro nobis, placat iram Dei, remittit peccatum, imputat credenti suam iusticiam, & acceprat eum ad vitam æternam. Hunc saluandi modum vel ministro verbi tribuere, vel baptisma- ti, summa est in filium Dei contumelia. Quomodo igitur saluat minister? vt salu- tis viam monstrans, non salutis autor aut effector. Ab hoc saluandi modo differt etiam baptismus. Nam baptismus saluat, vt pacti & fœderis Dei de salute hominis obsignatio & applicatio. Hæc tria vno uersu ad Ephes. 5. coniunguntur, vbi ita ait Apostolus: Christus dilexit Ecclesiam, & seipsum tradidit pro ea, vt eam sanctifica- ret, purgans lauacro aquæ per verbum. Hic Christo, lauacro aquæ, & verbo tri- buitur purgatio & sanctificatio, id est, ipsa salus; Christo vt auctori, lauacro aquæ vt efficaci testimonio fœderis de salute, & verbo, quo promissio salutis offertur, fide accipienda, quæ fides etiam saluare dici- tur, vt instrumentum recipiens oblatam gratiam & salutem. Quod autem relati- uum cui, ad aquam refero, & non ad ar- cam, cogit græca lectio, quæ iuxta emen- datiora exemplaria sic habet, ὡς ἀντίτυπον

©

Quæ e  
referri, d  
quod ty  
habet fig  
figuram,  
rem, vt c  
se autem  
cat ipsam  
ram, sed re  
dam seu ar  
pismi aqu  
nus est No  
aqua per  
re arca, ita  
sed media  
Porro, ne  
quam salu  
intendat,  
baptismi  
nem. Pri  
esse sordiu  
poris) dep  
est, non ell  
externæ so  
rent, ablu  
esse stipu  
Deo, per  
definitio,



D. P E T R I.

Ἐμᾶς ὁῶσα. Si enim ad arcam debuisset  
 referri, dixisset ἢ ἀντίτυπον (proprijssimè  
 quod typo respondet.) In scriptura duo  
 habet significata, ad Hebræos 9. significat  
 figuram, imagine sua aliquid præsignan-  
 tem, ut cum dicitur, sancta manufacta fuis-  
 se ἀντίτυπα verorum. At hoc loco signifi-  
 cat ipsam veritatem, prius typo figura-  
 tam, sed respondentem similitudine qua-  
 dam seu analogia typo seu figuræ, ut ba-  
 ptismi aqua responderet aquæ, in qua salua-  
 tus est Noë in arca. Quemadmodum enim  
 aqua per se non saluauit Noë, sed median-  
 te arca, ita aqua Baptismi per se non saluat,  
 sed mediante arca, hoc est, Christo Iesu.  
 Porro, ne quis in elementum aquæ, tan-  
 quam salutis causam efficacem, animum  
 intendat, addit Apostolus definitionem  
 baptismi per abnegationem & affirmatio-  
 nem. Primum enim dicit, baptismum non  
 esse sordium carnis (hoc est, humani cor-  
 poris) depositionem seu ablutionem, hoc  
 est, non esse destinatum baptismum, ut eo  
 externæ sordes, quæ in hominis carne hæ-  
 rent, abluantur. Deinde definit baptisma  
 esse stipulationem bonæ conscientiæ cum  
 Deo, per resurrectionem Iesu Christi. Hæc  
 definitio, ut rectè intelligatur, sacramento-

I 5 rum



EPIST. I.

rum ratio excutienda est, quod ut facilius fiat, proponam circumcisionem, quam omnes fatentur sacramentum esse, in cuius locum successit baptismus. Dominus Abrahamo fecit hanc promissionem: Ego ero Deus tuus, & seminis tui post te in sempiternum, hoc est, Ego te & semen tuum in gratiam recipio. Requirit deinde ab Abrahamo Dominus promissionis fidem & obedientiam, cum ait: Ambula coram me, & esto perfectus, id est (obtempera mihi, quod & fecit Abraham, paratus ad mandandum filium.) Hæc ergo se mutuò respiciunt, promissio & fides promissionis, à qua obedientia separari nequit. Sunt autem hæc duo velut pactio mutua inter se stipulantium, Dei scilicet promittentis gratiam, & Abrahami credentis promissioni. Ad huius pacti ratificationem & ob signationem mandatur circumcisio, quæ propterea dicebatur signum fœderis à Mose, à Paulo verò *σφραγίς*, id est, signaculum iusticiæ fidei. Huius fœderis testimonio conscientia Abrahami certificabatur, quasi autentico quodam sigillo, de gratia & favore Dei erga se. Ex his concluditur, quòd quatuor requirantur ad integram rationem sacramenti, videlicet promissio, fides respondens promissioni, mandatum Dei,



D. P E T R I.

Dei, & externa actio seu signum symboli-  
cum. Hæc cum ad Petri definitionem ac-  
commodantur, erit multò planior. Cum  
ergo dicit Petrus, baptismum esse stipula-  
tionem, id est, solennem pactiōem, quæ  
fit præcedente interrogatione & sequente  
responsione, significat promissionem salu-  
tis offerri in Baptismo, quam cum homo  
fide apprehendit, rata est pactio, quæ cer-  
tificatur per baptisma diuinitus institut-  
um, quod baptisma huius pactiōis testi-  
monium & sigillum est, adeo vt hominis  
conscientia iam tranquilla reddatur apud  
Deum, quem sibi reconciliatum statuit per  
resurrectionē Iesu Christi, id est, per victi-  
mā & obedientiā Christi, nā resurrectionis  
uoce σωκεν δοχικῶς tota Christi obediētia  
comprehenditur. Ex hac definitione Petri  
ortū esse existimo, q̄ in celebratione bap-  
tismi stipulandi forma seruetur. Nam facta  
interrogatione ad baptizandum, & data  
responsione à testib. baptismi, conferebatur  
sacramentū baptismus in promissionis cer-  
titudinem. Nam cum dicit minister bap-  
tismi : Ego baptizo te in nomine Patris, &  
Filij & Spiritus sancti, amen, sensus est : sti-  
pulatio est inter æternum Deum & te, vt  
ipse sit Deus tuus, & tu vicissim in illum  
vera fide recumbas, Hac igitur mersione  
stipu-



EPIST. I.

stipulationis mutuæ obſignaculo teſtificor  
& pronuncio, te à Deo propter Filium re-  
ceptum eſſe, vt ſpiritu eius ſanctificeris ad  
vitam æternam.

Porro, vt & pios conſoletur, & im-  
pïis, non agentibus pœnitentiam, terro-  
rem incutiat, ſubiungit: Qui ( Chriſtus )  
eſt in dextra Dei, hoc eſt, æqualis Deo pa-  
tri, proſectus in cœlum, ſubiectis ſibi an-  
gelis, poteſtatibus & virtutibus. Hic  
omnia Chriſto ſubijcit, vt ſignificet ipſum  
poſſe quos vult tueri ſaluareq; , & poſſe  
quos vult perdere. Qui, vt vult ſemper  
ſeruare credentes ſpiritu ſuo in prædica-  
tione Euangelij : Ita contumaces vult ſup-  
plicij æternis punire. Quod autem inter-  
ponit hic verus interpres: Diglutiens mor-  
tem, vt vitæ æternæ hæredes efficiamur.  
Eſſi nunc in græcis codicibus non eſt ſcri-  
ptum, tamen minimè ocioſum videtur.  
Significatur enim hiſ verbis, virtus reſur-  
rectionis, quæ eſt reſurrectio credentium  
ad immortalem & beatam vitam, quam  
Apoſtolus vult nos intueri, vt  
eius cogitatione retinea-  
mur in officio.

QVAR-



D. PETRI.

# QVARTVM CAPVT.

## SVMMA QVARTI CAPITIS.

**Q**Vemadmodum ad mortificationem carnis, vt piè & in dilectione viuant Christiani: Ita ad patienter ferendam crucem, modo ne vt malefici, sed vt Christiani patiantur, hortatur Apostolus.

## ORDO ET PARTES CA- PITIS QVARTI.

**P**artes huius cap: principales duę sunt, & vtraq; parænetica. In priori hortatur Apostolus ad mortificationem carnis, vt conuersi, renunciatis Ethnicis turpitudinibus, in pietate & caritate reliquum vitæ tempus degant. In posteriori hortatur ad patientiam sub cruce, idq; multis argumentis, iubetq; vt conuersi caueant, ne vt malefici fures & latrones patiantur, sed vt Christiani, spe futuræ gloriæ se erigentes.

EXE-



EPIST. I.  
EXEGESIS QVARTI  
CAPITIS, CVM OBSERVA-  
*tione doctrinarum.*

Cum igitur Christus passus  
sit carne, uos etiam eadem cogi-  
tatione armemini.

Dixit Apostolus in superiori capite,  
Christum mortificatum esse carne, & viui-  
ficatum spiritu: Nunc inde infert & ex-  
truit præsentem exhortationem, sumto ar-  
gumento non solum ab exemplo Christi,  
verum etiam à virtute mortis Christi.  
Virtus enim mortis Christi est, quæ facit  
vt nos quoq; moriamur peccato, id quod  
symbolo baptismi significatur, quemad-  
modum Paulus eleganter docet Rom: 6.  
vbi ita ait: An ignoratis, quòd quicunq;  
baptizati sumus in Christum Iesum, in  
mortem eius baptizati sumus? Vnà ergo  
sepulti sumus cum illo, per baptismum in  
mortem, vt quemadmodum Christus ex-  
citatus est à mortuis per gloriam Patris: sic  
& nos in nouitate vitæ ambulemus. Ar-  
mari eadem cogitatione, est induere ean-  
dem cogitationem, vt, quemadmodum  
Christus est passus carne, id est in humana  
natura,

natura, quæ  
etiam car-  
nem natur  
Notetur h  
firi, quæ  
ciscatur ex  
bis in bap  
in omnibu  
Christus pe  
bitat, ad E

Quo  
carne, d  
amplius  
num, sec  
reliquum  
uiuatur.

Ratio  
effectu mo  
hic mortifi  
ro, ita vt h  
cupiditates  
sed potius  
Passio eni  
tum,  
In Ca



D. P E T R I.

natura, quæ constat anima & corpore: Ita etiam carnem vestram, hoc est, viciositatem naturæ mortificare & abolere debetis. Notetur hoc loco, quòd mortificatio nostri, quæ in vera pœnitentia sita est, profiscatur ex virtute mortis Christi, quæ nobis in baptismo obsignatur, & est efficax in omnibus ijs, qui fidem habent. Nam Christus per fidem in cordibus nostris habitat, ad Ephes. 3.

Quoniam qui passus est in carne, destitit à peccato, ut non amplius cupiditatibus hominum, sed uoluntati Dei, quod reliquum est temporis in carne, uiuat.

Ratio exhortationis à definitione, seu effectu mortificationis. Definitur enim hîc mortificatio, quòd sit cessatio à peccato, ita ut homo non amplius uiuat iuxta cupiditates hominum non conuersorum, sed potius ex præscripto voluntatis Dei. Passio enim carnis, est abolitio cupiditatum.

In Carnis vocabulo figura est antanaclassis.



EPIST. I.

clasis. Priori enim loco pro viciositate naturæ accipitur, in posteriori pro præsentis, & infirmæ huius vitæ conditione & statu.

Porro, quia vocabulum carnis sæpe in scriptura occurrit, & non semper eadem significatione, placet hoc loco eius varia significata recensere.

Caro itaq; bifariam in scriptura accipitur. Aliàs enim propriè, aliàs figuratè ponitur. Propriè, caro est massa carnea seu substantia, vt cum Paulus dicit: alia caro piscium, alia volucrum. Item cum dicitur: Homo constat carne & anima. Figuratè, idq; nunc per Synecdochen, & significat hominem plerumq; vt cum dicitur: Omnis caro corruperat viam suam, & interdum quoduis animal, vt in hoc dicto: Finis vniuersæ carnis venit coram me. Verum cum Christi fit mentio, vt in hoc loco Petri, & in tertio capite, significat naturam humanam, quæ constat anima & corpore. Nunc per Metonymiam, idq; tripliciter. Primum enim viciositatem naturæ humanæ significat, seu quicquid est in homine sine regenerationis gratia, vt in his dictis Iohan. 3. Quod natum est ex carne, caro est, Roman. 8. Si vixeritis secundum carnem, morie-



D. P E T R I.

moriemini, Caro & sanguis regnum Dei non possidebunt. Deinde, notat externam rerum speciem, seu apparentiam, ut in illo dicto: Vos iudicatis secundum carnem. Tertiò, significat conditionem, & statum huius vitæ. Galat: 2. Quòd autem nunc viuo in carne, in fide viuo, quæ est in filium Dei. Item, hoc loco: Quòd reliquum est temporis in carne. His animaduersis significatis, facile est animaduvertere quòdnam significatum hoc in loco congruat.

Sat enim est nobis, quòd ante actò vitæ tempore, uoluntatem gentium patrauerimus in lasciuijs, concupiscentijs, uinolentijs, comestationibus, potationibus & nefarijs idolatrijs ambulantes.

Aetiologia est à vitæ genere sumta, per collationem. Gentes, id est, non renati homines feruntur, quòd mala libido suadet. Vos autem renunciaistis gentibus, & Christo nomina dedistis. Ergo posthac non decet, ut gentium vicijs polluamini. Enumerat autem Apostolus quædam carnis

K mem-



# EPIST. I.

membra exempli gratia, quæ omnia carnis nomine suprâ intellexit Apostolus.

Lasciuiâ ἀσέλγεια, facit vt deposito omni pudore, homo se totum omni incontinentiæ & libidini prostituat, indeq; summam voluptatem capiat.

Vinolentia, οἰνοφλυγία, est continua ebrietas seu eructatio, ex assiduo & immodico vini usu, qua laborant, qui perpetuis heluationibus indulgent.

Comessatio, κῶμος. Proprie κῶμος dicebatur Deus præses nocturnorum conuiuiorum, & saltationum lasciuarum. Vnde metonymicè significat conuiuium lasciuum, petulans & immoderatum. Ab hac græca voce ortum est latinum vocabulum, comessari, id est, lasciua conuiuia & nocturnas saltationes exercere, & comessatio nequitiae & intemperantiæ exercitatio.

Potatio πότος græcè, certamen potandi notat. Cum hæc vitia gentium esse Petrus pronunciat, satis ostendit, quod qui illis indulgeant, nondum sunt in familia Christi, nisi solo nomine. Nulla in illis virtus mortis Christi apparet, nullum imperium spiritus, imò toti imperio carnis se submittunt, in quorū numero vtinam non essent



D. P E T R I.

essent plerique illorum, qui alijs sobrietatis  
& continentiae regula esse deberent.

In quo peregrinantur, quod  
non concurratis uos in eandem  
luxus profusionem, blasphemantes,  
qui reddent rationem ei, qui  
paratus est iudicare uiuos &  
mortuos.

Amplificatio est impietatis gentium,  
& indicatio poenae, quam olim sustine-  
bunt prophanæ gentes, contemnentes Eu-  
angelium. Impietas quidem maxima est,  
quod postquam impij vident renatos pri-  
stinæ impietati, in cuius profusionem an-  
teà cum gentibus proruerant, renunciasse,  
tanquam peregrini, vt qui aliquid antea  
non visum contemplantur, admirantur, &  
simul de ijs malè loquuntur, varias oblo-  
quendi vias excogitantes, adeò nemo vel  
inculpatissimæ vitæ à Sicophantarum  
morsibus immunis esse potest. Poenæ in-  
dicatio est, quod prophanæ gentes reddi-  
turæ sint rationem ei, qui paratus est iudi-  
care viuos & mortuos. Viuos vocat, vt in  
symbolo Apostolico, eos quos viuos ad-

K 2 huc



EPIST. I.

huc Dominus ad iudicandum veniens, reperiet. Mortuos verò, qui antea mortui erant, sed tunc viui coram tribunali Christi apparebunt. Tametsi enim, qui in aduentu Domini adhuc erunt superstites, in momento commutabuntur, & induent immortalitatem, non tamen mori dici possunt, propterea quod animæ à corporibus non decedent.

Verbum peregrinandi, per Metalepsin ponitur, pro eo quod peregrinantibus in alienis regnis accidere solet. Ut enim illi pallacia, arces, portus, monumēta, aliaque non prius visa contemplantes, quasi res sibi insolens acciderit, admirantur: Ita prophanae gentes subitam admirabantur mutationem vitæ eorum, qui ad Christum conuersi erant. Antea enim nefarias idolatrias cum gentibus habuerunt communes, nunc verò easdem detestantur, & extreme abominantur. Antea habuerunt ipsos socios omnis lasciuiæ & nequitiae, nunc eosdem vident omnem lasciuiam & nequitiam auersari. Hanc cum vident subitam mutationē, tanquam in alienis regnis peregrinantes, admirantur abdītis conuitijs, quibus virtuti vitij larvam induunt. Proinde atq; nostro tempore fieri solet.

solet. Q  
uerus, à  
assuetus  
detur, &  
honesto  
nos scia  
ri, quicu  
Vocati et  
em, sed ac  
Paulus, et  
stri. Item  
autem lu  
ambulat

Na  
est præ  
iudicem  
homin  
secund  
Dixi  
eius iudi  
quod nor  
dicatum  
huc viue  
dit finem  
commo  
tur, inqu



D. P E T R I.

solet. Qui enim verè ad Dominum conuerfus, à crassioribus uitijs abstinet, quibus assuetus fuit olim, à veteribus socijs deridetur, & contemnitur, tanquam indignus honestorum hominum societate. Verùm nos sciamus eos frustrà de religione gloria-ri, quicunq; vitam in melius non mutant. Vocati enim sumus non ad immundici-em, sed ad sanctificationem. Hæc, inquit Paulus, est voluntas Dei, sanctificatio ve-stri. Item, Eratis aliquando tenebræ, nunc autem lux in Domino, tanquam filij lucis ambulate.

Nam, idcirco mortuis quoq; est prædicatum Euangelium, ut iudicentur quidem secundum homines in carne, uiuant autem secundum Deum in spiritu.

Dixit iudicandos esse mortuos, nunc eius iudicij rationem reddit, uidelicet, quòd non habeant quod obtendant. Prædicatum enim ipsis Euangelium, dum adhuc uiuerent, non omnes receperunt. Addit finem prædicati Euangelij, quem accommodat suo proposito: vt damnarentur, inquit, secundum homines, Carne, hoc

K 3 est,



# EPIST. I.

est, vt mortificaretur vetus homo in ipsis,  
& aboleretur corpus peccati, et uiuerent se-  
cundum Deum spiritu, hoc est, vt nouam  
vitam renunciantes vitijs, meditarentur.  
Hunc esse sensum huius loci, ipse contextus  
& scopus disputationis conuincit. Quod  
autem mortuis prædicatum fuisse Euan-  
gelium dicit, intelligendum est respectu  
temporis, quo Petrus hæc scripsit, quando  
mortui erant, quibus olim prædicatum  
fuit Euangelium.

Omniū autem finis immi-  
net.

Argumentum à temporis circumstan-  
tia ductum, quasi dicat: Cum prudentis  
sit, non tantum ea videre quæ ante pedes  
sunt, verum etiam ea quæ futura sunt pro-  
spicere, decet profectò, vt qui iudicis iram  
euadere volunt, maturè resipiscant, præser-  
tim, cum dies iudicij sit præ foribus. Hu-  
ius proinde temporis seu finis cogitatio,  
meritò in officio nos retinere deberet. Ex  
hoc enim fine sæpissimè à Prophetis suafo-  
ria ducuntur argumenta Ecclesiast. 11. Sanè  
si annis multis vixerit homo, & in omni-  
bus illis lætatus fuerit, meminisse debet te-  
nebro-

*Deut. 32. O si quid sciret non sciret*



## D. P E T R I.

nebroſi temporis, & dierum multorum,  
quia cum venerit vanitatis, arguentur præ-  
terita. Et Ieſus Syrach: In omnibus ope-  
ribus tuis memorare nouiſſima tua, & in  
æternum non peccabis. Debet itaq; finis,  
qui imminet, perpetuò nobis in conſpectu  
eſſe, vt nos à peccato reuocet, metu pœnæ:  
in bono detineat, ſpe promiſſionum: in  
aduerſis ſoletur, cogitatione gloriæ: in  
proſperis humiliet, cogitatione beatæ im-  
mortalitatis, cuius illi ſolummodo erunt  
participes, qui in timore Dei perſeuerant,  
hoc eſt, qui fidem & bonam conſcientiam  
uſq; ad finem retinent. Qui enim iſto pa-  
cto finem vitæ fecerint, habebunt Deum  
finem deſideriorum ſuorum, qui ſine fine  
videbitur, ſine ſaſtidio amabitur, ſine ſati-  
gatione laudabitur. Atq; tum demum  
complebitur canticum illud: Beati, qui  
habitant in domo tua Domine, in ſecula  
ſeculorum laudabunt te.

Sitis ergo ſobrii, & uigilan-  
tes ad orandum.

Ex ſine prædicati Euangelij infert  
Apoſtolus paræneſes quaſdam de nouita-  
te vitæ, & oſtendit quibus in rebus viuifi-

K 4 catiō



EPIST. I.

catio, quæ est altera significationis pars, sita est. Nam de mortificatione priore sanctificationis parte à principio capitis huc usque actum est. Quare, hic opportunè de viuificatione agit, quæ ex aduerso respondet mortificationi. Quantum enim vetus homo mortificatur, tantum nouus viuificatur & crescit. Coniungit autem hinc Apostolus tria, Sobrietatem, Vigilantiam, & Orationem. Sobrietas, si græcæ vocis vim respicis, ad mentem refertur, & ut Plato docet, opponitur *μαυρία*. Est enim prudentiæ quædam conseruatrici, quæ sita est in mentis, affectuum & voluntatis harmonia. Vigilantia, iuxta *ἐνυμω* græcum, opponitur ebrietati, & est corporis sobrietas, videlicet, cum corda non grauentur crapula & ebrietate. Requirit igitur Apostolus ad orationem cum mentis, tum corporis sobrietatem. Orationis vocabulo intellige quatuor illas formas, quas Paulus enumerat 1. Timoth; 2.

Ante omnia uerò caritatem, alij in alios, propensam habentes. Nam caritas operit multitudinem peccatorum.

Vt

Vt  
Deum re  
ris castit  
debemus  
tas, quæ  
nis, cum  
aut regit  
mutuor  
tuntur ad  
faciunt ve  
hic Petrus  
catis cora  
vim regen  
sed de hor  
trum laps  
gunt, & n  
nam vitari  
cti Petri, a  
dictum m  
odium &  
contrariæ  
ait: Odiur  
lita operit  
caritas del  
gendo; ne  
non auge  
& caritas  
lapis frat



# D. P E T R I.

Vt ad orationem & pietatem erga Deum requiritur cum mentis tum corporis castitas: Ita officiorum quæ proximis debemus fundamentum & caput est caritas, quæ est vinculum pacis & perfectionis, cum quia errata fratrum aut corrigit aut regit, tum quia officiorum effectrix est mutuum. Papistæ, qui hoc loco abutuntur ad stabilienda merita operum, vim faciunt verbis Petri. Non enim loquitur hic Petrus de abolendis seu tegendis peccatis coram Deo, quasi hominis caritas vim tegendi peccata coram Deo haberet: sed de hominibus agit, qui incidentes fratrum lapsus, & errata per caritatem tegunt, & non traducunt calumniosè alienam vitam. Hunc esse verum sensum dicti Petri, apparet ex Salomone, unde hoc dictum mutuatus est Apostolus. Nam ibi odium & caritas opponuntur, ut causæ contrariæ in contrariis effectibus. Ita enim ait: Odium suscitatur rixas, & vniuersa delicta operit caritas. Sed quomodo operit caritas delicta? Non defendendo, sed tegendo: non approbando, sed occultando: non augendo, sed curando. Breuiter, fides & caritas, quomodo agendum sit cum lapsis fratribus, satis docere possunt. Fides

K 5 auertit



EPIST. I.

auertit contumeliam Dei, caritas quærit  
salutem proximi.

Hospitales estote alij erga  
alios, sine murmurationibus.

Effecta quædam caritatis recitat, ac  
primo loco ponit hospitalitatem φιλοξενία,  
quæ propriè est humanitas, qua aman-  
ter peregrinos complectimur. Ab hac vult  
abesse murmurationem, vt quæ cum vera  
caritate pugnet.

Porro, cum hic locus hospitalitatem  
nobis commendat, non erit inutile huc as-  
scribere, quid sit de hospitalitate sentien-  
dum. Rectè numerantur quatuor hospita-  
litis genera, quorum Primum pompo-  
sum & splendidum est. Secundum, sordidum  
& auarum. Tertium, ciuile & ἡθικόν.  
Quartum, Christianum & sanctum.

Pomposum & splendidum est, de quo  
Cicero in officijs loquitur in hunc mo-  
dum: Rectè à Theophrasto laudata est  
hospitalitas. Est enim valde decorum pa-  
tere domos hominum illustrium, hospiti-  
bus illustribus. Hoc genus hospitalitatis  
Lactantius testatur detortum esse à vera iu-  
sticia, & raptum ad proprium commodū.

Sor-

Sor  
peregrin  
non tam  
ratem q  
pturi, fi  
tem ho  
vicio co  
necessariu  
auaritia,  
possunt.  
Ciuil  
& ἡθικόν  
qua aliæ  
excipium  
interposit  
nusquam  
tim in Leg  
norum &  
humanita  
dera inter  
priuati se  
citiam, qu  
hac ἡθικόν  
cum ait, q  
τὰ τε πέντε  
amanter  
tere, Qu  
hac ἡθικόν



D. P E T R I.

Sordidum & avarum est eorum, qui peregrinos quidem excipiunt hospitio, non tam spectantes peregrinorum necessitatem quàm proprium lucrum, non accepturi, si nulla spes lucri appareret. Etsi autem hospitalitatis hoc genus, hominum vicio contaminatur, tamen omnino est necessarium. Nam tamen huius causa est avaritia, tamen peregrini eo carere non possunt.

Ciuile & ἡθικὸν diuiditur in προξενία & ἰδιοξενία. προξενία est ea hospitalitas, qua aliæ gentes seu populi alios hospitio excipiunt, propter amicitiam seu fœdus interpositum. Huiusmodi hospitalitas nusquam non locorum vñitata est, præsertim in Legatis excipiendis. Sic Galli Danorum & vicissim Dani Gallorum legatos humaniter excipiunt, & amicè propter fœdera interposita, tractant. ἰδιοξενία est, qua priuati se inuicem excipiunt propter amicitiam, quæ inter eos est. Qualis autem hæc ἰδιοξενία esse debeat, docet Homerus cum ait, ἅνδρ' ἑνὸς παρ' ἑόντα φιλόφρονος. Id est, Oportet hospitem amanter tractare, volentem autem dimittere. Quàm autem diu sit grata à vulgo hæc ἰδιοξενία, ostendit Euripides in Hercule,



EPIST. I.

cule, cum ait: ὡς τὰ ξένων πρόσωπα φεύ-  
γασι οἱ λόγοι, ἐν ἡμῶν βλέμμα ἔχει φασὶ  
μόνον.

Christianum & sanctum hospitalita-  
tis genus est, quo Christiani peregrinos  
sanctos ex caritate excipiunt, eosque benignè  
& amanter communis religionis gratia  
complectuntur & fouent, tanquam mem-  
bra Christi. In hoc hospitalitatis genere  
spectentur causæ, partes, præmia sanctæ  
hospitalitatis, & poenæ contemptus sancto-  
rum hospitem.

Causæ sunt præcipuæ quatuor. Pri-  
ma, mandatum Dei, cui omnes creaturas  
obtemperare par est. Præceptum enim di-  
lectionis hospitalitatem, ut partem in se  
continet. Petrus hoc loco, dictante Spiri-  
tu sancto, hortatur nos, ut amanter com-  
plectamur hospites, eosque humaniter foue-  
amus. Epistola ad Hebræos capite 13. di-  
cit, Hospitalitatis ne sitis immemores. Se-  
cunda, est mutua caritas, qua Christiani  
omnes sibi inuicem deuincti sunt. Hæc ca-  
ritas cum proficiscatur ex fide sincera, bona  
conscientia & puro corde, non potest aliud  
quàm sanctos pauperes & exules amanter  
complecti & humaniter fouere. Hinc est,  
quod sanctæ viduæ, quæ sanctos hospitio  
exce-



D. P E T R I.

exceperunt, & eorum pedes lauerunt, dignæ iudicentur, vt recipiantur, & in suis necessitatibus alantur sumtibus Ecclesiæ. Tertia est conditio communis sanctorum. Nam cum sancti peregrini in hoc mundo sæpe suis pelluntur sedibus, opus habent mutua refocillatione. Nemo est, qui statuit Deum timere, præsertim si munus docendi in Ecclesia sustineat, qui certum potest sibi polliceri hospitium ad vitæ suæ terminum. Nam principes mutantur vt aura, & alij alias religiones sectantur, & pro libidine sæpe religiones mutant. Fit etiam interdum, quod pñ alioqui principes ab adulatoribus & sophistis decipiantur, vt piam causam tanquam impiam & contumeliosam aduersus Deum, persequantur. Vnde fit, vt pñ doctores & alij, qui cordatè tuentur veritatem, cogantur exulare cum miseris vxoribus & teneris pueris, noua sibi quærere hospitia, id quod habent commune cum sanctis Dei Prophetis, & Apostolis Domini. Quarta est necessitas, qua omnes pñ obstricti sunt ad fouenda & refocillanda membra Christi. Nam qui membrum Christi reiicit, quid Christo faceret, si coràm conspiceretur? Hæ causæ sunt satis graues, quæ nos ad humaniter exci-



# EPIST. I.

excipiendos sanctos inuitabunt, modo iure de Christiano nomine gaudere velimus.

Partes hospitalitatis, seu partes officij eorum, qui sanctos hospitio excipiunt, ex 18. & 19. capitibus Genesios, colligam. Domine, ait Abraham Genes. 18. si inueni gratiam in oculis tuis, ne transeas à seruo tuo, sed afferam pusillum aquæ & lauentur pedes vestri, & requiescite sub arbore, ponamq; buccellam panis, & confortetur cor vestrum, postea transibitis. Et capite 19. Genes: Et obuiam iuit ihs ( scilicet Lot ) & dixit, Obsecro domini, declinate in domum serui vestri, & manete ibi, lauate pedes vestros, & manè consurgetis & proficiscemini in viam vestram. Vterq; hoc est, & Abraham & Lot, suo facto docent tres partes esse officij pñ hospitis. Quarum Prima est, benigna & amica inuitatio peregrinorum. Secunda, humana tractatio & refocillatio defatigatorum itineris molestia. Tertia, pacifica dimissio hospitem, cum fausta imprecatione.

Præmia sanctæ hospitalitatis, hoc est, eorum qui ex vera pietate peregrinos fouent, hospitio exceptos, Matth: 10. Quicumq; iustum receperit, nomine iusti, mercedem

cedem iu  
intelligit  
die male  
brofius:  
gratia, v  
a præmij  
Vides qu  
spitio, dur  
Lorangelo  
ceperis hor  
et in hol  
fius in pa  
spes fui, &  
beneficio  
Raab cum  
piet tractau  
uit à morte  
spitio exce  
um piæ h  
fæus hosp  
postea defu  
uocauit. Q  
talitas, vt  
mercedem  
tiz, & rem  
Pozna  
tum grau  
non recipi



D. P E T R I.

cedem iusti accipiet. Psalm. 40. Beatus, qui intelligit super egenum & pauperem, in die malo liberabit eum Dominus. Ambrosius: Tanta est apud Deū hospitalitatis gratia, vt ne potus quidem aquæ frigidæ à præmijs remunerationis sit immunis. Vides quòd Abraham Deum recepit hospitio, dum hospites quærit: Vides quod Lot angelos recepit: vnde scis tu cum receperis hominem, suscipias Christum. Licet in hospite Christus sit, quia Christus in paupere est, sicut ipse ait: Hospes fui, & collegistis me. Loth hospitum beneficio liberatur ab incendio Sodomæ. Raab cum suis parcitur, eò quod hospites piè tractauerit & dimiserit. Helias excitauit à mortuis filium mulieris, quæ se hospitio exceperat. Mulier Sunamitis præmium piæ hospitalitatis accepit. Nam Helisæus hospes ei filium impetrauit, & ipsum postea defunctum miraculosè ad vitam reuocauit. Quid multis opus est? Pia hospitalitas, vt inquit Ambrosius, duplicem mercedem habet, videlicet, humanæ gratiæ, & remunerationis diuinæ.

Pœnæ contemptus sanctorum hospitum grauissimæ sunt, Matth: 10. Qui vos non recipit, me non recipit. Iacobi 2. Iudi-



EPIST. I.

Iudicium sine misericordia erit ei, qui misericordiae fuit expers. Ambrosius: Caueamus, ne, si nos duri ac negligentes fuerimus in recipiendis hospitibus, etiam nobis post huius uitae cursum sanctorum hospitia denegentur. Christus inter alia impietatis opera in extremo die exprobrabit impijs: Hospes eram, & non collegistis me,

Vt quisque accepit donum: ita alius in alium illud administrans, ut boni Oeconomi uarie gratiae Dei.

Hoc etiam caritatis est, dona quae quis habet, in aliorum commodum & utilitatem conuertere, cuius rei duplicem ponit rationem. Primam, Quia donum est, quicquid habes, datum in communem utilitatem. Secundam, Quia sumus Oeconomi, & non veri domini rerum, quae nobis traditae sunt.

Si quis loquitur, ut eloquia Dei ( loquatur ) Si quis ministrat, tanquam ex uiribus ( ministrat ) quas suppeditat Deus, ut  
in



D. PETRI.

in omnibus glorificetur Deus,  
per Iesum Christum, cui est glo-  
ria & imperium in secula seculo-  
rum, Amen.

Exempli causa quædam pauca offi-  
cia recitat, eaq; in administratione Eccle-  
siastica summè necessaria. Si quis, inquit,  
loquitur, id est, si quis docendi munus in  
Ecclesia sustinet, Loquatur ut eloquia Dei,  
hoc est, vt decet eum, qui legatum Dei  
agit, & ipsius Dei nomine verba facit,  
quod sanè fieri oportet in timore Dei, cum  
summa grauitate & reuerentia, vt in con-  
spectu Dei. Si quis ministrat, hoc est,  
Diaconum agit, faciat officium sedulo, vt  
in omnibus glorificetur Deus per Iesum  
Christum. Obseruetur diligentissimè,  
quò in omnibus officijs, quæ in hac vita  
præstamus alijs alijs, respiciendum sit, nem-  
pè vt glorificetur Deus. Quoniam autem  
Deus glorificari non potest, nisi officium  
sit legitimum, & fides in agente luceat, à  
qua caritas abesse non potest (nam hæc  
symbolum sanctorum est,) Sequitur in  
omni vocationis officio, requiri verbum  
de vocatione, fidem & caritatem, actio-

L num



## EPIST. I.

num regulas & finem, quæ est gloria Dei. Iustinus martyr pulcræ & vtilem regulam tradidit, cum inquit: *πρακτέον, πᾶν τὸ ἐν πίσει ὁρᾷ καὶ νόμῳ*. Hoc est, Agendum est, quicquid est secundum fidem, recta regula. Duo requirit in opere, videlicet fidem, à qua proficisci, & regulam ad quam exigi opus debet. Fidem intelligo & præcepti operis, & fiduciæ in Mediatorem. Nam vtrumq; necessariò requiritur, videlicet, vt & opus sit præceptum, & fiducia in Mediatorem præluceat. Nam quicquid non fit ex fide, peccatum est. Regula est, qua opus ad propriū & verum finem recta veluti linea dirigitur. Est autem finis proprius & verus, videlicet glorificare Deum per Iesum Christum, ad quem omnes actiones piorum, tanquam ad scopum, referri debent. Etsi autem sæpe multi fines intermedij sunt, ordinentur tamen ad hunc vltimum, idq; recta regula, vt nec hypocrisis desleetas, nec ignauia torpeas, nec *πολυπραγμοσύνη* subleas, sed vt sincero corde opus aggrediare, grauiter progrediare, & quietè agendo opus perficias in gloriam Dei.

Dilecti, ne peregrinemini ea,  
quæ



D. P E T R I.

quæ in uobis est exploratione  
per ignem, quæ ad experimen-  
tum uobis fit, ac si peregrinum  
uobis aliquid accideret.

Hortatur Apostolus ad patientiam  
sub cruce. Ne, inquit, peregrinemini, id  
est, ne perinde sitis attoniti, ut qui in rem  
aliquam incidunt, de qua nunquam cogi-  
tarunt. Figura est metalepsis, qua pro con-  
sequente antecedens ponitur. Crucem vo-  
cat πύρωσις, id est, explorationem, quæ per  
ignem fit. Quemadmodum enim aurum  
igne probatur: Ita fides hominis cruce ex-  
aminatur & exploratur, quò probatior  
euadat. De hac exploratione fidei in pri-  
mo capite suprâ copiosius à nobis dictum  
est.

Imo in hoc, quòd consortes  
estis afflictionum Christi, gau-  
dete, ut etiam in reuelatione glo-  
riæ eius gaudeatis exultantes.

Quemadmodum proposito fine cru-  
cis, qui est exploratio fidei nostræ, ad pati-  
entiam proximo versiculo est hortatus: Ita

L 2 hîc



EPIST. I.

hic consolatur pios sub cruce, ex eo quòd  
confortes reddantur afflictionum Christi.  
Nam ut Christus, qui caput nostrum est,  
varijs afflictionibus expositus in hac vita,  
tandem gloriose inde eluctatus est: Ita nos,  
qui cum illo societatem habemus in cruce,  
dum in hac vita versamur, olim gloriæ  
ipsius erimus participes. Hanc societatem  
nostri cum Christo cum in cruce tum in  
gloria figurat nobis Baptismus, & sacra  
Christi Cœna commendat.

Si probris afficimini in no-  
mine Christi, beati estis, quia ip-  
se gloriæ, & ipse Dei spiritus su-  
per uos requiescit.

Ratio exhortationis ad patientiam sub  
cruce ab euentu sumpta. Si probris affici-  
mini ob nomen aut confessionem Christi,  
beati estis. Quare probra patienter ferenda  
sunt. Opponit autem probris spiritum gra-  
tiæ, & spiritum Dei patris, quibus signifi-  
catur gloria & adoptio. Gloria quidem,  
qua Spiritus sanctus ornat fideles. Adop-  
tio verò, quam idem spiritus fidelibus  
oblignat in afflictionibus, quibus confor-  
mes imagini Dei redduntur. Huc illud Pau-

li: Si

li: Si au-  
rificabi-  
Po-  
quibus  
videlicet  
Sapien-  
examin-  
mus, id  
bris affli-  
uente,

Q  
attine  
uos au-

Pro-  
nem ill-  
rainus c-  
nis in cr-  
stinatio-  
ciant in-  
veltram  
tamen se-  
onis vol-  
existimo  
signa, t-  
cio imp-  
enter a-



D. P E T R I.

li: Si cum illo patimur, cum illo etiam glorificabimur.

Porro, duo modi sunt obseruandi, quibus filij Dei in hoc mundo exercentur, videlicet, opprobrium & cruciamentus. Sapient: 2. Contumelia & cruciatu eum examinemus. 1. Timoth: 4. In hoc laboramus, id est, persecutionem patimur, & probris afficimur, quia speramus in Deo uiuente.

Qui, quod ad illos quidem attinet, blasphematur, quod ad uos autem, glorificatur.

Prolepsis est. Anticipat enim obiectionem illorum, qui poterant dicere: nihil minus quam spiritum gloriæ & adoptionis in cruce apparere, & respondet per distinctionem, hoc sensu: Probris vos afficiant improbi quantum lubet, gloriam vestram & adoptionem aspernentur, vos tamen scitote illa probra gloriæ & adoptionis vobis esse testimonia. Etsi mundus existimet ea esse iræ diuinæ & reiectionis signa, tamen non sunt. Quare non iudicio improborum cedendum est, sed patienter acquiescendum est in Dei consilio,

L 3 cui



EPIST. I.

cui placet cruce eos hîc explorare, quos  
statuit olim glorificare.

Ne quis enim uestrum patia-  
tur, ut homicida aut fur, aut ma-  
leficus, aut tanquam alienorum  
inspector, sed si ut Christianus,  
non pudeat, imo glorificet  
Deum in hac parte.

Quid faciendum sit Christianis, mo-  
net, ne videlicet quis ob facinora sua mala  
plectetur. Verum si obtigerit afflictio ob  
Christi confessionem, patienter ferenda est,  
& non ut probrum, sed potius vt gloria &  
magnum decus filiorum Dei accipienda,  
quæ nos ad glorificandum Deum inuita-  
bit. Maleficus græcè κακοποιός in genere  
dicitur, qui studet alijs damna inferre quo-  
uis modo. In specie verò maleficus dicitur  
incantator siue magus, vnde maleficæ di-  
cuntur foeminae incantatrices, seu veneficæ.  
Alienorum inspector græcè ἄλλοτριεπί-  
σκοπος, hoc est, curiosus alienarum re-  
rum appetitor. Nam qui frequentius &  
curiosius res alienas inspicit, eas appetere  
videtur. Poterit vocabulum hoc etiam ad  
vitam

vitam et  
πῶς ide  
sua neg  
duplici

Q  
iudiciu

Rati  
fuma, De  
am suam,  
in hoc m  
patrem,  
eos in o  
quando  
uandum  
rum & fi  
ferunt ten  
castigant  
rumq; in  
ad extre  
mortuor  
nientur v  
poenis aff  
ma. Pl  
rum &  
entibus,  
plicantu



D. P E T R I.

uitam et actiones referri, ut ἄλλοτριεπισκο-  
πῶ idem sit, quod πολυπραγματικὸς, qui  
sua negligit, & aliena malignè obseruat,  
duplici nomine pœna dignus.

Quia tempus est, ut incipiat  
iudicium à domo Dei.

Ratio exhortationis à consilio Dei  
sumta. Deus suam domum, id est, Ecclesi-  
am suam, primum castigare constituit, idq;  
in hoc mundo. Imitatur enim Deus pium  
patrem, qui suos liberos ideo castigat, vt  
eos in officio retineat, ne degeneres ali-  
quando exhæreditare cogatur. Hic obser-  
uandum est discrimen inter crucem pio-  
rum & supplicia malignorum. Nam dif-  
ferunt tempore & loco. Pij enim primum  
castigantur, idq; in hac vita. Maligni ple-  
rumq; in hac vita fortunati videntur, &  
ad extremum vsq; in delitijs viuunt, sed  
mortuorū animæ cum diuite epulone pu-  
nientur vsq; ad iudicium, & postea æternis  
pœnis afficientur, & in corpore & in ani-  
ma. Plura discrimina inter crucem pio-  
rum & supplicia impiorum à causis effi-  
centibus, finalibus & effectis petita alibi ex-  
plicantur.

L 4 Quodd



EPIST. I.

Quòd si primum à nobis, quis  
erit finis eorum, qui non obtem-  
perant Dei Euangelio?

Ne fideles impiorum successu offensi,  
deficiant à confessione, admonet de suppli-  
cijs æternis, quæ olim ob sua scelera susti-  
nebunt impij.

Et si iustus uix seruatur, im-  
pius & peccator ubi compare-  
bit?

Argumentum à maiori ad minus. Iu-  
stus in hac vita varijs obiectus est malis,  
adeò vt difficilimè inter huius vitæ pro-  
cellas vitam traducere queat, idq; Dei con-  
silio & iusto iudicio fit. Quantò minus  
euadet impius æternas pœnas, qui in hac  
vita delitijs affluit. Atq; ita hoc Petri di-  
ctum ad præsentem vitam pertinet, quan-  
tum ad pios attinet. In hac enim vita vix  
vnus inter omnes pios inuenietur, qui non  
magnas difficultates sustineat. Nam quan-  
do corpus non affligitur, spiritus grauius  
carnis concupiscentijs exercetur, & varijs  
Satanæ artib. oppugnatur, aduersus quas  
difficultates Paulus armat Christianos ad  
Ephes. 6.

Itaq;



D. P E T R I.

Itaq̃, qui affliguntur secun-  
dum uoluntatem Dei, tanquam  
fideli conditori commendent  
animas suas in beneficentia.

Conclusio est exhortationis ad pati-  
entiam cum admonitione, vt pñ se totos  
Deo commendent, qui ita eorum ærum-  
nas moderabitur, vt exitus sit futurus læ-  
tissimus. Nam, cum ipse sit conditor no-  
ster fidelis, habebit profectò curam pro  
nobis, ne crucis acerbitate victi succumba-  
mus.

Q V I N T V M  
C A P V T.

S V M M A Q V I N T I  
C A P I T I S.

**Q**uemadmodum presbyteros & iu-  
niores ad debita præstanda officia  
hortatur Apostolus: Ita omnibus subie-  
ctionem & humilitatem commendat, mo-  
nens, vt Diabolo fortiter resistent, non  
fracti præsentis vitæ erumnis.

L 5 OR-



EPIST. I.  
ORDO ET PARTES CA-  
PITIS QVINTI.

**Q**Vatuor sunt huius capituli partes. Prima est hortatio ad presbyteros & iuniores. Vt enim presbyteros hortatur, vt fideliter suum gregem pascant, expectantes coronam, quam ipsis suo tempore pastorum princeps donaturus est: Ita iuniores monet, vt presbyteris subditi sint. Secunda, generalis est exhortatio ad subiectionem & humilitatem, & ne quis se contemptum fore nimia sui deiectione obijciat, iubet vt istam curam in Dominum reijciat. Tertia, grauissima est admonitio, vt pii inuicto animo se Diabolo opponant, & non frangantur animis, propter persecutionum fluctus. Quarta est indicatio scriptionis huius Epistolę, quam ideo se scripsisse affirmat, vt ipsos Christianos adhortaretur ad constantiam, & testificaretur, veram esse gratiam in qua starent. Huc addit salutationes, & fausta imprecatione claudit Epistolam.

EXEGESIS QVINTI  
CAPITIS, CVM OBSERVA-  
*tione doctrinarum.*

Pres=



D. P E T R I.

Presbyteros, qui inter uos sunt, hortor ego, qui simul sum presbyter, & testis afflictionum Christi, atq; idem gloriæ, quæ reuelabitur cōsors, pascite eum, qui apud uos est, gregem Dei, curam eius agentes, non coactè sed libenter : non turpis lucrì gratia, sed liberaliter : neq; ut dominantes gregi, sed ut sitis exemplaria gregis.

Hortatur presbyteros & omnes, qui sunt in Ecclesiastico senatu, vt gregem Christi sibi commissum fideliter pascant. Atq; hæc simplex adhortationis propositio est, quam primùm suo exemplo fulcit, dum se in presbyterorum ordinem includit, dum se testem afflictionum Christi testatur, dum se consortem gloriæ olim patefaciendæ profitetur. Idq; facit, vt alij secum ad vigilantiam in tam arduo officio excitentur. Deinde modum pascendi gregem Christi pulcherrima antithesi declarat. Vt enim vult procul ab Episcopis & pastoribus



EPIST. I.

bus abesse coactionem, turpis lucri affectationem, & dominandi in Ecclesia libidinem: Ita requirit, ut libenter & liberaliter, ut tanquam exemplaria gregis officium faciant. Hic locus aperte primatum Papæ, qui se successorem Petri iactat, evertit. Petrus se vnà cum alijs presbyterum agnoscit: sed Papa se caput Ecclesiæ esse gloriatur. Petrus pascit gregem Christi, & curam ipsius gerit: sed Papa à vero pabulo gregem Christi arcet. Petrus turpem quæstum prohibet, & illi aduersatur: Papa turpissimo meretricum lucro ditescit. Petrus non vult dominari cleris, id est, Ecclesijs Christi: sed Papa vendicat sibi vtrumque gladium. Petrus cum alijs subiectus est Ecclesiæ: sed Papa Imperatoribus & Regibus dominatur. Ex his facile apparet, quòd Papa nullo iure Petri successor dici possit.

Et cum apparuerit ille pastorum princeps, reportabitis immarcessibilem illam coronam gloriæ.

Proposito præmio, hortatur presbyteros ad diligentiam in officio. Coronæ  
nomen

nomen d  
Vnum e  
ministris  
enim cor  
Alterum  
rona fir e  
tum esse d  
Transferen  
tores Euan  
militent in  
carnem, sat  
Simi  
estote p  
Requ  
gapresbyte  
cendo occu  
disciplinar  
Omi  
iecti, hu  
ni.  
Hypo  
hortatur o  
natu quon  
se alijs sup  
non ad eu



D. P E T R I.

nomen de duobus admonet nos : quorum  
Vnum est certamen, quod non exiguum  
ministris verbi propositum est. Nemo  
enim coronatur, nisi qui legitime certauit.  
Alterum, quod post certamen gloriæ co-  
rona sit expectanda, vtrumq; incitamen-  
tum esse debet ad acrem in officio curam.  
Transferendum est quoq; ad ipsos audi-  
tores Euangelij, vt ipsi similiter strenue  
militent in hac spiritali militia aduersus  
carnem, satanam & mundum.

Similiter iuniores subiecti  
estote presbyteris.

Requirat ius analogum iuniorum er-  
ga presbyteros, quorum alij in verbo do-  
cendo occupantur, alij iuuentutis mores  
disciplina regebant.

Omnes autem alij alijs sub-  
iecti, humilitate intus ornemur  
ni.

Hypothesin ad thesin transfert, & ad-  
hortatur omnes, vt humilitate, veluti or-  
natu quodam interno, se ornent, & nemo  
se alijs superbe præferat. Hoc præceptum  
non ad euertendos ordines & gradus di-  
gnita-



EPIST. I.

gnitatum in politica, œconomica & ecclesiastica administratione pertinet, sed ad animorum affectionem, videlicet, vt nemo alterum superbè contemnat, sed potius vt consortem eiusdem hæreditatis foueat & complectatur. Vocabulum ἐγκομβώσαδε variè redditur, vetus interpres videtur legisse ἐγκολπόσαδε. Nam vertit insinuate. Erasmus, infixam habere. Esichius vertit σολίσσαδε, id est, oremini, quæ significatio hîc optimè quadrat.

Nam Deus superbis resistit,  
humilibus autem dat gratiam.

Ratio exhortationis à consequentibus contrariorum. Vt illud fugiendum est, quod iram Dei prouocat: Ita expetendum est, quod gratiam Dei conciliat. Sed vt superbîa iram Dei prouocat: Ita vera humilitas Dei gratiam conciliat & auget. Ergo illa fugienda, & hæc expetenda est. Notanda est emphasis vocabuli ἀντιτάσσει. Est enim militare verbum, quo significatur, quòd Deus tanquam ex aduerso contra superbos aciem instruat, cum contrà humiles in gratiam recipiat, & eorum defensionem suscipiat.

Humi-



D. P E T R I.

Humiliamini igitur sub po-  
tenti manu Dei, ut uos extollat  
in tempore.

Conclusiuncula adhortationis ad hu-  
militatem, & persistit in metaphora milita-  
ri. Omnes homines aciem veluti ex aduer-  
so, contra Deum instruunt, quos oppug-  
nat Deus, humiles quidem se sub ipsius po-  
tenti manu submittunt, quos etiam in su-  
am fidem & tutelam recipit, Superbi ve-  
rò ex aduerso arma mouentes, potenti ma-  
nu Dei prosternuntur & pereunt. Obser-  
uetur igitur hoc loco finis vtriusq̃, videli-  
cet humilitatis & superbiæ. Vt enim hu-  
militatis finis est gloria: Ita finis superbiæ  
est ignominia. Qui ergo sapit, tanquam pe-  
stem perniciosissimam fugiat superbiam,  
& tanquam matrem omnium virtutum  
amplectatur humilitatem.

Cum addit, Vt vos in tempore extol-  
lat, significat tempus huius vitæ humilia-  
tionis esse, sed secururam esse gloriam in  
resurrectione vitæ, idq̃ prorsus Christi ex-  
emplo, qui in hoc mundo humiliatus est  
vsq̃ ad mortem crucis, sed victa morte po-  
titur gloria,

Omnem



EPIST. I.

**Omnem curam uestram con-  
ſcientes in ipsum, quia illi cura  
est de uobis.**

Prolepsis est. Anticipat enim obiectionem, ne quis se contemptum iri nimia sui deiectione existimet, & iubet ut istam curam in Dominum reſciat. Huius dicti rationem subiſcit cum inquit : Quia illi cura est de uobis. Hic locus, ut commendat nobis prouidentiam Dei, qui suorum curam habet : Ita non adimit pijs sanctam curam, siue uocationis, siue salutis, sed ut, cum nostrum defectum sentimus, ad ipsum Deum precibus confugiamus. Nam cum Christus mandat, ut caueamus, uigilemus & oremus, requirit sane singularem curam salutis nostrae, & cum iubemur propria agere, sancta quaedam cura officij nostri postulatur.

**Sobrii estote & uigilate.**

Rursus ad sobrietatem & uigilantiam hortatur, alludens ad mandatum Christi : Vigilate & orate, ne grauentur corda uestra crapula & ebrietate. Cum iubet nos uigilare, uult ut non segnescamus in pietatis

tatis curi  
vult ut a  
stratager  
Breuiter  
aduersar  
Na  
abolus,  
obamb  
uoret.

Rati  
rudine. A  
quam qu  
Proinde  
ualibus  
opprimat  
leoni, ob  
sibi fame  
feruntur  
nem terre  
tio & sob  
Dominus  
tionem,  
sator noi  
Cui  
Mo



D. P E T R I.

tatis cursu, vult vt obseruemus excubias,  
vult vt attentī simus omni ex parte, vult  
stratagemata Satanæ prudenter caueamus.  
Breuiter, vult vt fide pugnemus aduersus  
aduersarium nostrum Diabolum.

Nam aduersarius uester Diabolus, tanquam Leo rugiens obambulat, quærens quem deuoret.

Ratio exhortationis à periculi magnitudine. Aduersarius noster Diabolus nunquam quiescit, sed in perpetuis est insidijs. Proinde vos sobrii sitis, & vigilate, spiritualibus armis instructi, ne vos incautos opprimat. Confertur autem hîc Diabolus leoni, ob ferociam in alia animantia, quæ sibi famelico & spoliato catulis obuiam feruntur. Verum, sicut galli cantus leonem terret & trepidare facit: ita pia precatio & sobria Diabolum abigit, atq; ideo Dominus ait: Orate, ne intretis in tentationem. Oratione itaq; tentator & aduersator noster Diabolus terretur & vincitur.

Cui resistite firmi per fidem.

Modum resistendi Diabolo tradit.

M Nam



# EPIST. I.

Nam fide omnia ipsius ignita tela extinguuntur. Hinc est, quod Ioannes ait: Hæc est victoria, quæ vincit mundum, fides vestra, quod sanè mirum non est, quia vt fides victorem Satanæ possidet; ita eiusdem potentia nititur. Resistemus autem Diabolo per fidem, quando ex fide imploramus defensionem à duce nostro Iesu Christo, qui est victor Diaboli.

Scientes easdem passiones, uestræ, quæ est in mundo, fraternitati impleri.

Quia Diabolus cruce Ecclesiam potissimum ad defectionem sollicitat, proponit exemplum totius Ecclesiæ, cuius cœtum fraternitatem appellat. Hæc fraternitas cum tota sit cruci subiecta, spe redemptionem expectans, debemus & nos similem patientiam præstare, qui volumus esse membra Ecclesiæ. Cum dicit easdem passiones impleri, significat eas quæ defunt passionibus Christi adimpleri. Nam vt Christus passus est in corpore suo: ita etiam in membris suis vult pati. Quare, tantisper deest aliquid passionibus Christi, donec vnum eius membrum superfuerit in mundo.

Hic

Hic  
mus, qua  
fensio Cl  
fraterna.  
tum Chr  
dispersu  
tur fratu  
naturalis,  
multo mag  
quirat san  
fraternitas  
rem in C  
fratrem I  
Ascendo:  
strum, Pe  
mur, cum  
diligimur,  
& olla de  
ritu mult  
tudine in  
mus & c  
castissimar  
mine coeli  
peperit, &  
sacramen  
& discip  
irrepreh  
præterea



# D. P E T R I.

Hic duo loci sunt obseruandi. Pri-  
mus, qualisnam esse debeat affectio & con-  
sensio Christianorum inter sese, nimirum  
fraterna. Siquidem Petrus hoc loco cœ-  
tum Christianorum per totum mundum  
dispersum, fraternitatem appellat. Si igitur  
fratrum iuxta carnem concordia est  
naturalis, vt quæ à lege naturæ requiratur,  
multò magis hæc spiritualis fraternitas re-  
quirit sanctam concordiam. Sed vnde illa  
fraternitas? Communem habemus pa-  
trem in Christo, communem habemus  
fratrem Iesum Christum. Sicut ipse ait:  
Ascendo ad patrem meum, & patrem ve-  
strum. Per hunc Iesum Christum adopta-  
mur, cum in eum credimus, & adoptati  
diligimur, quia sumus caro de carne eius,  
& ossa de ossibus eius. Huius Christi spi-  
ritu multò magis, quàm sanguinis necessi-  
tudine inter nos deuincti sumus. Habe-  
mus & communem matrem Ecclesiam,  
castissimam Christi sponsam, quæ nos è se-  
mine cœlesti & incorruptibili conceptos,  
peperit, & natos fouet, alit verbo, spiritu,  
sacramentis, & salutaribus monitionibus  
& disciplina gubernat, vt simus sancti &  
irreprehensibiles coram Deo. Habemus  
præterea communem hæreditatem in cœ-

M 2 lo, cu-



# EPIST. I.

lo, cuius erimus participes in omni æternitate, si modo ad finem vsq; constantes perstiterimus. Hanc fraternitatem turpiter seindunt, qui aut hæretica doctrina Ecclesiam vastant, aut odijs & simularibus schismata faciunt.

Secundus locus est de communi sorte totius Ecclesiæ, videlicet, quod propter societatem, quam habet cum Christo, in hoc mundo subiecta sit cruci. In hac cruce præcipuè spectanda sunt consilium Dei, necessitas, finis & euentus.

Consilium Dei est, quod velit omnia Christi membra capiti fore conformia, unde Paulus ad Rom:8. Quos præsciuit, eosdem & prædestinauit conformes fieri imaginì filij sui, vt is sit primogenitus inter multos fratres. Huc illud, quod suprà dixit: Iudiciu à domo Dei incipit. Item illud: Castigat omnem filium, quem recipit. Item, Omnes qui piè volunt viuere in Christo, persecutionem patientur.

Necessitas maxima est. Nam tanta est humanæ naturæ peruersitas, tanta ferocitas, vt in recto pietatis cursu contineri nequeat sine flagellis. Atq; hoc vult Dauid cum inquit: In camo & freno maxillas eorum constringe, qui non adproximant ad te. Cum



D. P E T R I.

te Cum hac necessitate vtilitatem coniun-  
go. Nam crux pñs est sancta quædam di-  
sciplina, iuxta illud Dauidis : Priusquam  
humiliarer ego erravi. Item: Bonum est mi-  
hi Domine quòd humiliasti me, vt disce-  
rem statuta tua.

Finis proinde crucis est, vt continea-  
mur in timore Dei, ne ferocientes abiicia-  
mus confessionem, vt sub cruce ingemisca-  
mus, cogitantes de iudicio & misericordia  
Dei. De iudicio quidem, quòd reliquias  
peccati in carne nostra paternè punit, vt  
corpus peccati eneruetur, quò plenum sit  
spiritus imperium. De misericordia ve-  
rò, qua nos castigat vt filios, ne contuma-  
ces effecti cum hoc mundo pereamus. Bre-  
uiter, vt exploratio fidei nostræ multò pre-  
ciosior exploratione auri comperiatur.

Euentus deniq; crucis sanctorum est  
summa & æterna consolatio. Beati, ait Do-  
minus, qui persecutionem patiuntur iusti-  
ciæ causa, quoniam ipsorum est regnum  
cœlorum. Item, Gaudete. & exultate, quo-  
niam merces vestra multa est in cœlis. Ab  
hoc lætissimo euentu potissimum petenda  
est consolatio sub cruce. Huc respexit Pau-  
lus, cum scriberet discipulo suo Timotheo:  
Memento Iesum Christum resurrexisse à

M 3 mor-



EPIST. I.

mortuis, quasi dicat: Quemadmodum  
Christus sibi viam ad gloriam cruce para-  
uit: Ita etiam nobis non contigit gloria,  
nisi per viam crucis. Nemo enim gloriam  
resurrectionis percipiet, nisi qui in hac vita  
acerbitatem gustauit.

Sed Deus omnis gratiæ, qui  
uocauit nos ad uitam æternam  
in Christo Iesu, paululum affli-  
ctos ipse uos perfectos reddat,  
confirmet, corroboret, stabiliat,  
ipsi gloria in secula seculorum,  
Amen.

Tempori breui æternitatem opponit,  
& afflictioni præsentī futuram gloriam,  
quemadmodum Paulus facit ad Rom: 8.  
Idē ideo fit, vt fortiori animo feramus  
præsentis vitæ momētaneam afflictionem,  
quam æterna sequitur gloria, qua hæc bre-  
uis ignominia compensatur. Votum,  
quod addit, significat principium, medi-  
um & consummationem salutis nostræ  
opus Dei esse. Par igitur est vt perpetuò  
nos Deo, tanquam fidelissimo medico,  
subijciamus. Hæc summa est huius peri-  
copæ,

copæ.  
mus. N  
na & co

Pr  
esse om  
lus est fo  
terno at  
um, om  
Hic omni  
stabilitur  
Fieri enī  
pendeat  
Immota  
ii. Quo  
ribus, ali  
fin ex op  
quin op  
connexi  
stini dic  
quæ est

Sec  
est, fauo  
effectus  
nam su  
tria ap  
catio,  
gloriæ



D. P E T R I.

copæ. Iam singula penitus introspectamus. Nam in hac pericopa multæ doctrinæ & consolationes continentur.

Primum itaq; hîc prædicatur Deus esse omnis gratiæ autor. Nam, ut ipse solus est fons gratiæ: Ita solus eam gratis paterno affectu confert, iuxta decretum suum, omnibus ad ipsum confugientibus. Hîc omnia humana merita euertuntur, & stabilitur gratuita salus & reconciliatio. Fieri enim non potest, ut quod est gratiæ, pendeat est operibus nostris aut meritis. Immota enim ex Pauli consecutio Rom. ii. Quod si per gratiam, iam non ex operibus, alioquin gratia non est iam gratia, si ex operibus, iam non est gratia, alioquin opus iam non est opus. Cum hac connexionione Pauli pulcrè congruit Augustini dictum: Gratia est nullo modo, nisi quæ est gratuita omni modo.

Secundò, additur huius gratiæ, hoc est, fauoris Dei & beneuolentiæ gratitiæ effectus. Qui vocauit nos, inquit, ad æternam suam gloriam in Christo Iesu. Hîc tria aptissimè coniunguntur, nempe, vocatio, gloria ad quam vocamur, & via gloriæ.

M 4

Voca-



# EPIST. I.

Vocatio est vniuersalis, & fit per prædicationem Euangelij. Nam cum Deus ministerio præconum verbi nos vocat, intus suo spiritu corda hominum tangit, vt assentiantur & credant verbo. Nam hæc est ordinaria administratio regni Christi, quod velit verbum suum sonare, & velit in verbo efficax esse. Quod si autem verbum non recipiatur ab homine, non Deo imputandum est, sed hominis culpæ, qui se verbo opponit, & Spiritui sancto resistit proteruè.

Gloria ad quam vocantur, est fruitio Dei in omni æternitate, & opponitur ignominia Diabolorum & omnium damnatorum, quæ ignominia iustissima pœna est peccati. Hanc sanè ignominiam nemo effugiet, nisi qui vocanti Deo obtemperauerit. Quod autem hanc gloriam æternam fore dicit, eò pertinet, vt præsentibus ærumnis & temporali afflictioni opponamus infinitam gloriam, & quoties in hac vita aliquo malo premimur, consolationem ex huius gloriæ cogitatione petamus, sed hoc argumentum tractat Paulus copiosè ad Rom. 8.

Via ad gloriam est Iesus Christus, ideò  
sub-

subiecti,  
mini per  
ta. Scrip  
gis obedi  
que glori  
nus: Si  
data, Et  
eis, Hoc  
dum est, C  
nequit. V  
non habe  
dum, ad q  
ipsam leg  
modo aut  
bis: Chri  
mini creden  
eos, qui ea  
tam ingred  
minus ho  
villa legis  
ciolitas,  
stus, vt iust  
nobis cred  
consequan  
nobis leg  
sticia, ade  
riam.  
Cum



D. P E T R I.

subiecit, In Christo Iesu. Huc dictum Domini pertinet: Ego sum via, veritas & vita. Scriptura testatur iusticiam, id est, legis obedientiam, esse viam ad uitam, adeoque gloriam æternam. Ita enim ait Dominus: Si vis ad vitam ingredi, serua mandata. Et Moses ait: Qui fecerit ea, viuet in eis. Hoc esse verissimum omnino fatendum est. Christus enim mentiri aut fallere nequit. Verum quia hanc iusticiam ipsi non habemus, venit Christus in mundum, ad quem confugiendum est, vt hanc ipsam legis iusticiam consequamur. Quomodo autem id fiat, docet Paulus his verbis: Christus est finis legis in iusticiam omni credenti. Finis ergo legis est iustificare eos, qui eam obseruant, quò iustificati vitam ingrediantur & gloriam. Verum quominus hoc assequatur lex, non impedit vlla legis impotentia, sed nostræ carnis viciositas, cui ita demum medetur Christus, vt iusticia legis, quam ipse fecit, gratis nobis credentibus imputata, finem legis consequamur, qui Christus, quoniam pro nobis legem impleuit, factus est nobis iusticia, adeoque via ad vitam & æternam gloriam.

Cum addit, Paululum afflictos, idem

M 5 docet,



EPIST. I.

docet, quod Paulus cum ait, afflictiones huius vitæ non sunt condignæ ad futuram gloriam, quæ nobis reuelabitur. Hæc proinde collatio præsentium ærumnarum & æternæ gloriæ nos in quibusuis ærumnis & calamitatibus erigere debet.

Cum subiungit, Ipse vos absolutos reddat, confirmet, corroboret &c. significat quanta sit nostra imbecillitas in ferenda cruce, & quod oporteat ad hunc Deum precibus confugere, ut opus quod in nobis incepit, ipse ad consummationem perducatur.

Claudat votum doxologia, cum inquit, Gloria & imperium in secula seculorum, Amen. Hic notemus, quod quoties in mentionem beneficiorum Dei inciderimus, ut erumpamus in gratiarum actionem, qua agnoscimus beneficia Dei, qua palam confitemur largitorem, quæque gratitudinem reddimus Deo per Iesum Christum.

Per Syluanum uobis fidelem fratrem (ut arbitror) paucis scripsi, adhortans uos & testificans, hanc esse ueram gratiam, in qua statis.

Cur

Cu  
Iudeis  
duas po  
ut ad h  
nem spi  
digna,  
mundo.  
testimon  
rent, ho  
CHRIS  
cerant.  
Hir  
uerent c  
li, qui d  
trinam  
Circumc  
rursus, q  
verum  
controu  
veram e  
nam, qua  
mur, no  
conscienc  
rietate t  
tidant.  
Sal



D. P E T R I.

Cur hanc Epistolam Petrus dispersis Iudæis scripserit, breuissimè ostendit, & duas potissimum causas adfert. Vnam, vt adhortaretur Iudæos ad sanctificationem spiritus, & ad alia officia Christianis digna, consolareturq; pressos cruce in hoc mundo. Alterum, vt suo comprobaret testimonio veram esse gratiam in qua starent, hoc est, verum esse Euangelium CHRISTI, quod à Paulo & alijs didicerant.

Hinc apparet, quòd fuerint, qui mouerent quæstionem de doctrina Euangelij, qui de Petro gloriarentur, & Pauli doctrinam aspernarentur, propter abolitam Circumcisionem & ritus Mosaicos. Et rursus, qui Paulum tuerentur tanquam verum Apostolum Iesu Christi. Huic controuersie occurrit Petrus, & testatur veram esse & sinceram Euangelij doctrinam, quam didicerant. Hinc nos mone-mur, nostra comprobatione confirmare conscientias rectè doctas, ne opinionum varietate turbentur, atq; ita rursus gratia excidant.

Salutat uos ea, quæ est Baby-lone



EPIST. I.

Ione uobiscum electa Ecclesia, &  
Marcus filius meus.

Papistæ, qui Babylonem Romam interpretantur, nullo fundamento nituntur. Quare illorum commentum repudio, & Babylonem propriè accipio pro illa celebri Assyriæ vrbe primæ Monarchiæ metropoli, vbi Petrus Iudæos docuit & alios. Dicitur autem Ecclesia electa, respectu prophanorum hominum, qui Satanæ obsequuntur, & quia est singulare peculium Dei, quo maxime delectatur.

Salutate alij alios caritatis osculo.

Osculum ab inferiori exhibitum reuerentiæ & obedientiæ, à pari concordiæ ac mutui amoris symbolum est. Paulus addit sanctum, vt opponatur impudico osculo, quod suauium appellant.

Pax uobis omnibus, qui estis in Iesu Christo.

Clausula faustæ imprecationis est, quæ summam beneficiorum Christi erga Ecclesiam vno pacis nomine complectitur.  
Est

Est enim p  
bonum h  
Dei & ho  
hominem  
minis ver  
tiam, & p  
dinem in t

ARG  
IN P  
DI

Hæc po  
quam  
scripsit, tota  
Primum, ad  
constantian  
sanctificatio  
cum videret  
torum mor  
prospiceret  
Christianæ  
uocaturi, si  
lis, quantu  
re, ne vel n



D. P E T R I.

Est enim pax hominis cum Deo, summum bonum hominis, & est mutuus consensus Dei & hominis: Dei quidem recipientis hominem in gratiam propter filium: Hominis verò fide accipientis oblatam gratiam, & promittentis in posterum gratitudinem in tota vita.

ARGVMENTVM  
IN POSTERIOREM

DIVI PETRI EPI-  
STOLAM.

**H**Aec posterior diui Petri Epistola, quam iam senex & mortis vicinus scripsit, tota parænetica est. Hortatur enim Primum, ad sanctificationem. Deinde, ad constantiam de doctrinæ certitudine, quæ sanctificationis fundamentum est. Nam, cum videret pius animarum pastor multorum mores emendatione indigere, & prospiceret multos fore, qui religionis Christianæ dogmata in dubium essent reuocaturi, sui muneris esse putauit istis malis, quantum quidem fieri potuit, occurrere, ne vel morum vicio, vel doctrinæ corrupte-

4  
10



EPIST. II.

ruptelis, post suam mortem Ecclesia Christi ex gentibus collecta vastaretur. Hæc de argumento, occasione & fine huius Epistolæ sint dicta. Iam de tractationis methodo nonnulla adiiciemus.

Post Epigrapham piissimum votum subiungit, videlicet, ut ipsis gentibus multiplicetur gratia Dei & pax, id quod per cognitionem Iesu Christi. Huius cognitionis finem cum diceret esse sanctificationem nostri, opportunè inde primam exhortationem infert ad sanctificationem, cuius fructum pulcherrima gradatione describit. Hæc sanctificatio, cum non solum quantum quisque in cognitione Christi profecerit ostendit, verum etiam ea tanquam fundamento nititur, inde ad exhortationem secundam transit, nimirum, ut gentes ad Deum conuersæ, studeant suos animos ita doctrinæ certitudine confirmare, ne subintroeuntibus aliquando seductoribus, confessionem abiciant. Nam quemadmodum in populo Dei olim fuerunt pseudoprophetæ: Ita prædicit fore, ut Ecclesia non sit futura immunis à falsis doctoribus, verum, ut diligentius sibi caueant fideles, proponit Apostolus tum impietatis poenam, tum pietatis præmium. Præ-

terea,

terea, quia  
Christiani  
preterea quod  
um differr  
tandem Ep  
repetitione

PR  
C

SV

VT ad  
constan

ORDO  
P I

Huius  
Huarur  
da, salutio  
ratione  
tio ad sancti  
tio ad con  
na Christia  
ratio suis c  
ac munitur



D. P E T R I

terea, quia multi eo tempore, religionem Christianam in dubium vocabant, propterea quòd aduentus Domini ad iudicium differretur, istum errorem confutat. Ac tandem Epistolam exhortationis vtriusq; repetitione claudit.

P R I M V M  
C A P V T.

S V M M A P R I M I  
C A P I T I S.

**V**T ad sanctificationem vitæ: ita ad constantiam in doctrina hortatur.

O R D O E T P A R T E S C A  
P I T I S P R I M I.

**H**uius capitis sunt quatuor partes, quarum Prima est epigrapha. Secunda, salutatio seu votum, seu fausta imprecatio ratione amplificata. Tertia, exhortatio ad sanctificationem. Quarta, exhortatio ad confirmandos animos de doctrinæ Christianæ certitudine. Vtraq; exhortatio suis quibusdam rationibus fulcitur ac munitur,

EXE-



EPIST. II.  
EXEGESIS PRIMI CA-  
PITIS, CVM OBSERVA-  
*tione doctrinarum.*

Simon Petrus seruus & Apo-  
stolus Iesu Christi Ihs, qui æquè  
preciosam nobiscum sortiti sunt  
fidem, in iusticia Dei nostri &  
saluatoris Iesu Christi.

Hæc Epigrapha & autorem scriptio-  
nis indicat, & quibus nam sit scripta hæc  
Epistola ostendit. Autor scriptionis est  
Petrus Apostolus. De quo vide ea, quæ  
in priori eius Epistola annotauimus. Illi  
autem, quibus scribit Apostolus, sunt gen-  
tes ad fidem Christi conuersæ, quas pul-  
cerrima periphrasi designat, cum ait: Qui  
æquè preciosam seu æqualem dignitate  
nobiscum sortiti sunt fidem in iusticia &c.  
Hæc collatio Iudæorum & Gentium est,  
quorum fidem pronunciat æquè precio-  
sam, Idq; in iusticia Dei nostri & saluatoris  
Iesu Christi, hoc est, sortiti sunt fidem, qua  
iusti sunt, idq; non sua, sed Christi saluato-  
ris iusticia. Nam iusticia, quæ Christi pro-  
pria

pria est  
damna  
Huc illi  
legis, in  
omnis  
rit, nen  
posira e

Ob  
tionem  
fidem in  
ciosam  
mensur  
dum est  
uatoris,  
quo imp  
buit & fi  
preciosa  
qualem  
stre testi  
hic & D  
cum vn  
necesse e  
m p&e&h

G  
plicet



D. P E T R I.

pria est, credentibus imputatur, vt Legis damnatoriæ sententiæ non subijciantur. Huc illud Pauli pertinet : Christus est finis legis, in iusticiam omni credenti, hoc est, omnis qui credit, habet quod Lex requirit, nempe iusticiam, cui vita æterna proposita est.

Obserua primum hoc loco exæquationem Iudæorum & Gentium. Deinde, fidem in omnibus credentibus æquè preciosam esse, quod quidem non ad fidei mensuram, sed ad eius subiectum referendum est, videlicet, ad iusticiam Christi saluatoris, quæ omnibus credentibus ex æquo imputatur. Fidem habuit Iairus, habuit & fidem Syrophœnissa, æquè quidem preciosam vterq; sed mensuram non æqualem. Tertiò obseruetur hoc loco illustre testimonium diuinitatis Christi, qui hîc & Deus noster, & saluator dicitur. Nam cum vnicus sit articulus in græco textu, necesse est, vt coniunctim hæc legantur, τὸ θεὸς ἡμῶν καὶ σωτὴρ ὁ ἰησοῦς χριστός.

Gratia vobis & pax multiplicetur, per agnitionem Dei &

N Domi-



## EPIST. II.

## Domini nostri Iesu Christi.

Vt in epistolis fieri solet, orditur Apostolus à salutatione, & optat ihs, quibus scribit, gratiam & pacem, id est per agnitionem Dei & Iesu Christi domini nostri. Hoc votum duo continet. Primum, quænam sit summa beneficiorum Euangelij ostendit, videlicet, gratia & pax à Deo per Iesum Christum. Alterum, quod ista beneficia contingant per agnitionem Iesu Christi. Nam, qui non credit in Filium, ira Dei manet super eum.

Quod omnia nobis diuina eius potentia, quæ ad uitam & pietatem requiruntur, donaue- rit, per cognitionem eius, qui nos uocauit per gloriam & uirtutem.

Voti confirmatio ex antea præstitis beneficijs. Christus diuina sua potentia iam largitus est nobis, quæ ad uitam & pietatem requiruntur. Ideo bonam spem habeo, ut idem eadem bona multiplicet & augeat. Est enim optima consequentia ab  
incoa-

incoatione  
Dei, Na

Aug  
Quædam  
per loca,  
non autem  
tempora, i  
est Deus, c  
pora mut  
Christus c  
agnitione  
Dei patri  
mur. Qu  
& patrem  
nis addit c  
tutem, Q  
tem intell  
in hoc ip  
intelligen  
te, sed de  
sus suæ gl  
ra ad ipsu  
us dilectu  
audite. E  
virtutibu  
ciendam  
virtutem



D. P E T R I.

incoatione ad perfectionem in operibus  
Dei. Nam Deus est immutabilis.

Augustinus ponit tres rerum ordines.  
Quædam res mutantur per tempora &  
per loca, quædam per tempora tantum,  
non autem per loca, quædam neq; per  
tempora, neq; per loca. In tertio ordine  
est Deus, qui neq; per loca neq; per tem-  
pora mutatur. Quomodo autem hæc  
Christus donauerit, explicat cum ait: Per  
agnitionem illius, qui vocauit nos, id est,  
Dei patris, ad quem per Christum duci-  
mur. Qui videt me, ait Dominus, videt  
& patrem meum. Porro, modum vocatio-  
nis addit cum inquit: Per gloriam & vir-  
tutem. Quam autem gloriam & virtu-  
tem intelligat Apostolus, explicatur infrà  
in hoc ipso capite. Nequaquam sunt hæc  
intelligenda de gloria & hominum virtu-  
te, sed de Christi gloria & virtute. Chri-  
stus suæ gloriæ accepit testimonium, dela-  
ta ad ipsum patris voce: Hic est Filius me-  
us dilectus, per quem placatus sum, hunc  
audite. Hæc gloria se in Christo multis  
virtutibus & stupendis miraculis conspi-  
ciendam præbuit. Per hanc gloriam &  
virtutem sumus vocati, Quia per ea diui-

N 2 nitas



EPIST. II.

nitatis Christi, officium eiusdem, & Euāgelij certitudo obſignata ſunt. Qui in gloriam & virtutem vertunt, non tam quid Apoſtolus dicat, quā quod iſtis videatur ſequuntur. Totus enim contextus atq; verborum vis, meæ ſuffragatur interpretationi.

Cæterum, hæc pericopa multa continet. Primum enim teſtimonium habet de Chriſti diuinitate. Deinde oſtendit, quod à Chriſto nobis omnia, quæ ad vitam & pietatem requiruntur, donentur. Tertio monſtrat, quò nos ſuo verbo ducat Chriſtus, nempe ad ſuum Patrem, vt illum agnoſcamus. Hæc, inquit, eſt vita æterna, vt te agnoſcant verum Deum, & quem miſiſti Ieſum Chriſtum. Quarto indicat, quod hæc ductio ad Patrem, fiat per prædicationem Euangelij, quæ gloriam & virtutem Chriſti nobis conſpicienda proponit.

Per quæ maxima nobis & preſcioſa donata ſunt promiſſa, ut per hæc fieretis diuinæ conſortes naturæ, ubi refugeritis à

cor=



D. P E T R I.

corruptione, quæ in mundo est  
per concupiscentiam.

Dixit eos, quibus scribit, vocatos per  
gloriam & virtutem Christi. Iam exponit  
quid vocatis per gloriam & virtutem  
Christi donatum sit, nimirum, sanctifica-  
tionis spiritus, cuius præsentî virtute re-  
generamur & sanctificamur. Nam, quòd  
dicit, eos fieri consortes diuinæ naturæ,  
vbi aufugerint à concupiscentia munda-  
na, periphrasis est regenerationis seu san-  
ctificationis. Cuius partes duas hîc facit,  
videlicet fugam mûdanæ concupiscentiæ,  
& participationem diuinæ naturæ, hoc est,  
viuificationem, quæ fit virtute spiritus  
Christi, habitantis in nobis. Obseruan-  
dum autem est, quòd Petrus disertè loqua-  
tur de dono, quod Paulus à gratia distin-  
guît ad Romanos 5. vbi in hunc modum  
loquitur: Gratia Dei & donum per gra-  
tiam erga vnum hominem Iesum Chri-  
stum, in multos superabundauit. Hîc Pau-  
lus duas res complectitur, videlicet grati-  
am & donum. Gratia est gratuita remis-  
sio peccatorum, & acceptatio personæ co-  
ram Deo. Donum est diuina præsentia in  
nobis, ex qua concipitur plena consolatio,

N 3 quia



EPIST. II.

quia incoatur æterna vita per sanctificationem nostri. Hæc duo testatur Paulus nos habere, non ex nostris meritis, sed ex Christi gratia.

Obseruanda est hîc metonymia vltimissima in scripturis, qua causæ nomen effectui tribuitur. Vocat enim hîc diuinam naturam, id quod efficit diuina præsentia in nobis, id est, conformitatem nostri cum Deo, seu imaginem Dei, quæ in nobis reformatur per diuinam præsentiam in nobis. Hic ergo scopus est prædicationis Euangelij, vt paulatim conformes Deo reddamur, & trāsformemur ad imaginem eius, quantum quidem modulus noster ferre potest. Qui igitur peccatis & mundanis concupiscentijs indulget, non sine contumelia Dei, de Euangelio gloriatur.

Atq; in hoc ipsum omne studium applicantes subministrate in fide uestra uirtutem, in uirtute autem scientiam, in scientia uerò temperantiam, in temperantia autem patientiam, in pa-  
tientia

tientia  
autem  
fraterni

Hæ  
stolus ex  
ctification  
quit, omni  
renunziat  
damini d  
des suos  
sunt, vir  
proponi  
honestos  
Scientia  
tis) Tem  
bi & pot  
tientia se  
sub me  
num, ne  
ciamus.)  
rantia, v  
amor (h  
mesticos  
os hom  
complex  
fructus



D. P E T R I.

scientia uerò pietatem, in pietate  
autem fraternum amorem, in  
fraterno uerò amore caritatem.

Hæc prior exhortatio est, qua Apo-  
stolus exhortatur gentes conuersas, ut san-  
ctificationi studeant. Ad hoc ipsum, in-  
quit, omne studium applicantes, scilicet, ut  
renunciatis concupiscentiis, consortes red-  
damini diuinæ naturæ. Quod cum fit, fi-  
des suos germanos fructus profert, qui  
sunt, virtutes, has, ut genus sequentium  
proponit, per quas intelligit sanctos &  
honestos mores, quorum fons est fides.  
Scientia (hæc moderatur actiones virtu-  
tis) Temperantia (hæc moderatrix est ci-  
bi & potus, aliarumque appetitionum,) Pa-  
tientia seu tollerantia, (qua persistimus  
sub mole ærumnarum & persecutio-  
num, ne fracti animo confessionem abij-  
ciamus.) Pietas (hanc ideo subiecit tolle-  
rantia, ut eius sit rector.) Fraternus  
amor (hic complectitur eiusdem fidei do-  
mesticos.) Caritas, (hæc se etiam ad ali-  
os homines extendit, ut hostes quoque  
complectatur.) Hæc virtutes germani fidei  
fructus sunt.

N 4 In gra-



# EPIST. II.

In gradatione hac non tam rerum consecutio, quam earundem necessaria cum fide connexio spectanda est. Porro virtutes, quarum genitrix est fides, hoc pacto distingui possunt. Homo fidelis & ad Deum ipsum, & ad se ipsum, & ad proximum, & ad res alias respectum habere debet. Cum Deum respicit, ex fide pietatem, qua totus cultus primæ tabulæ intelligitur, promit. Cum se ipsum intuetur, ex fide sanctificationi animi & corporis studet, satagitque ea, quæ officij sui sunt haud fraudulenter præstare. Cum se ad proximum suum conuertit, ex fide fraternalium amorem erga domesticos fidei, & caritatem erga omnes homines producit. Denique cum res alias contemplatur, vel in agendo versatur per prudentiam, vel in usu rerum occupatur per temperantiam, vel in ferendis aduersis persistit per patientiam, vel in expectandis promissis perseuerat per spem, quæ non confundit. Hæc omnia ex fide pius profert animus.

Hic locus Petri monet, ne Dei gratiæ desimus. Huc illud ad Hebræos 12. Prospicientes, ne quis desit gratiæ Dei. Et illud Pauli: Commonefacio te, ut exuscites donum,



D. P E T R I.

num, quod in te est. Postquam enim renati sumus, non sumus stipites aut trunci, sed viua Christi membra, in quibus spiritus Dei est efficax, vt iam possimus aliquam obedientiam Deo præstare, quæ illi est accepta propter Iesum Christum, per quem placemus Deo. Non enim amplius voluntas captiua tenetur sub seruitute peccati, sed per spiritum Christi manumissa est, vt & quæ recta sunt mens intelligat, & voluntas sanata studeat Deo obedientiam præstare, atq; adeo vires ipsæ omnes interiores & exteriores diuinitus adiutæ non frustra conentur.

Hæc cum uobis adsint & exuberent, haud ociosos nec infructuosos constituunt in Domini nostri Iesu Christi cognitione.

Ratio exhortationis ab effectis virtutum, quæ cum fide coniunctæ sunt, quæ effecta manifesta indicia sunt efficacis cognitionis Christi, ac si dicat: Virtutes quas enumeraui cum fidei adsint, indicant Christi cognitionem non esse ociosam & infructuosam in uobis. Nam, cum Christi co-

N 5 gnitio



EPIST. II.

gnitio viua & efficax existit, fieri non potest, vt quis verè ea præditus dicatur, qui fructus germanos fidei non habeat adiunctos. Cum hac Petri sententia conuenit precatio Christi Iohan:17. Sanctifica eos in veritate, sermo tuus veritas est. Hic non quærit ociosam veritatis cognitionem, sed actuosam & fructuosam, vt quæ veram sanctificationem habeat sibi coniunctam. Item precatio Davidis Psalm: 86. Doce me Domine viam tuam, & ingrediar in veritate, vnias cor meum, vt timeat nomen tuum.

Obseruetur hic locus, qui docet inanem esse fidem, & vanam Christi cognitionis iactationem, vbi vera pietas & vita non relucet. Deinde obseruetur etiam, quòd Christianæ virtutis indies magis magisque exuberare debeant.

Cum enim hæc non adsint, cæcus est, manu palpans, oblitus sese à ueteribus peccatis suis purgatum fuisse.

Aetiologia à consequentibus contrariorum, Potest autem hæc ætiologia illustrari



D. P E T R I.

strari hac antithesi. Quemadmodum Christi cognitio est veluti lux quædam, quæ non finit nos in tenebris peccatorum amplius aberrare, & eius ignoratio caligo quædam est, qua inuoluimur in peccatorum tenebris: Ita ubi germani fructus fidei apparent, testantur homines in luce Euangelij ambulare. Contrà autem, ubi huiusmodi fructus defunt, manifestum iudicium est, homines extra Euangelij lucem, in tenebris cæcutire, adeoq; oblitos esse purgationis suæ à veteribus peccatis, Hoc ergo loco obseruemus, nō solū inaniter de fide & Euangelio gloriari eos, quorum vita non mutatur in melius ad prædicationem Euangelij, verum etiam quòd ipsis quoq; tribuatur cæcitas & obliuio. Cæcitas quidem, quòd non prospiciant viam, per quam eundum sit, vtut de sua perspicacia glorientur. Obliuio verò, quòd non cogitent, cur Christi sanguine à peccato sint purgati, & quòd non meminerint, se per Euangelium ad sanctificationem vocatos esse. Vnde Paulus 1. Thess: 4. Hæc est voluntas Dei, sanctificatio vestra. Hinc proinde perspicuum est, quàm sint necessaria bona opera in conuersis.

Qua



EPIST. II.

Quapropter fratres magis  
studete uocationem & electio-  
nem uestram firmam facere.

Hæc altera est huius capitis exhorta-  
tio, quam ex priori infert Apostolus.  
Quemadmodum virtutes Christianæ,  
quas recitauit, ostendunt haud ociosam  
esse in hominibus & infructuosam cogni-  
tionem Christi; Ita, quò firmior est co-  
gnitio Christi, eò est etiam virtutis studii  
& pietatis exercitium plenius atq; per-  
fectius, est enim hoc illius effectus. Quare  
hortatur Apostolus, vt studeamus fir-  
mam efficere vocationem & electionem  
nostram, quod sanè ad certitudinem do-  
ctrinæ referendum esse docet loci  $\pi\alpha\rho\rho\rho\sigma\iota\varsigma$ ,  
& huius exhortationis confirmatio.  
Sensus est igitur, studete vt certi & firmi  
sitis in doctrina religionis Christianæ, ad  
quam vocati estis, adeoq; electi, modò Eu-  
angelio prædicato fidē adhibueritis. Vult  
itaq; Petrus, vt pñ quotidie magis magisq;  
abundent in cognitione Christi, confir-  
menturq; de religionis Christianæ doctri-  
næ certitudine. Commendatur proinde  
hic serium scripturæ sacræ studium, & di-  
ligens

ligens ca  
bi Dei r  
tione, I  
infinita  
propria  
quod fa  
ætatibus  
damnatio

Quò  
ribus inte  
ex marg  
non dice  
Nam bo  
dam exte  
Nam qu  
in actiōi  
proferun  
gnitione  
se est, &  
lippensib  
in cogniti  
itaq; vete  
dico hñc  
quàm op  
& immo  
instructu



D. P E T R I.

ligens causarum certitudinis immotæ ver-  
bi Dei meditatio, cum perpetua inuoca-  
tione, Ne vel Satanas, vel sophistæ, vel  
infinita turba hostium Euāgelij, vel etiam  
propria caro nos à fonte salutis abducatur,  
quod sanè multis ( proh dolor ) omnibus  
ætatibus contigit, in illorum certissimam  
damnationem.

Quòd autem in nonnullis exempla-  
ribus interseritur, Per bona opera, omnino  
ex margine in textum irrepsit, quod  
non dico, vt sententiam ipsam improbem.  
Nam bona opera sunt veluti sensus qui-  
dam externus, internæ pietatis & fidei.  
Nam quod intus in animo latet, apparet  
in actionibus externis, quò enim magis se  
proferunt pietatis fructus, eò maiorem co-  
gnitionem Christi & firmiorem esse neces-  
se est, & contra. Quare Paulus optat Phi-  
lippenſibus, vt magis magisque abundant  
in cognitione & omni sensu. Sententiam  
itaque veteris interpretis non improbo, sed  
dico hîc potius fieri mentionem doctrinæ  
quàm operum, quæ doctrina cum firma  
& immota mentibus infideat, nequaquam  
infructuosa esse potest.

Hæc



EPIST. II.

Hæc enim si feceritis, non labemini unquam.

Ratio exhortationis ab utili. Quò fir-  
mior est cognitio Christi, eò est certior sa-  
lus & constantior vita. Facit enim firma  
Christi cognitio, vt immoti in fundamen-  
to persistamus, & Christo innitentes non  
labamur in recto cursu ad propositam me-  
tam vitæ æternæ. Contingit autem la-  
psum dupliciter, videlicet in doctrina &  
moribus. Vtrumq; lapsum impedit firma-  
ta Christi cognitio.

Sic abundè subministrabitur  
vobis introitus in æternum re-  
gnum Domini nostri & salua-  
toris Iesu Christi.

Rationis redditio est. Affirmat enim  
nequaquam labi posse eos, qui certam &  
immotam Christi cognitionem retinent.  
Nam ihs suppeditatur rectus in æternum  
regnum introitus, idq; per Iesum Chri-  
stum, qui solus via in æternum regnum  
existit,



D. P E T R I.

existit. Quare & ipsius regnum iure dicitur.

Quapropter haud negligam uos semper commonefacere de his, etsi periti & confirmati estis in præsenti ueritate.

Occupatio est. Quia poterant fortè gentes conuersæ dicere, se benè edoctas esse in ueritate, id est, in Christi cognitione seu Euangelio, atq; adeò confirmatos esse, ut lapsum à doctrina non pertimescerent. Apostolus fatetur id quidem verum esse, nihilominus tamen officium suum esse affirmat, ut sæpius imò semper ipsos de eadem re commonefaciat. Hoc exemplum & nos, qui in scholis & in templis religionem docemus, inuitemur.

Iustum enim arbitror, quàm diu sum in hoc tabernaculo, excitare uos per commonefactionem, cum scio breui futurum, ut deponam hoc tabernaculū meum, sicut & Dominus noster Iesus  
sus



EPIST. II.

Iesus Christus indicauit mihi, sed  
& studebo, ut uos post exitum  
meum horum mentionem face-  
re possitis.

Triplicem rationem reddit, cur peri-  
tos & confirmatos in veritate commone-  
faciat. Prima est, quod hoc requirat of-  
ficij eius ratio. Iustum est enim debitum of-  
ficium præstare. Secunda, quod breui  
hanc ærumnosam vitam morte, id est,  
transitu ab his miserijs ad beatitudinem, sit  
commutaturus. Debet igitur fugacitas  
huius vitæ instar calcaris cuiusdam esse, ad  
fideliter strenueq; faciendum officium.  
Tertia, ut ipsi plenius edocti & sæpius ad-  
moniti possint horum mentionem facere  
post Apostoli exitum. Hæc & nos com-  
monefacere oportet, ut non solum curam  
habeamus Ecclesiæ, dum adhuc supersti-  
tes sumus, verum etiam ut posteritati con-  
sulamus: quò perpetuò conseruetur do-  
ctrinæ puritas. Hoc fuisse studium Pro-  
phetarum & Apostolorum patet ex illo-  
rum monumentis.

Porro tabernaculum, suum corpus  
appellat, quo significatur imbecillitas stru-  
cturæ

eturæ h  
migrati  
edificiu  
rum est  
re dona

No  
tas fab  
fecimu  
sti uirt  
spectat  
illius.

Con  
in qua eo  
rat. Opp  
lendum  
se verè  
Christi v  
oculis as  
statem Ch

Acc  
norem  
delata



D. P E T R I,

cturæ huius corporis, caduca conditio & migratio. Huic tabernaculo opponitur ædificium firmum & stabile, quale futurum est corpus nostrum, ubi immortalitate donati fuerimus. Vide 2. Corinth: 5.

Non enim argutè excogitatas fabulas secuti, notam uobis fecimus domini nostri Iesu Christi uirtutem & aduentum, sed spectatores facti magnificentiae illius.

Confirmatio est veritatis Euangelicæ, in qua eos paulò antea confirmatos dixerat. Opponit autem argutis fabulis ad fallendum excogitatis, veritatem, affirmatq; se verè notam fecisse ihs domini nostri Iesu Christi uirtutem & aduentum, ut qui suis oculis aspexerit magnificentiam & maiestatem Christi in monte.

Accepit enim à Deo patre honorem & gloriam, uoce ad eum delata huiusmodi magnifica gloria:



EPIST. II.

ria: hic est Filius meus dilectus  
in quo mihi complacui.

Vnum ex præcipuis testimonijs de gloria Christi in medium adducit Apostolus, vt veritatem Euangelij eodem suffulciat, quò stet immota. De hoc gloriæ Christi testimonio scribitur Matth: 17. Nam postquam Christus se & doctrina & miraculis verum esse Messiam comprobasset, accessit & hoc testimonium Patris in monte, quemadmodum antea in Baptismo, qui testatus est propria voce, hunc Iesum suum dilectum Filium esse, in quo sibi complacuit. Ita enim ait Pater: Hic est Filius meus dilectus, in quo mihi complacui, seu per quem sum placatus, Hunc audite. Hæc concio summam Euangelij continet, & quatuor partibus absoluitur, quarum Prima est, de persona Christi. Secunda, de differentia inter hunc filium Dei, & alios qui adoptantur. Tertia, de beneficijs huius filij Dei erga genus humanum. Quarta, de modo applicationis beneficiorum Dei.

De persona ita ait: Hic est Filius meus.  
His verbis tria insinuantur. Primum,  
quòd



D. P E T R I.

quòd hæc persona sit Deus, vt quæ natura sit filius Dei. Deinde, quòd hæc persona sit verus homo. Loquitur enim hic pater de Iesu Mariæ filio. Tertium, quòd hic Deus & Homo sit vna persona in duabus naturis subsistens.

Ex his fides nostra Primum colligit hunc Iesum potentiorē esse Satana, adeoque posse efficere omnia, quæ vult. Vult autem omnia, quæ promittit, quia Deus est. Deinde, hinc alitur fiducia in Mediatorem, quia est nobis naturæ societate coniunctus, natus ex semine Dauid, vt Paulus loquitur, secundum carnem. Vult ergo reuera nostram salutem, vt qui nostræ naturæ sit particeps. Præterea fides hinc æstimabit precium passionis & obedientiæ Christi in ipsius sanctissima humanitate. Nam ex vnione hypostatica, diuinæ & humanæ naturæ in vno Christo pendet precium & æstimatio omnium passionum & operum Christi. Est proinde mors Iesu Christi sufficiens  $\lambda\upsilon\tau\rho\sigma\upsilon$  pro redemptione nostri, quia est mors hominis, qui est Deus, est & obedientia Christi sufficiens iusticia, in salutem omnibus creditibus, quia est obedientia hominis, qui est Deus.

O 2      Diffe-



EPIST. II.

Differentia inter hunc filium Dei & adoptiuos hac voce significatur, Dilectus. Est enim hic Patri dilectus in se & propter se. Quia natura est filius. Fideles autem omnes, qui filij Dei dicuntur, sunt quidem dilecti, sed in illo & propter illum, quia adoptionis sunt filij.

Beneficia huius filij Dei erga genus humanum, hac voce Patris significantur: In quo mihi benè complacui, seu potius, in quo placatus sum. Vt enim sine Christo Deus nobis irascitur: Ita per Christum Deus nobis reconciliatur & adoptat nos in filios. Erat, inquit Paulus, Deus in Christo, mundum sibi reconcilians. Item, Eum qui non nouit peccatum, fecit peccatum, ut nos fieremus iusticia Dei in ipso.

Modus applicationis beneficiorum Christi significatur mandato Dei dicentis: Hunc audite. Nam, qui hunc audierit & crediderit, saluus erit. Fides enim quæ est ex auditu, inducit hominem in possessionem beneficiorum Christi. Quia autem hoc mandatum obligat homines omnes ad obedientiam, vult reuera Deus omnium hominum salutem, sed per Christum.



D. P E T R I.

stum. Nam qui hunc Christum non audi-  
uerit, sed contumaciter eius Euangelium  
contemserit, æternum peribit, non consilio  
creantis Dei, Sed suapte culpa, quia dex-  
tram Dei, hoc est, Iesum Christum, sibi  
porrectam apprehendere noluit.

Et hanc uocem nos audiui-  
mus de cœlo delatam, cùm esse-  
mus unà cum eo in monte san-  
cto .

Petrus de se ipso, Iohanne & Iacobo  
loquitur. Hi enim tres fuerunt cum Chri-  
sto in monte, cum ibi transformaretur, &  
exhiberet specimen suæ magnificentiae &  
gloriæ, idc̃p̃ ideo factum est, ut post resur-  
rectionem Christi à mortuis huius magni-  
ficentiæ Christi testes essent. Quòd autem  
in monte cum Christo fuerint præsentes  
Helias & Moses, cum quibus & discipuli  
Domini aderant, significat, quòd ut Mo-  
ses adeoq̃ Prophetæ omnes vaticinati fue-  
rint de Christo venturo: Ita discipuli ipsi-  
us forent testes exhibitæ Christi, atq̃ ita v-  
nus Christus scopus est Mosis, Prophetarum  
omnium & Apostolorum.

O 3 Et



EPIST. II.

Et habemus firmiorem sermonem propheticum, cui rectè facitis attendentes, uelut lucernæ splendenti in obscuro loco, usq; dum dies illucescat, & Lucifer exoriatur in cordibus uestris.

Aliud testimonium adfert Apostolus de certitudine doctrinæ Euangelicæ, uidelicet Propheticum sermonem. Omnes enim Prophetæ de Christo vaticinati sunt, & fuerunt interpretes primæ promissionis: Semen mulieris conteret caput serpentis.

Cum autem hîc pronunciat, Propheticum sermonem firmiorem, scilicet Euangelio, per Apostolos prædicato, nō ita accipiendum est, quòd propheticus sermo per se sit Euangelio per Apostolos annunciato firmior, sed ita loquitur Apostolus hominum respectu, quib; scribit, apud quos doctrina Prophetarum absq; omni controuersia habebatur certissima. Quare, cum viderent gentes conuersæ Euangelium per Apostolos prædicatum, cum Mosis & Prophetarum doctrina conuenire, libentius

tius  
vint  
rarum  
mus,  
fi, q  
Apos  
lauda  
quibus  
genero  
ceperin  
quotidi  
se habe  
tis, & g  
pauci.  
Spiritu  
nobis P  
fecto o  
gerere.  
O  
collati  
Proph  
collatio  
licæ.  
tur no  
quæda  
de Ch  
confer  
lucet.



D. P E T R I.

tius illud amplexi sunt. Vult ergo Petrus, ut intueamur consensum Mosis & Prophetarum, & inde nostros animos confirmemus, ne dimoueamur à cognitione Christi, quæ nobis in scriptis Prophetis & Apostolicis commendatur. Hoc studium laudatur Actorum 17. in Bereensibus, de quibus ita ait Lucas: Fuerunt autem isti generosiores Thessalonicensibus, ut qui receperint sermonem cum omni alacritate, quotidie scrutantes scripturas, an hæc ita se haberent. Multi igitur crediderunt ex ijs, & græcæ mulieres honestæ, & viri non pauci. Cum ergo hîc Petrus, imo potius Spiritus sanctus per os Petri commendet nobis Prophetarum lectionem, nostri profectò officij erit Spiritui sancto morem gerere.

Obseruetur præterea hîc pulcerrima collatio temporis promissi Christi sub Prophetis, & temporis exhibiti. Deinde collatio doctrinæ Propheticæ & Apostolicæ. Tempus promissi Christi comparatur nocti obscuræ, cuius veluti stellulæ quædam fuerunt Propheticæ conciones de Christo, sed tempus exhibiti Christi confertur claro diei, in quo Sol clarissimè lucet. Ut enim doctrina Prophetica tan-

O 4 quam



## EPIST. II.

quam lucerna splendens erat in nocte: Ita Euangelium veluti aurora quædam lucidissima, diem adesse adeoq; ipsum solem, videlicet Christum, nunciat. Istius proinde Propheticae lucernæ vsus erit, vt tantisper ea vtamur, donec lucifer & plena Christi cognitio oriatur in cordibus nostris, quæ sanè meræ tenebræ sunt sine lucerna Prophetica & aurora Apostolica. Obseruetur ergo hîc discrimen inter doctrinam Propheticam & Apostolicam: Quarum illa lucernæ: hæc lucifero comparatur. Sunt enim Apostoli clariores Prophetarum interpretes.

Sed illud primum noueritis, quòd nulla prophetia scripturæ sit priuati impulsus. Non enim libidine hominis allata est olim prophetia, sed spiritu Dei acti locuti sunt sancti Dei homines.

Hæc omnium maxima Propheticae scripturæ est commendatio, videlicet quòd prophetia non habeat homines autores, sed Deum ipsum, cuius spiritu acti & impulsî locuti sunt Prophetæ Dei.

Voca-



D. P E T R I.

Vocabulum ἐπίλυσις ambiguum est apud græcos, nunc enim impetum seu impulsus, nunc interpretationem significat. Verum antithesis aperte indicat, quod hîc pro impetu accipiatur, quo homines feruntur seu aguntur, ad aliquid dicendum seu agendum. Opponitur autem Spiritui sancto, qui autor est prophetiæ, id quod ostenditur ex tribus, videlicet, ex perpetuo Prophetarum consensu, ex prædictionum certitudine, ex stupendis miraculis, quibus veritas prophetiarum est obsignata. Huc accedit Christi & Apostolorum approbatio.

CAPVT SE-  
CVNDVM.

SVMMA CAPITIS  
SECVNDI.

**Q**uemadmodum in veteri populo fuerunt falsi prophetæ, qui pœnas tandem suæ luerunt impietatis: Ita etiam in Ecclesia noui Testamenti falsi erunt doctores, quibus Deus non parcat, sed ut  
O s pios



EPIST. II.

pios potenter eripiet: Ita falsos doctores cum ijs, qui ab ipsis seducuntur, iuste puniet.

ORDO ET PARTES CAPITIS SECVNDI.

**P**rimum prædicit fore falsos doctores in Ecclesia, sicuti fuerunt in veteri populo, sed hos suo tempore puniendos diuinitus, multis confirmat exemplis. Deinde, interposita consolatione de liberatione piorum, longam attexit falsorum doctorum descriptionem. Tum de ijs agit, qui per falsos doctores seducuntur, quorum conditionem deterioiorem fore, quam erat ante conuersionem, prædicit.

EXEGESIS CAPITIS SECVNDI, CVM OBSERVATIONE doctrinarum.

Fuerunt autem & pseudoprophetae in populo, quemadmodum & inter uos erunt falsi doctores, qui introducent hæreses perditionis. Etiam Dominum, qui ipsos redemit, abnegantes, accer-



D. P E T R I.

accersentes sibi ipsis celerem interitum, & multi sequentur eorum exitia, per quos uia ueritatis blasphemabitur, & in auaritia fictis sermonibus uos negociabuntur, quibus damnatio iam olim non tardat, & quorum exitium non dormitat.

Hæc pericopa sex membra habet de pseudopphetis seu falsis doctoribus, quorum singula suam doctrinam & admonitionem continent.

Primum itaq; membrum est prædictio, uidelicet quòd quemadmodum in veteri populo, hoc est Israëlítico, stante adhuc republica Moïsis, fuerunt varij pseudopphetæ: Ita sint futuri in Ecclesia falsi doctores, quod etiam ipse Dominus prædixit. Hic primum Satanæ tyrannidis cogitanda est, qui non finit Ecclesiam quietam esse, sed semper eam conatur erronea turbare doctrina. Quemadmodum enim primos parentes nostros in paradiso sophistica est adortus; ita etiam perpetuò  
vsq;



## EPIST. II.

usque ad diem iudicii Ecclesie insidiabitur. Quare, nostra refert Christo domino obtemperare, qui iubet ut caueamus nobis à falsis prophetis, utque vigilemus & oremus. Deinde, hoc vaticinio confutatur Staphilus, qui definit Ecclesiam coetum esse hominum, in quo nullae sunt diuersae opiniones, nullae sectae, nulla schismata, quae eius opinio manifestissime hoc Petri dicto refellitur. Praeterea & Christus praedixit fore, ut inimicus homo iaceret zizaniorum semina in agrum triticiferum, hoc est, spargeret haerese in Ecclesiam. Et Paulus Christi apostolus Corinthiacam Ecclesiam agnoscit esse Christi Ecclesiam, in qua tamen non paucae fuerunt sectae, Quemadmodum videre est in Epistolis ad Corinthios scriptis. Adhuc admonemur, ut Iohannes etiam monet, ut discernamus spiritus, an à Deo sint, caueamusque iuxta mandatum Christi à falsis Prophetis.

Secundum est indicatio studij falsorum doctorum. Introducent, inquit, haerese perditionis: abnegabunt Dominum qui eos redemit: facient ut blasphemetur via veritatis, hoc est, sanctum Christi Evangelium.

Hære-



D. P E T R I.

Hæresis, etsi medium vocabulum est, ut quod nunc in bonam, nunc in malam partem accipiatur, Tamen sæpius usu scripturæ, quia dissentionem notat, in malam partem accipitur.

Est autem hæresis selectio & defensio alicuius erronei dogmatis, pugnantis cum fundamento, cum pertinacia coniuncta. Sunt ergo duo, quæ hæresin faciunt, videlicet error cum fundamento pugnans, & pertinacia seu contumacia. Hinc Augustinus: Qui in Ecclesia Christi morbidum aliquid, id est, periculosum prauumque sapiunt, si correpti, ut sanum rectumque sapiant, resistunt contumaciter, suamque pestifera dogmata emendare nolunt, sed defensare persistunt, hæretici sunt & habentur in exercitibus inimicis. Ex hoc manifestum est discrimen inter simplicem errorem & hæresin. Ille corrigibilis est per sanam doctrinam, hæc pertinaciter resistit & aduersatur veritati.

Abnegatio domini tribus fit modis, videlicet, professione, doctrina & moribus. Professione abnegauerunt Dominum Turcæ, Iudæi, prophanae gentes, quos Augustinus vno nomine Paganos appell-



EPIST. II.

appellat, propterea quod non sint milites in Ecclesia Christi arma sumentes spiritua-  
lia, aduersus Diabolum & eius membra. Doctrina abnegant Dominum, qui articu-  
los fidei conuellunt, aut aliquam doctrinæ  
partem, quæ ad fundamentum pertinet,  
deprauant. Moribus abnegant Domi-  
num, qui vel hypocrisis, vel superstitioso  
cultu, vel Epicurea securitate, vel prophan-  
itate vitæ ipsum negant. Hi enim quod  
verbis profitentur factis abnegant, abo-  
minabiles & ad omne bonum opus re-  
probi.

Tertium est fructus hæreseos, qui est  
multorum certus interitus. Multi, inquit,  
sequuntur eorum exitia. Nam non solum  
autores sectarum peribunt, verum etiam  
qui ab illis in errorem seducuntur. Quem-  
admodum sæpe Propheta Ezechiel indi-  
cat, & hîc Petrus clarè affirmat. Hoc pul-  
crè pingitur in exitio Datan, Chore &  
Abiron. Nam hi non soli, sed omnes qui  
ijs adhæserunt, hiatu terræ absorpti sunt.  
Interest igitur piorum omnium, vt summa  
cura sibi caueant, ne hæreticorum impo-  
sturis inuoluantur, atq; ita cum ipsis, sua

*Ne solam dñi culpa pereant.*

*ut q. praua designat: sed etiam q. sentit in Quar-  
gondobis. iniquis. Rom: 1. Ga: 5. Et Rom: 12  
Et sic p. p. q. iniquis malis, ut dissimilantur.*



D. P E T R L

Quartum, hæreseos causa in hominibus malis est avaritia omnium malorum radix. Vocabulum, quo Apostolus utitur est pleonexia, quæ & avaritiam significat, & peculiariter est vitium ab insolentia profectum, quo quis in re præcipuum quippiam habere appetit, ut in honoribus, in præmijs, in consilijs. Breuiter, qui superiores partes semper sectantur πλεονέκτου dicuntur.

Quintum, Modus indicatur, quo hæretici incautos fallere solent. Ita enim ait: Fictis sermonibus eos negociabuntur. Per fictos sermones astutè excogitatas fabulas intelligit, quibus vsi hæretici, hominibus tanquam pecoribus ad nundinationem abutentur. Qui hæc verissimè quadrare in Papatum non cernit, plusquam cæcus est. Hac enim negociandi ratione infinitas opes cumulârunt, fumis & mendacijs aurum, argentum & prædia commutantes, in hac nundinatione primas tenet, qui mendaciter & impudenter se Simonis Petri successorem iactitat. Obseruetur itaque hoc loco grauissimum hoc vaticinium de nundinatione hac Papistica, quò magis confirmati Belluam istam Romanam



EPIST. II.

nam fortiter contemnamus cum omnibus anathematis excommunicationibus & execrationibus.

Sextum, Est poena, quam hæretici olim patientur. Quibus, inquit, damnatio iam olim non tardat, & quorum exitium non dormitat. Hoc sextum membrum nonnullis exemplis illustrat Apostolus, quemadmodum in textu sequitur.

Nam si Deus angelis, qui peccauerunt, non pepercit, sed catenis caliginis in tartara de trufos tradidit, ad damnationem seruatos.

Exemplo confirmat puniendos hæreticos. Deus puniuit angelos peccantes. Ergo multò magis puniet homines hæreticos. Catenam caliginis vocat miserrimam, & horribilis terroris plenam conditionem malorum spirituum, qui densissima caligine quasi catenis constricti seruantur in iudicium. Metaphora sumta est à facinorosis & damnatis, qui in carceris fœdore retinentur constricti, donec ad vltimum supplicium pertrahantur.

Et prisco



D. PETRI.

Et prisco mundo non pepercit, sed octauum Noë iusticiæ præconem seruauit, diluuiio in mundum impiorum inducto.

Alio exemplo confirmat hæreticos adeoq; omnes impios puniendos. Historia, cuius hic meminit Petrus, legatur Genesios 7. Hæc verba, octauum Noë iusticiæ præconem, distinctè intelligenda sunt. Est enim sensus. Noë octauus, id est, ipse Noë cum septem alijs seruatus est à diluuiio per arcam. Hic Noë fuit iusticiæ præco, impletus spiritu Christi, dum ferè centum & viginti annos impios sui temporis commonefaceret de ventura super ipsos ira Dei, nisi resipiscerent.

Et ciuitates Sodomorum & Gomorræ in cinerem redactas subuersione damnauit, fecitq; ut essent exemplar eorum, qui impiè sunt uicturi.

Hæc historia habetur Genes. 19. quæ  
P est



## EPIST. II.

est testimonium iræ Dei aduersus libidines, quas vt verè abominatur Deus: Ita seriò tandem puniet. Nam cùm has Sodomíticas libidines punit, non est dubium quin etiam sit puniturus hæreticos, qui spirituale adulterium committunt, & multos ab amplexu Dei abstrahunt. In historia de Sodoma & Gomorra peculiari-ter obseruetur, quòd Dominus ab Abrahamo rogatus, voluisset propter decem iustos pepercisse ciuitatibus istis. Vnde sequitur, Deum multis malis haud rarò parcere propter paucos bonos, qui suis precibus iram Dei auertunt. Cùm autem addit: Fecitq; vt essent exemplar eorum, qui impiè essent victuri, Docet quòd omnes historiæ de calamitatibus hominum & pœnis peccatorum sint nobis commonefactiones de imminentibus nobis propter peccata supplicijs, nisi maturè resipiscamus. Punita est libido Sodomæ, punientur ergò & nostri seculi horrendæ libidines.

Punita est tyrannis Iuliani, proinde nec aliij hostes Ecclesiæ euadent, quin puniantur. Punitus est Heli ob malam familiæ gubernationem. Pœnas ergo & hodie dabunt, qui suos liberos in admonitione  
&



D. P E T R I.

& correptione Domini iuxta consilium  
Apostoli non erudiunt, atq; ita de alijs sce-  
leribus iudicandum est. Nam Deus immu-  
rabilis est, quod in vno puniuit, puniet &  
in alio, nisi poenitentia peccatoris manum  
ultoris retraxerit. Nam vt iustus est sce-  
lerum vindex: ita misericors est in omnes,  
qui à sua iniusticia discedentes, vera poe-  
nitentia ad se conuertuntur.

Et iustum Loth libidinosa  
nephariorum conuersatione de-  
fatigatum eripuit.

Hæc antithesis ad consolandos eos  
pertinet, qui inter impios viuunt. Tamen  
enim opprimi ad tempus videntur pñ ab  
impis, tamen Deus suos non deserit. Est  
enim semper sibi similis. Historia legatur  
Genes. 19. Præter alia moneat nos præsens  
exemplum, ne multitudinis contagione si-  
namus nos contaminari.

Nam oculis & auribus ius-  
tus ille, cum habitaret inter ip-  
sos quotidie, animam iusti inia-

P 2 quis



## EPIST. II.

quis illorum operibus excrucia-  
bat.

Ratio defatigationis iusti Loth. Quo-  
cunq; ( inquit ) aures aut oculos appli-  
cuit, ea & audiuit & vidit, quæ ipsum  
miserrimè torquebant. Vbiq; enim ini-  
qua Sodomitarum opera cernebantur &  
audiebantur. Hic sensus huius loci simpli-  
cissimus est. Vetus interpret cum reddit:  
aspectu enim & auditu iustus erat (hoc est,  
habuit oculos & aures abhorrentes ab o-  
mni turpitudine) peruertit Apostoli sen-  
tentiam. Nam articulus in græco textu  
hanc interpretationem non patitur. Osten-  
dit enim articulus, quod vox iustus, sic  
subiectum & excruciat, prædicatum,  
ablatiui oculis & auribus, siue ad verbum  
visu & auditu ad modum referuntur.  
Nam videndo & audiendo, hoc est, dum  
vidit & audiuit illorum nepharia opera,  
animam iustam cruciabat. Hæc hypothe-  
sis hanc admonitionem suppeditat, quod  
iusti & pii iniquis nephariorum operibus  
crucientur, idq; tribus de causis. Quarum  
prima est Dei contumelia. Nam cum ma-  
ximo animi dolore audiunt Deum ab ho-  
minibus contumelia affici, quos condidit  
in su-

in sua  
nis, q  
damn  
viuunt  
bunt

N  
ration  
in die  
uare.

R  
Dei, &  
dio, S  
to decre  
Deus.  
è pericu  
eripit  
nitent  
correp

H  
solatio  
impis  
rorem  
tentia  
tant,  
senten



D. P E T R I.

in suam gloriam. Secunda, Satanæ tyrannis, qua captiui tenentur impij. Tertia est damnatio eorum iustissima, qui nephariè viuunt, militantes peccato, à quo reportabunt obsonia æternos cruciatus.

**Nouit Dominus pios è tentatione eripere, iniustos autem in diem iudicij puniendos seruare.**

Ratio punitæ impietatis in hostibus Dei, & erepti iusti Loth de medio incendio. Sumitur autem hæc ratio ab immoto decreto Dei, à quo nunquam discedat Deus. Nam vt pios semper tuetur, eosq; è periculis, etsi non semper eodem modo, eripit: Ita impios & iniustos adeoq; impœnitentes puniendos seruat, donec tempus correptionis aduenerit.

Hæc vt pñs in medijs ærumnis consolationem summam adferunt: Ita meritò impijs & impœnitentibus horrendum terrorem incutiunt, eosq; monent, vt pœnitentia seria iustam iudicis iram anteuertant. Verbum noticiæ hoc loco significat sententiam Dei, consequentem noticiam,

P 3 qua



# EPIST. II.

qua sententia vt iustos decreuit è periculis eripere: Ita statuit impios ad pœnam reseruare. Porro, hîc opus est, vt diligenter distinguamus eripiendi modos. Sunt aut̃ tres modi, quibus Deus solet pios è medio periculorum eripere. Primus est, cùm ipsos ex hac vita euocat, antequam veniant pœnæ. Secundus modus est, cùm ipse Deus pios seruat inter fluctus & procellas pœnarum. Tertius modus est, cùm Deus interiorem infundit cordibus piorum consolationem, quæ est victrix æumnarum. Cùm vel ab impijs afficiuntur supplicio, vel vnà cum colluuiione impiorum affliguntur.

Præsertim uerò illos, qui post carnem in concupiscentia pollutionis ambulant, dominationes despiciunt, audaces, præfracti, qui excellentias non uerentur probro afficere.

Redit ad hypothesin, à qua nonnihil ad thesin deflexerat, & significat fore, vt falsi doctores iustam pœnam aliquando sint daturi. Recenset autem hîc quasdam  
notas,



# D. P E T R I.

notas, quæ tamen non conueniunt in omnes hæreticos, sed tantum in ordinem certum, & videtur quasi digito Papatum monstrare. Nam hi spreto honesto sanctoq; coniugio nefandis libidinibus se polluant, quas satius est silentio præterire, quàm commemorare. Nam supra modum earum commemoratio, honestas & pias aures turpitudine offendit. Deinde, magistratum contemnunt, & calcant pedibus, vt Hellebrandi successor, qui Cæsaris Henrici collum pede conculcans, hæc verba ex impuro suo rostro eructauit: Super aspidem & Basiliscum ambulabis.

Præfracti græcè αὐθαδέες, hoc est, sibi placentes, aliorum contemtores, sunt pertinaces, intractabiles, qui nullius conuersatione aut consilio capiuntur. Dicitur autem græca vox αὐθαδέες ab αὐτός ipse, & ἀδελφ, placere, quasi sibi ipsi placens spreto aliorum iudicijs, hoc quàm verè quadret in Papatum, nemo non videt. Nam vsq; adeò sua placita ac decreta admirantur, vt non vereantur ea scripturæ Prophetiæ & Apostolicæ anteponere.

Porro, cum concupiscentiam cum

P 4 epi



EPIST. II.

epitheto pollutionis nominat, manifestè distinguat eam à naturali non excedente suos limites, & à spiritali, quæ filiorum Dei propria est. Vocat autem hîc concupiscentiam pollutionis ab effectu, ut quæ polluat animum hominis, eumq; impurum reddat. Huic ergo opponitur pura & sancta concupiscentia.

Cùm ipsi angeli, qui sunt robore & potentia maiores, non ferant coram Domino contumeliosum iudicium.

Quò magis coarguat eos, qui dignitates contemnunt, producit exemplum bonorum angelorum, qui non saltem, ut ministri Dei regnis seruandis præficiuntur, verum etiam reuerentur dignitates, adeò ut non ferant vllum blasphemum iudicium aduersus dignitates, multo minus ergo hoc in hominibus ferendum est. Videtur autem Petrus respicere ad historiam, quæ est 3. Regum capite 22. ubi nullum conuiuium ab angelis profertur aduersus impium regem Achab. Hoc exemplum pñ ministri verbi imitari debebunt, digni-  
rates



D. P E T R I.

tates habebunt in honore, ita tamen ut sceleribus eorum non parcant, sed ea prudenter arguant ut Nathan, ut Baptista, ut Ieremias &c.

Isti autem tanquam bruta animantia naturaliter genita in capturam & perniciem, in quibus nihil intelligant, maledicentes in sua corruptione peribunt, recipientes mercedem iniusticiæ.

Confert falsos doctores, de quibus hic sermo est, brutis animalibus, eo quod nec consilio nec ratione, ne dum spiritu Dei regantur, sed cæco ad beluinas voluptates ferantur impetu. Quemadmodum ergo feræ capiunt alias, & capiuntur vicissim ab alijs: Ita falsi doctores cum alios impia doctrina perdiderunt, ipsi quoque peribunt. Atque hoc est quod subiungit, mercedem recipientes suæ iniusticiæ. Suis enim perditis & corruptis moribus, ut alijs sunt exitio: Ita certum sibi ipsis accersunt interitum. Notetur mercedis vocabulum pro supplicio accipi, quod iuste debetur pro malefactis.

P S Pro



EPIST. II.

Pro uoluptate ducentes quo-  
tidianis frui delitijs.

Longam descriptionem instituit, in qua suis veluti coloribus depingit falsos doctores, quales prædixit in mundum venturos esse. Pertinet autem hæc descriptio eò, vt ostendat falsos doctores nihil aliud quàm carnem sapere, cuius desideria etiam faciunt. Itaq; primum locum occupat summam voluptatem ducere quotidianis frui delitijs. Significat ergo falsos doctores similes fore procis Penelopæ, & porcis Epicuri. At pñ hñc meminerint dicti Syracidæ: Qui voluptatibus resistit, coronat vitam suam. Execrentur itaq; pñ dogma Epicuri, qui in voluptate summum hominis bonum posuit, & huic impuro porco opponant castissimum Philosophum Ciceronem, qui ita ait: Si quis voluptatem esse summum bonum dixerit, eius vox pecudum videtur esse & non hominum.

Labes & maculæ delicias  
in fraudibus, dum conuiuian-  
tur uobiscum.

Hæc



D. P E T R I.

Hæc græcorum verborum interpre-  
tatio est ad verbum, vt nunc est in græcis  
codicibus, sed vetus interpres pro ἀπά-  
ταις legit ἀγάπαις, quæ lectio germana  
videtur, ex Epistola Iudæ, vbi sic scribitur,  
οὗτοι εἰσὶν ἐν ταῖς ἀγάπαις ὑμῶν ἀγαπᾶτε  
συνδινώμενοι. Hoc est, Hi sunt in agapis  
vestris maculæ vobiscum epulantes. Vo-  
cabantur autem & ea conuiuia, quæ Eccle-  
siastico cœtui apparatus fuere, & ea quæ  
pauperibus refocillandis exhibebantur  
ἀγάπαι, propter caritatem, qua se mutuò  
complectebantur Christiani conuiuian-  
tes. Dicta est & sacra cœna à græcis ἀγά-  
πη. In his sacris conuiujs, labes & macu-  
las futuros prædicat Petrus falsos istos do-  
ctores, de quibus hîc potissimum vaticî-  
natur, quàm autem appositè hoc in Papa-  
tum quadret manifestum est. Nam isti  
rasi & vncti sacrificuli ex publico conui-  
uio priuatum faciunt, ac cœnam Domini-  
cam horrendis maculis contaminant, dum  
non solum histrionicis gestibus omnia  
fœdant, verùm etiam sacrilega in Chri-  
stum contumelia institutionem Domini  
commaculant.

Ocul



EPIST. II.

**Oculos habentes plenos adul-  
terij, & inquietos à peccato.**

Insignem libidinem vocat, quæ in ip-  
forum oculis apparet. Sunt enim oculi o-  
mnium affectuum infallibiles testes, quem-  
admodum ille ait; Oculi sunt in amore  
duces. Et Augustinus; Oculus impudi-  
cus impudici cordis est nuncius. Has li-  
bidades præferunt Romanenses sancto &  
impolluto coniugio, in contumeliam Dei  
ordinantis coniugium, & abominantis  
omnes uagas libidines.

**Inescantas animas instabi-  
les.**

Hoc est, quemadmodum aucupes suis  
quibusdam illecebris in rete pelliciunt au-  
culas; ita falsi doctores homines simplices  
sua superstitione sibi adiungunt, vt ita tan-  
dem enescati miserè cum ipsis autoribus  
pereant. Hoc in Monachos optimè qua-  
drat, qui vanis pollicitationibus multos in  
sua lustra pertraxerunt.

**Cor exercitatum auaritia ha-  
bentes.**

**Nota**



D. P E T R I.

Notatur inexplēbilis auaritia falso-  
rum doctorum, de quibus hīc agit Apo-  
stolus, quos ita ad rapinas exercitatos fore  
prædicit, vt facili multorum odes menda-  
cīs ad se pertrahant. Hinc collectum est  
maximum illud patrimonium, quod Pe-  
tri vocant.

Execrationis filij, qui relicta  
recta uia aberrarunt, secuti uiam  
Balaam, filij Bosor, qui merce-  
dem iniusticiæ amauit. Sed re-  
dargutionem suæ iniquitatis su-  
stinuit: animal subiugale, mu-  
tum, humana uoce loquens pro-  
hibuit Prophetæ dementiam.

Comparat falsos doctores Balaam,  
qui linguam habuit venalem ad maledi-  
cendum populo Dei, cuius insaniam Deus  
miraculo prodidit. Nam cū Balaam  
proficisceretur ut malediceret populo Dei,  
Angelus Domini ei occurrit, & asina, qua  
vectus est, auari Prophetæ dementiam hu-  
mana uoce locuta coarguit. Historia lega-  
tur Nume, 22. Adumbrat igitur Balaam  
omnes



EPIST. II.

omnes Prophetas & falsos doctores, qui amore non Christi, sed honoris causa & quæstus omnia agant.

Isti sunt fontes aqua carentes, nebulæ à turbine agitatae.

Duobus similibus ingenium falsorum doctorum depingit. Primum enim eos fontibus aqua carentibus confert, quæ similitudine significat falsos doctores iactare scientiam salutis, cum tamen eius vacui sint, & pro salutis aqua interitum propinant. Deinde eosdem nebulis vento agitatæ comparat. Nam quemadmodum nubes, quæ spem aliquam pluviæ mortalibus præbet, mox in ventum dissipatur: Ita falsi doctores aliquam faciunt cœlestis doctrinæ spem, sed solo vento & arrogantia turgent. Similitudo hæc Prouerb: 25. hoc pacto absoluitur: Nubes & ventus est sine pluuia, qui gloriantur pollicendo, & nihil præstant. Hoc quàm rectè in Canonicos & Papisticos, & Monachos competat, vt interim nihil de Episcopis & Cardinalibus dicam, nemo est qui non videat, pollicentur suis pompaticis ceremonijs salutem & vitam, sed qui eos sequuntur nihil



D. PETRI.

hil inueniunt præter damnationem & mortem.

**Quibus caligo tenebrarum in æternum seruata est.**

De pœnis falſorum doctorum obiter admonet Apoſtolus, idq; in hunc finem, vt caueamus nobis quàm diligentiffimè ab ipſorum inſidijs. Nam vt ſuprà dictum eſt, qui ſeducuntur à falſis doctoribus, in eandem cum illis incurrunt damnationem. Caligo tenebrarum ſignificat denſiſſimas tenebras ignis obſcuri, vrentis eos, qui damnantur, quæ pars quædam eſt pœnarum æternarum.

Nam faſtuosa uanitatis uerba ſonantes inefcant cupiditatibus carnis & laſciujs eos, qui uerè auſugerant ab ijs, cui in errore conuerſantur, libertatem eis promittentes, cùm ipſi ſint ſerui corruptionis.

Cur falſos doctores nebulis comparat, exponit. Faſtuosa, inquit, ſonant, ſed in aërem abit iſtorum fumus. Videtur autem hîc Petrus non ſolùm Papatum deſcribere, ve-



EPIST. II.

re, verum etiam sectam Libertinorum, qui hac nostra ætate in finibus Italiæ multos decipiunt, promittentes libertatem omnibus, qui degunt in concupiscentiis carnis, & lasciujs se omnis generis polluunt, modò non statuunt se peccare. Talis fuit olim secta Gnosticorum, qui multos qui iam ab erroribus Ethnicorum aufugerant, rursus in præcipitium omnis incontinentiæ præcipitauerunt. Papistæ qui se omni lasciuia prostituunt, & quouis libidinis genere polluunt, hæc Petri verba in pios Euangelij præcones torquent, ac si huiusmodi libertatem carnis suis sectatoribus pollicerentur. Sed fallunt, & falluntur. Nequaquam enim prædicamus libertatem peccandi, sed prædicamus libertatem à iure peccati & damnationis omnibus ijs, qui ad Christum liberatorem fide confugiunt, iuxta illud: Si Filius vos liberauerit, verè liberi eritis. Veram libertatem opponit inani titulo & vmbrae libertatis. Sunt enim illi verè liberi, quibus peccatum deletum est. Iohan: 8. Quibus placata ira Dei est, quibus abolita mors est, quibus sublatae omnes calamitates humanæ, quibus donata est iusticia æterna, lux, vita, gloria. Deinde prædicamus mortificationem

nem v  
prauon  
circum  
ficatio  
dem e  
mines  
tiam. I  
quadrar  
corrupti  
prostitut  
ipfi non  
runt. P  
sed per  
sum Ch  
nes mer  
quibus  
dum pr  
vitam  
hoc lo  
qui dic  
dem nor  
dum, qu  
nus petu  
  
Sic  
ratus e  
tem el



D. P E T R I.

nem veteris hominis, id est, iugulationem prauorum affectuum, quæ est spiritualis circumcisio, & prædicamus veram sanctificationem spiritus, & apertè fatemur fidem excuti & Spiritum sanctum, cum homines peccatis indulgent contra conscientiam. Multò igitur rectius hæc in Papistas quadrant, qui non solum ipsi sint serui corruptionis, omni turpitudinis generi se prostituentes, verum etiam illud, quod ipsi non habent, alijs mendaciter promittunt. Promittunt, n. libertatem à peccato, sed per aliud medium, quàm per vnum Iesum Christum. Humanas enim traditiones meritorias huius libertatis esse docent, quibus miserè stultos homines inescant, dum propter istas contingere salutem & vitam æternam falsò docent. Obseruetur hoc loco testimonium contra quosdam, qui dicunt eos, qui semel crediderunt, fidem non posse amittere & Spiritum sanctum, quantumuis in omne scelerum genus petulanter ruant.

Siquidem quis à quo superatus est, huic etiam in seruitutem est addictus.

Q Dixit



EPIST. II.

Dixit falsos doctores seruos esse corruptionis, hoc est, peccati (nam anima peccato corrumpitur) id nunc probat per principium firmissimum & immotum à iure militari petum. Victus est victoris seruus. Isti falsi doctores à peccato victi sunt. Proinde serui sunt peccati. Minor ab effectu seruitutis probatur. Nam faciunt imperata peccati, dum concupiscentijs prauis indulgent & obsequuntur. Quare reuera sunt victi à peccato, & se seruos eius esse obedientia ostendunt. Cum hisce congruit dictum Domini: Qui facit peccatum, seruus est peccati.

Nam si hi, qui aufugerant ab inquinamentis mundi, per agnitionem Domini & seruatoris, his rursus implicati superentur, facta sunt illis postrema peiora prioribus.

Qualis nam conditio eorum futura sit, qui post agnitionem Christi relabuntur in inquinamenta mundi, exponit. Inquinamenta mundi & in doctrina & in vita spectantur. Vt enim inquinamenta doctrinae



D. P E T R I.

Strinꝑ sunt errores Ethnici pugnantes cum Euangelio, quibus omnes homines ante reuelationem Christi in ipsorum cordibus occupantur miserè: ita inquinamenta vitæ sunt studia et actiones pugnantes cum sanctificatione, ad quam nos vocat Euangelium. Ab his inquinamentis mundi homines nequaquam liberantur per Philosophiam, aut per vlla humana consilia, sed solummodo per agnitionem Iesu Christi seruatoris nostri. Hæc Christi agnitio efficax monstratur in Euangelio, & consistit in noticia Christi & in eius fiducia, cum qua fiducia sanctificatio coniuncta est. Nam ad hæc tria ordinatur Euangelij prædicatio. Quod autem pronunciat conditionem posteriorem eorum, qui relabuntur, esse peiorem priori, hoc ex magistri sui ore hausit, qui Matth: 12. de impuris spiritibus disserit, & de futura calamitate populi Israëlitiçi ob defectionem à Deo. Hic locus nequaquam patrocinator Nouatianis & Donatistis, qui negârunt lapsis post illuminationem redditum ad gratiam. Nam omnia comminatoria dicta in scriptis Prophetis & Apostolicis cum ea exceptione accipienda sunt, quam Christus clarè ponit cum inquit: Nisi poenitentis-

Q 2

tenti-

4

11



EPIST. II.

rentiam egeritis, vos omnes similiter peribitis.

Satius enim illis fuisset, non cognouisse uiam iusticiæ, quàm cognita illa cōuerti ab eo, quod illis traditum erat sancto præcepto.

Ætiologia est, cuius hic est sensus. Maior condemnatio eorum erit, qui à cognito Euangelio deficiunt, quàm eorum, qui Euangelium nunquam cognouerunt. Respicit autem Petrus hoc loco ad dictum Domini Lucæ 12. Seruus sciens voluntatem Domini, & non faciens, vapulabit plagis multis.

Sed accidit eis, quod uero prouerbio dici solet: Canis reuersus ad suum ipsius uomitum, & sus lota ad uolutabrum cœni.

Vt pericula eorum, qui relabuntur in pristina vitia post agnitionem Christi, exaggerat, duas adfert parœmias veteres. Nam primum confert eos canibus, deinde



D. P E T R I.

de suis. Siquidem, ut canes in suum malum resorbent, quod prius euomerant, & porci loti prius, rursus se coeno obvolunt: Ita illi salutaris medicina Euangelij purgati & loti, ad priores sordes ingrati redeunt. Respicit hic Petrus ad dictum Salomonis prouerb: 26. Sicut canis rediens ad vomitum, sic stultus geminans stulticiam suam. Hic tamen monendi sunt lapsi, ut sciant se rursus restitui posse, modo poenitentiam egerint. Ita enim ait Iohannes: Si peccauerimus, habemus aduocatum in coelo, Iesum Christum Iustum,

C A P V T  
T E R T I V M.

S V M M A C A P I T I S  
T E R T I I.

**C**Auillationibus illulorum de aduentu Domini refutatis, monet Apostolus, ut fideles se in aduentum Domini praeparent, caueantque ne erroribus Ethnicis imbuti, excidant a propria stabilitate.

Q 3 OR-



EPIST. II.  
ORDO ET PARTES CA-  
PITIS TERTII.

**P**Artes huius capituli plura sunt. Prima, commonefactio est de fine scriptio-  
nis cum huius Epistolæ tum superioris. Se-  
cunda, admonitio de illusoribus, qui ad-  
uentum Domini in dubium erant reuoca-  
turi. Tertia, confutatio istius perniciosi  
erroris. Quarta, conclusio exhortatoria de  
vitæ innocentia. Quinta, conclusio exhor-  
tatoria, ut persistant in doctrina iplis tra-  
dita, caueantq; sibi ab erroneis opinio-  
nibus.

EXEGESIS CAPITIS  
TERTII, CVM OBSERVA-  
*tione doctrinarum.*

Hanc iam, dilecti, secundam  
scribo uobis Epistolam, in qui-  
bus excito per commonefactio-  
nem uestram sinceram mentem,  
ut memores sitis uerborum, quæ  
prædicta sunt à sanctis Prophe-  
tis, & præcepti nostri, qui su-  
mus

mus A  
toris.

Fir  
tionis E  
ut fidele  
tica & A  
luntarem  
monefact  
temporib  
mnes hæ  
fontem,  
& Apost  
locus me  
meditent  
ticam &  
Deinde  
Anabap  
thustian  
stant.

Ho  
uenient  
fores, c  
ditatib  
ubi est



D. PETRI.

mus Apostoli Domini & saluatoris.

Finis scriptionis cum huius tum superioris Epistolæ, videlicet commonefactio, ut fideles sint memores doctrinæ Prophetiæ & Apostolicæ, in qua Deus suam voluntatem revelavit hominibus. Hæc commonefactio summè necessaria est omnibus temporibus. Munit enim nos contra omnes hæreses, & monstrat verum salutis fontem, qui est verbum Dei, Prophetiis & Apostolicis scriptis comprehensum. Hic locus monet, ut Christiani legant, audiant, meditentur & discant doctrinam Propheticam & Apostolicam, eiusque sint custodes. Deinde refutat hic locus Stenckfeldium & Anabaptistas, qui spreto vocali verbo Enthusiasmus & nescio quas revelationes iactant.

Hoc primum scientes, quod venient in extremo dierum illufores, qui in suis ipsorum cupiditatibus incedant & dicant, ubi est promissio aduentus eius?

Q 4

Ex



## EPIST. II.

Ex quò enim patres dormierūt,  
omnia sic permanent ex princi-  
cipio creationis.

Admonitio de futuris illuforibus,  
qui verbum Dei sacrilega contumelia af-  
ficient, & reuocabunt in dubium spem re-  
furrectionis & finem feculi huius. Dicent  
enim: Omnia in eodem ftatu permanent,  
iamdudum mortui funt Patres, quibus  
eft facta promiffio. Irrita eft ergo promif-  
fio aduentus Domini. Hic notantur,  
qui præcipuæ Ecclefiæ Dei columnæ dici  
volunt, videlicet Cardinales, qui vt funt  
carnales palam in fuis conuiuijs, has fannas  
eructant, nugantes homines vt pecora in-  
terire. Contra hos irrifores vult nos Apo-  
ftolus munitos, Propheticis & Apostoli-  
cis fcriptis, quæ cum Deum autorem ha-  
beant, fallere non poffunt. Simus proin-  
de hac Apostolica admonitione armati  
aduerfus huiusmodi Satanicas illufiones,  
per quas fiunt infidiæ faluti noftræ, & la-  
quei mortis ftuuntur.

Hoc enim eos uolentes latet,  
quòd cœli iam olim & terra ( ex  
aqua



D. P E T R I.

aqua & per aquam consistens)  
erant per Dei uerbum, propte-  
rea is, qui tunc erat mundus a-  
qua inundatus perijt, qui uero  
nunc sunt cœli & terra, eiusdem  
uerbo repositi sunt & seruantur  
igni, in diem iudicij & exitij im-  
piorum hominum.

Duo his verbis facit Apostolus.  
Primum enim euertit fundamentum, quo  
freti illusores isti in dubium reuocârunt  
aduentum Domini. Deinde, modum de-  
structionis mundi in die iudicij indicat.  
Fundamentum illusionis hostium Euan-  
gelij hoc fuit. Omnia ab initio creationis  
sic permanent. Sed hoc principium fal-  
sum esse per diluuium ostendit Aposto-  
lus, quod illos volentes ignorasse dicit.  
Quemadmodum enim per Dei uerbum  
cœli & terra cœperunt: Ita quodammo-  
do defierunt, Deo ita volente, cum aspe-  
ctabilis mundi forma per diluuium est  
permutata, proinde est falsum principium,  
quo nituntur illusores isti.

Q 5 Modus



## EPIST. II.

Modus destructionis mundi in die iudicii per collationē significatur. Quemadmodum enim olim ob scelera hominum mundus quodammodo aqua est destructus: Ita in die iudicii igni conflabit mundus. Idcirco cum in signum æternarum poenarum, quas sustinebunt impii, tum propter reparationem, qua Mundus ab omnibus suis sordibus igni repurgatus reformabitur. Nam ut domus leprosoꝝum contagio lepræ contaminatæ sunt: Ita mundus pollutus est reatu & maledictione impiorum. Debet igitur igni purgari, ut sit omnium angelorum & hominum sanctorum iucundissimum & pulcerrimum theatrum. Hæc de sententiâ Petri sint dicta. Nunc verba quædam textus altius expendamus.

Primum dicit, Cœlum & terram extitisse per Dei verbum, Hoc est, dicente Deo creata esse, sicuti ex Genesi patet. Hoc verbum interpretatur Epistola ad Hebræos esse λόγον θεοσιώδη, videlicet ipsum æternum Dei filium. Ita enim ait: Locutus nobis est per Filium, quem posuit heredem omnium, per quem & secula fecit,

Dein-



D. P E T R I.

Deinde dicit terram ex aqua & per  
aquam constituisse, hoc quid sit ex Genesi  
patet: Ibi enim Deus dicitur primum creaf-  
se chaos magnum, quod fuit materia re-  
rum corporalium. Ex hoc chao, dicente  
Deo, terra emerfit & apparuit, & simul  
per medias aquas constitit, quemadmo-  
dum ipse rerum euentus manifestè con-  
uincit. Non ergo sensus est Apostoli, quòd  
terra sit ex aqua, sed quod terra emineat  
super elementum aquæ, quæ aqua non-  
nullis in locis terram circumdat, vt terra  
per medias aquas fulcita esse videatur.

Vnum autem hoc non lateat  
uos dilecti, quòd una dies apud  
Dominum ueluti mille anni, &  
mille anni tanquam unus dies.

Docet pios quid statuunt de tempo-  
re aduentus Domini. Vult enim vt car-  
nis iudicio renunciato nos Domino sub-  
ijciamus, qui quod semel decreuit, verè  
perficiet. Neque enim mora diuturnior  
eius propositum euertit, cum mille anni  
ante ipsum sint vt dies vnus, & vnus dies  
vt mille anni, hoc est, Deo nullum tempus  
neque



EPIST. II.

neq; breue neq; longum est, verum quod semel statuit, certissimè complebit. Hinc nos admonemur, ex Dei decretis pendere, & non sectari iudicium carnis in promissionibus diuinis, præsertim cum salus animarum agitur.

Non tardat Dominus in promissione, sicuti quidam tarditatem putant, sed patiens est erga nos, non uolens ullos perire, sed omnes ad pœnitentiam recipere.

Causam vnâ dilati promissi aduentus Domini exponit, & eam esse dicit patientiam Dei, qua expectat hominum pœnitentiam, significans quòd in suo aduentu non sit vllus pœnitentiæ locus futurus. Nunc enim tempus pœnitentiæ est, tunc iudicij erit. Nunc expectat pœnitentiam, tunc pœnas infliget impœnitentibus, iuxta suum immotum decretum, qua statuit pœnitentibus vitam æternam donare, sed impœnitentes & contumaces æternis pœnis obruere. Obseruetur hîc duplex doctrina, Vna, quòd Deus differat aduentum



D. P E T R I.

tum filij sui ad iudicium, vt homines, qui adhuc alieni sunt à familia Dei, hac mora ad pœnitentiam inuitentur. De hac causa loquitur etiam Paulus ad Rom:2. An diuitias benignitatis Dei, & tolerantiae & longanimitatis contemnis, ignorans quòd bonitas Dei te ad pœnitentiam inuitet. Altera quòd gratia Dei sit vniuersalis. Diferret enim absq; omni ambiguitate, cum verborum, tum sensus, pronunciat Deum non velle vllos perire, sed omnes ad pœnitentiam colligi. Quare, hoc dictum memoria teneamus, vt nos muniamus aduersus eos, qui hodie negant gratiam Dei vniuersalem esse. Neq; est quod nos moueat noui interpretis autoritas, qui hoc dictum restringit ad pios quibus Petrus scribit. Nam hoc manifestè pugnat cum verbis Apostoli, qui loquitur de ijs, qui nondum egerunt pœnitentiam.

Ad confirmandam doctrinam de vniuersali gratia multa dicta pertinent, Qualia sunt: Veni saluare, quod perierat. Item, Venite ad me omnes &c. Certus sermo & omni approbatione dignus, quòd Christus Iesus venit in mundum, ad saluandum peccatores. Item, Deus vult omnes



# EPIST. II.

omnes homines saluos fieri, & ad agnitio-  
nem veritatis venire. Ita ergo statuit Deus  
homines seruare, si salutis medium Iesum  
Christum fide apprehenderint. Est pro-  
inde salus hominis conditionata, id quod  
multis testimonijs confirmatur. Ad Co-  
loss. 1. Si modo in fide permanearis funda-  
ti. Ad Hebr. 3. Participes facti sumus Chri-  
sti, si modo principium hypostaseos vsq;  
ad finem firmum teneamus. Iohan: 13. Si  
manseritis in me, & verba mea in vobis  
manserint. 1. Timoth: 2. Mulier saluabitur,  
si manserit in fide. 2. Corinth. 5. Si tamen  
vestiti & non nudi inueniamur. Et Chri-  
stus clarè pronunciat: Beatus, qui perse-  
uerauerit vsq; ad finem. Hæc ipsa condi-  
tio annectitur vniuersali mandato Chri-  
sti, Apostolos suos in vniuersum orbem  
emittentis prædicatum Euangelium omni  
creaturæ. Ita enim ait: Quisquis credide-  
rit & baptizatus fuerit, saluus erit, qui ve-  
rò non crediderit, condemnabitur. Et alibi  
Dominus ait: Nisi poenitentiam egeritis,  
omnes similiter peribitis. Ex his testimo-  
nijs clarissimè patet, quòd Euangelium of-  
ferat salutem omnibus, sed cum conditio-  
ne poenitentiae seu conuersionis.

Veni



D. P E T R I.

Veniet autem dies Domini,  
sicut fur in nocte, in quo cœli  
cum magno impetu præteribunt,  
Elementa uerò æstuantia,  
soluentur, terræq; & quæ in ea  
sunt opera, exurentur.

Modum aduentus Domini, & quid  
Domino veniente accidet, exponit. Ve-  
niet, inquit, dies Domini sicut fur in nocte,  
hoc est, quando minimè expectatur, subi-  
tò aderit. Hoc dicto monemur, vt perpe-  
tuò in excubijs simus, ne nos incautos op-  
primat. Deinde, veniente Domino con-  
flagrabit mūdus igni, vt purgatus Domi-  
num suum excipiat. Hinc monemur, vt  
nos quoq; puritati studeamus, quò ipsi  
occurramus puri, atq; id est, quod subiicit,  
cū ait:

Cum hæc igitur omnia sol-  
uantur, quales oportet esse uos  
in sanctis conuersationibus &  
pietatis officijs, expectantes &  
properantes ad aduentum diei  
Dei,



EPIST. II.

Dei, in quo cœli conflagrantes  
soluentur, & Elementa æstuan-  
tia liquefcent?

In quem finem tam multa dixerit de  
cœli & elementorum expurgatione ex-  
plicat. Vult enim vt nobis sint incitamen-  
ta quædam ad pietatem & sanctitatem, &  
vt patienter expectemus diem Domini,  
& in diem aduentus eius simus parati.

Sed cœlos novos & terram  
nouam secundum promissio-  
nem expectamus, in quibus iu-  
sticia inhabitat. Quapropter di-  
lecti hæc expectantes, studete  
ut immaculati & incontaminati  
ab eo reperiamini in pace.

Ad promissionē, quæ est Esaia 65, respi-  
cit, vbi ita ait Dominus per os Prophetæ:  
Ecce ego creabo cœlos novos & terram  
nouam, priorum non erit memoria, nec in  
cor ascendent, sed gaudete & exultate in  
perpetuum in ijs quæ creo. Nam ecce ego  
creo Ierusalem exaltationem, & populo  
eius



D. P E T R I.

eius gaudium. Hæc prophetia, etsi de toto Christi regno loquitur, tamen potissimum ad eius consummationem referenda est. Quando enim nos fuerimus plenissime regenerati, cœlum etiam & terra penitus renouabuntur, integrumq; suum statum recipient. Sed cur hoc monet Apostolus? Ut pacifice diem Domini in puritate & pietate viuentes expectemus, & non sinamus nos impostorum calumnijs à decreto Dei immoto de aduentu Domini ad iudicium abduci.

**Et Domini nostri longanimitatem salutem arbitramini.**

Repetit causam dilati aduentus Domini, quam suprâ copiosius exposuit. Ideo enim differt suum aduentum, ut multi pœnitentiam agant & saluentur. Quantum enim ad paternum propositum attinet, Deus reuera vult omnes saluos fieri. At quantum ad euentum attinet, multi damnantur, propterea quod porrectam dexteram Dei, hoc est, Dominum nostrum Iesum Christum fide apprehendere noluerunt. Quarè suapte culpa, & non destinatione diuina damnantur. Neq; aliud vult

R                      gra-



EPIST. II.

grauissima Christi querela : Multi sunt vocati, pauci verò electi.

Quemadmodum & dilectus frater noster Paulus pro sibi data sapientia scripsit vobis, ut qui in omnibus ferè epistolis loquatur de istis.

De aduentu Domini ad iudicium locutus, prouocat ad testimonium Pauli apostoli, quem & fratrem agnoscit in Apostolatu, & diuinitus edoctum testatur. Tractat autem Apostolus hoc argumentum in multis locis. Roman. 8. 1. Corinth. 15. 1. Thess. 4. & 5. 2. Thess. 2. Quod autem ait: scripsit vobis, significat Petrus, quòd etsi Paulus certis Ecclesijs scripsit, doctrina tamen eius sit vniuersalis, vt quæ ad omnes Ecclesias pertineat. Deinde & hinc apparet, quàm auide scripta Pauli non solum ipsi, quibus inscripta erant, verum etiam omnes pñ legerint, quorum exempla & nos imitari par est, præsertim cum nihil ex sancto ipsius pectore profectum sit, nisi quod spiritus CHRISTI dictauerit.

Inter



D. P E T R I.

Inter quæ sunt nonnulla difficilia intellectu, quæ indocti parumque stabiles detorquent, ut & reliquas scripturas, ad suum ipsorum exitium.

Monet quædam esse in ijs, quæ differuntur cum à se tum à Paulo de aduentu Domini, & de ijs, quæ circa aduentum Domini futura sunt, difficilia intellectu, idque ab ijs, qui vera Christi cognitione præditi non sunt, & Christi spiritum non habent, hos enim indoctos & parum stabiles vocat. Non enim potest animalis homo percipere, quæ sunt spiritus Dei. Hæc difficilia affirmat indoctos & parum stabiles detorquere ad suum proprium exitium. In quorum numero fuerunt, qui dixerunt resurrectionem iam factam, & illi qui mille annos existimant pios imperium mundi potituros. Breuiter, omnes quicumque simpliciter verbo Dei non contenti, sequuntur carnis prauum iudicium, iudicaturi de hoc mysterio. Cæterum, qui hoc Apostoli dicto abutuntur ad deterrendos homines à lectione Pauli, duplici-

R 2 ter



EPIST. II.

ter peccant. Primum enim grammaticæ vim faciunt, non enim scriptum est *ὅτι* & *ἵνα*, ut referatur hæc difficultas ad Epistolas Pauli. Sed *ὅτι* & *ἵνα*, ut referatur ad neutrum plurale, quod præcessit, hoc est, ad propositam disputationem de aduentu Domini, quemadmodum exposui. Deinde cum homines ab hoc thesauro Spiritus sancti arcent, apertè mandatum Christi reſciunt, qui mandat ut audiamus Apostolos, ut scrutemur scripturas. Paulus quoque testatur omnia, quæ scripta sunt, in nostram doctrinam scripta esse. Neque enim alia lux est, quæ nobis viam salutis monstrat, quàm verbum Dei, in Prophetiis & Apostolicis scriptis nobis commendatum. Quapropter Spiritui sancto potius obtemperemus, eumque rogemus, ut nobis clauem scientiæ clementer ostendat, quod sanè futurum est, modo cum timore & humilitate, ut Spiritus sancti discipulos decet, ad scripturæ lectionem acceſſerimus.

Vos igitur dilecti, præscientes cauete, ut non nephariorum errore unâ abducti, excidatis propria stabilitate.

Hæc



D. P E T R I.

Hæc secundæ exhortationis conclusio est, quam ex proxima infert sententia, quasi dicat: Cum tanta sit illusorum & nephariorum hominum peruersitas, ut scripturas sacras ad suum proprium exitium detorqueant, caute ne ab ijs seducti vnâ cum illis stabilitate doctrinæ excidatis, & in perniciosos errores præcipites feramini.

Sed crescite in gratia & in cognitione Domini nostri & saluatoris Iesu Christi.

Hac breui exhortatiuncula repetit summam eorum, quæ fusè in tota hac Epistola disputata sunt. Crescite, inquit, in gratia, hoc est, in sanctitate & pietate quotidiana sumite incrementa. Vocantur autem pietas & sanctitas, adeoq; dona reliqua gratuita, gratia, quia ex gratia donantur pijs & inuocantibus Deum. Et crescite in cognitione, hoc est, in vera Euangelij noticia, quò non solum vobis recta viuendi ratio constet, verum etiam ut possitis cauere falsorum Prophetarum imposturas. Huius exhortationis Apostolicæ omnes sint memores, quibus vera pietas

R 3 cordi



EPIST. II.

cordi est. Nam qui non quotidie progreditur in pietatis curriculo, retrocedit planè, etsi hoc minus animaduertit. Rectissime enim dictum est à Bernardo: Si proficere currere est, ubi proficere ibi & currere deficis, ubi verò non currere, ibi & deficere incipis. Hinc planè colligitur, quia nolle proficere, non nisi deficere est. Hanc ipsam ob causam Paulus optat Philippen-sibus, ut magis magisque abundant in cognitione & omni sensu, ut probent, quæ sunt præstantiora, ut sint sinceri & sine offensa in diem Iesu Christi, pleni fructibus iusticiæ, per Iesum Christum, ad gloriam & laudem Dei.

Ipsi gloria & nunc & in diem æternitatis, Amen.

Claudit Epistolam *δοξολογία*. Optat enim, ut Christo tribuatur gloria in omni æternitate. Tribuitur autem Christo vera gloria, cum eius beneficia prædicantur, propagantur & agnoscuntur. Quod fit, cum prædicatur Euangelium, in quo beneficia Christi erga genus humanum enarrantur.

Obseruetur & hoc loco testimonium de


*Confessio Noij  
is dicitur ex  
giz, præcipi:  
in alq. 10.  
Coll. 3. canit  
es in urbe  
pro, dno. Exg. 5*

de diu  
Christo  
Deum



**D. P E T R I.**  
de diuinitate Christi. Nam cum tribuit  
Christo æternam gloriam, ipsum verum  
Deum absq; omni dubio agnoscit.

Τέλος.



**R 4 ARGV-**



ARGVMENTVM  
IN EPISTOLAM  
I V D AE A P O -  
S T O L I.



HANC EPISTOLAM parænicam Iudas Apostolus post obitum reliquorum Apostolorum, excepto Ioanne, videtur scripsisse, tempore Domitiani Imperatoris, post vastatam Ierusalem, vt quidam ex veteribus autumant. Occasio autem scriptionis hæc fuit. Subintroierant, iuxta prædictionem Apostolorum, falsi doctores, qui prætextu gratiæ Dei peccandi licentiam suis permiserunt sectatoribus, quemadmodum nostro seculo secta Libertinorum facit. Hortatur igitur Iudas pios, vt persistant in doctrina Apostolica, & decertent pro fide, quæ semel ipsis tradita est. Vt autem hoc ipsis persuadeat facilius, exempla poenarum eorum, qui ab agnita veritate defecerunt, proponit. Huc addit descriptionem falsorum doctorum, & eorum sectatorum, ex secundo, vt videtur, capite posterioris Epistolæ Petri. In qua descriptio-  
ne ve-

ne veræ  
bus agit  
ne poena  
hæc redi  
tionem  
rum, que  
prænunci  
claudit Ep  
EXEG  
IVD

Iud  
ter aut  
sunt in  
in Iesu

Hæc  
fun  
indicat  
nit, Au  
Christi,  
hic seru  
qui cred  
Christi  
fuerunt



S. IVDÆ.

ne veræ notæ falsorum doctorum, de quibus agit, signantur, non sine comminatione pœnæ impietatis & blasphemiae. Post hæc redit ad exhortationem, cui rursus rationem subiungit à descriptione illusorum, quos venturos in extremo tempore prænunciat. Tandem voto & δοξολογία claudit Epistolam.

## EXEGESIS EPISTOLÆ

IVDÆ, CVM OBSERVATIONE doctrinarum.

Iudas Iesu Christi servus, frater autem Iacobi, uocatis, qui sunt in Deo patre sanctificati, & in Iesu Christo custoditi.

**H**Aec Epistolæ inscriptio est, cuius duæ sunt partes. Prima autorem Epistolæ indicat. Secunda, quibus sit scripta exponit. Autor Epistolæ est Iudas servus Iesu Christi, hoc est, Apostolus. Dicitur enim hic servus κατ' ὄνομα, cum alioqui omnes, qui credunt, communi appellatione servi Christi dicuntur & sunt. Deinde, quia fuerunt plures hoc nomine, addit frater

R 5 Iaco-



## EPISTOLA

Iacobi, scilicet minoris. Marci 6. Scribit autem non certo populo, sed toti Ecclesie, unde & hæc Epistola Catholica inscribitur. Obseruetur hoc loco pulcherrima Ecclesie periphrasis seu definitio. Nominat enim Ecclesiam cœtum vocatorum, qui sunt à Deo Patre sanctificati, & in Christo Iesu custoditi, scilicet per fidem.

Proinde vocatio, sanctificatio, perseverantia, adeoque salus ipsa à solo Deo est, per Iesum Christum. Confutantur hac descriptione, qui vel putant Ecclesiam esse extra cœtum vocatorum, vel abutuntur gratia Dei & libertate Christiana, ut insumant licentiam quidvis agendi, id quod ex diametro pugnat cum sanctificatione, ad quam vocati sumus.

Misericordia vobis & pax  
& dilectio multiplicetur.

Hæc sancta imprecatio vice salutationis ponitur, & summam Euangelij continet. Primo loco fons salutis ponitur, videlicet misericordia Dei, quæ ut non est quærenda extra Christum: ita non possidetur sine fide Christi. Deinde additur  
mise-



S. I V D Æ.

misericoiðia huius effectus seu fructus apud homines, videlicet pax, hoc est, reconciliatio hominis cum Deo, quæ reconciliatio contingit per Iesum Christum mediatorem. His subiungitur caritas, quæ pacis fructus est. Nam qui Deo per Christum sunt reconciliati, nouam vitam meditantur, cuius præcipua pars est caritas fraterna.

Dilecti, cùm omne studium adhibeam scribendi uobis, de communi salute, necesse habui uobis scribere, quò exhorter uos ad certandum pro fide, quæ semel sanctis est tradita.

Vt amica compellatione beneuolentiam capiat: Ita studij sui pro communi salute significatione, cum attentos tum dociles reddit. Quo facto breuiter proponit scopum & finem suæ scriptionis, videlicet ut exhortetur ipsos, ut strenuè contendant, & se periculo obijciant, pro defendenda & retinenda fide, hoc est, doctrina, quæ semel ipsis tradita est, semel inquam, ut quæ nunquam sit posthac immutanda, &



## EPISTOLA

& quæ semel amissa, non est quòd aliunde  
salus expectetur.

Subingressi enim sunt quidam homines, qui olim præscripti sunt ad hoc iudicium, impij, Dei nostri gratiam transferentes in lasciuiam, & solum dominum Deum, & Dominum nostrum Iesum Christum negantes.

Necessitatem scribendi exponit. Subintroierunt, inquit, falsi doctores, qui prætextu gratiæ Dei omnem peccandi lasciuiam permittunt, Quod profectò nihil aliud est, quàm ipsum Deum, cui vt serui obedientiam debemus, & ipsum dominum Iesum Christum, qui à peccatis nos redemit, abnegare.

Porro, Deum & Christum abnegare non solum is dicitur, qui Deum omnino esse negat, vt Epicuræi, aut qui negant Deum curam habere rerum humanarum, vt Academici, verum etiam, qui factis suis aduersatur Deo, iuxta illud ad Titum 1.  
Deum



S. I V D Æ.

Deum profitentur scire, sed factis negant, ut qui sint abominabiles & contumaces, & ad omne bonum opus reprobi. Ut autem Iudas pijs persuadeat fugiendos esse huiusmodi seductores, pronunciat ipsos iam olim præscriptos & destinatos ad damnationem. Nam hæc est immota regula iusticiæ diuinæ, quod ut pios & agentes pœnitentiam certæ salutis: Ita impios & impœnitenes damnationi destinarit. Hanc esse veram sententiam huius loci, ostendunt sequentia. Quare frustra hîc quidam disputant de suo stoico fato, & urgent vocabulum προγεγραμμένοι. Cum προγεγραμμένοι aliud non significet, quàm eum, cui iam accusatio ob factum aliquod indicta est. Vnde facile intelligi potest scelus perpetratum, damnationis causam esse, & non fatalem necessitatem.

Commonefacere autem uos uolo, ut qui hoc semel sciatis, quòd Dominus, cùm populum ex terra Aegypti liberasset, rursus eos, cùm non crederent, perdidit.

Exem-



## EPISTOLA

Exemplis exhortationem ad perseverantiam in fide confirmat. Deus populum credentem ex Aegypti servitute liberavit, traducens ipsum per medium maris rubri, sed eundem, abiecta fide in Deum, occidit in deserto, Num: 14. Ergo Deus credentes tuetur & servat, sed contrà, abijcietes fidem, supplicijs afficiet. Quapropter vos persistite in fide, quæ vobis tradita est, & iuxta eam Deo obedite.

Hoc exemplum est peculiariter observandum propter typum. Quemadmodum Aegyptiaca servitus fuit typus hominis sub servitute Diaboli constituti: ita liberatio corporalis à servitute Aegyptiaca fuit figura liberationis spiritualis à iure Diaboli & peccati. Ad eundem modum, ut liberati ab Aegypto, & relapsi in priora scelera reuocati sunt ad poenam: Ita Evangelij gratia manumissi à iure peccati, rursus reuocantur ad supplicia, si peccatis prioribus indulserint, atque adeo amittunt gratiam et Spiritum sanctum, obstringunturque perpetuo reatu, nisi redeant rursus per poenitentiam. Quomodo quæso hæc cum stoico fato stare poterunt? Quomodo consistet oratio eorum, qui fidem semel



mel conceptam amitti posse, & Spiritum  
sanctum excuti?

Et Angelos, qui non serua-  
uerunt suam originem, sed reli-  
querant suum domicilium ad  
iudicium magni illius DEI,  
uinculis æternis sub caligine  
seruauit.

Aliud exemplum. Angeli, donec  
manserunt in sua origine, beati & felices  
fuerunt. Verum postquam à sua origine  
defecerunt, pœnis sunt affecti. Quare &  
vos cauete, ne simile iudicium subire co-  
gaminì, deficientes à fide. Qualis autem  
fuerit origo Angelorum, docet Christus  
Iohan: 8. cum de Diabolo in hunc mo-  
dum loquitur: In veritate non stetit, si-  
gnificans ex parte totum per synecdochen,  
videlicet originalem integritatem angelo-  
rum, qua angeli creati sunt iusti, veraces,  
casti, placentes Deo. Cum autem ab hac  
integritate defecerunt, facti sunt iniusti,  
mendaces, impuri, & aduersus Deum con-  
tumaces. Atq; hoc est, quod dicit: Reli-  
que-



## EPISTOLA

querunt domicilium suum, hoc est, integritatem & stationem, in qua diuinitus collocati fuerant. Quare & ad pœnas reseruati sunt, vt sistantur coram iusto iudice in magno illo die, videlicet cum Christus iudicaturus est viuos & mortuos. Dicitur autem hic dies meritò magnus, propter celeberrimum conuentum sanctæ Trinitatis, Angelorum, omnium hominum & Diabolorum, in quo die Christus iustus iudex, vt coronam iusticiæ reddet omnibus p̃ijs: Ita suplicijs æternis adiucaturus est omnes contumaces Diabolos & homines.

Sicut Sodoma & Gomorra, & his finitimæ ciuitates, cùm simili modo scortati essent, & abhissent post carnem alienam, propositi sunt in exemplar ignis æterni iudicij.

Tertium exemplum. Sodomitis & Gomorritis, donec innocentie studuerunt, bene erat. Verùm postquam abierunt post carnem alienam, hoc est, sectari sunt prodigiosas libidines contra naturam, diuini-

uinitus si  
coelitus c  
propositi  
& damna  
nem ab o  
domiciliis  
his inextin  
damnati ho  
Hæc pœna  
peccatores  
et, eos nun  
turi, qui in  
contumaci  
qui perpet  
iam pœnis

Simi  
fomnijs  
unt, don  
& digni

Iam no  
phetarum,  
hortatur p  
enim dicit  
tionis expo  
lus omnes



S. I V D Æ.

uinitus sunt affecti supplicio. Nam igni  
coelitus demisso consumti sunt, & sunt  
propositi toti mundo in exemplar iræ Dei  
& damnationis iustæ, propter defectio-  
nem ab obedientia erga Deum. Ignis So-  
domiticus symbolum fuit ignis inferna-  
lis inextinguibilis, quo in perpetuum  
damnati homines & Diaboli punientur.  
Hæc pœna quàm sit immensa, ira Dei in  
peccatores ostendit. Neq; enim mirum  
est, eos nunquam finiendis tormentis pu-  
niri, qui infinitum bonum Deum ipsum  
contumaciter offenderunt. Vnde fit, vt  
qui perpetuò reatu tenentur, perpetuis et-  
iam pœnis obnoxij puniantur.

Similiter sanè & hi delusi in  
somnia, carnem quidem pollue-  
unt, dominatum uerò reijciunt,  
& dignitates conuictis incessunt.

Iam notas quasdam falsorum Pro-  
phetarum, à quorum moribus Iudas de-  
hortatur pios, enumerare incipit. Primum  
enim dicit eos perinde stolidos esse & ra-  
tionis expertes, ac si altissimo veterno sen-  
sus omnes haberent sopitos. Fœdè enim

S car-



## EPISTOLA

carnem libidinibus polluant, Magistratum indignè reſciunt, & omnes dignitates ſacrilegè blaſphemant. vide 2. Pet. 2.

At Michaël archangelus, cū aduerſus Diabolum certans diſceptaret de corpore Moſis, non auſus eſt iudicium obſistere blaſphemix, ſed dixit, increpet te Dominus.

Exaggeratio eſt ſcleris eorum, qui Magiſtratus & dignitates conuiſiſ incefſunt. Michaël archangelus cū tantus eſſet, veritus eſt conuiſiſ incefſere Diabolum peſſimum, qui iam erat damnatus, & iſti, cum puluis & cinis ſunt, non verentur blaſphemare dignitates à Deo ordinaras.

Hiſtoria de diſceptatione inter Michaëlem & Diabolum de corpore Moſis nullibi in ſcriptura, niſi hoc loco ſignatur. Quidam ex patribus dicunt noluiſſe Diabolum ſepulcrum Moſis occultari, ſed populo monſtrari, ſpecioſo argumento diſceptans aduerſus archangelum, quaſi mul-

multum  
dux pop  
plauſibil  
Nam it  
pulum a  
intelligere  
reſtitit, no  
pulcrum M  
inter archa  
lis eſt, ſed r  
ſolliciti fir  
proditur. C  
ſcribitur,  
Moſis, id  
ſuiſſe, eoq  
neamur, I  
proſtitui

At h  
phema  
tanqua  
unt, in

Cor  
theſin. A  
la eſſe,  
quæ non



S. I V D Æ.

multum referret sciri à populo, vbi tantus dux populi Dei sepultus esset, at sub hoc plausibili argumento venenum latuit. Nam ita voluit Diabolus paulatim populum ad idolatriam pellicere. Hoc cum intelligeret Michaël archangelus, Diabolo restitit, noluitq; hominibus monstrari sepulcrum Moïsis. Hæc ratio disceptationis inter archangelum & diabolum verisimilis est, sed nos de hac disceptatione parum solliciti simus, quum verbo Dei non sit prodita. Quòd autem in Deuteronomio scribitur, neminem nouisse sepulcrum Moïsis, id sciamus diuino consilio factum fuisse, eoq; pertinere, vt hoc facto admoneamur, Deum nolle reliquias sanctorum prostitui religionis gratia.

At hi, quæ non nouerunt, blasphemant, quæ uerò naturaliter tanquam expertia animalia sciunt, in ijs corrumpuntur.

Consequens argumenti est per antithesin. Angelus, quæ intelligit reuera mala esse, non tamen blasphemat. At hi, quæ non intelligunt, blasphemant & con-

S 2 uitij



EPISTOLA

uitijs incessunt, quæ verò instar brutorum animalium percipiunt vel intelligunt, in ea sine iudicio & ratione præcipites feruntur, se omni turpitudini ac libidini prostituentes.

Væ ipsis. Nam uiam Cain  
ingressi sunt.

Confert falsos doctores cum Caino, idq; cum in vita, tum in pœnis. Vita seu via Cain Genes. 4. describitur, cuius partes sunt plures. Prima, contemptus verbi traditi. Secunda, hypocrisis seu superstitiosus Dei cultus. Tertia, odium veræ Ecclesiæ. Quarta, tyrannis, persecutio & oppressio innocentis fratris. Quinta, mendacium. Sexta, excusatio imò inficiatio nefarii facti. Hac via & his gradibus peruenit Cain ad illud *ἡρώδης ἐπίφθγ-μα* væ. Nam ira Dei oppressus æternum est damnatus. Consimili modo omnes, qui insistent vestigijs Cain, ad similem ruinam tendunt. Obseruandū diligenter est, qd Deus statim in initio post conditos homines proposuit duo exempla, quæ perpetuò nos de æterno Dei decreto & regula iusticiæ diuinæ commonefaciant. Vnum fuit exem-

exempl  
quòd v  
dientes  
hic mei  
abomir  
velle pu  
cijs. H  
conspet  
gula iust  
dicando

Et  
decepti  
sunt.

Hon  
Balaam, p  
noluit D  
hic fux  
Hic Bal  
rum, qu  
accomm  
diuitias  
impieta  
fuit.

Et  
rieru



S. I V D Æ.

exemplum Abelis, in quo Deus declarat, quod velit omnes poenitentes & sibi obedi-  
 dentes tueri. Alterum fuit Cain, cuius  
 hic meminit Iudas, quo ostendit Deus se  
 abominari hypocrisin & tyrannidem, &  
 velle punire contumaces æternis suppli-  
 cijs. Hæc exempla semper sint nobis in  
 conspectu, vt nos commonefaciant de re-  
 gula iusticiæ diuinæ, quam semper in iu-  
 dicando intuetur.

Et deceptione mercedis, qua  
 deceptus fuit Balaam, effusi  
 sunt.

Honoris cupiditate & lucri spe victus  
 Balaam, populo Dei maledicere voluit, sed  
 noluit Dominus audire Balaam. Deut. 23.  
 hic suæ impietatis poenas luit, Nume. 31.  
 Hic Balaam de numero est eorum docto-  
 rum, qui Principum affectibus se libenter  
 accommodant, vt honores applausum &  
 diuitias consequantur, quorum finis erit  
 impietatis stipendium, quale & Balaam  
 fuit.

Et contradictione Choræ pes-  
 rierunt.

S 3

Nume-



## EPISTOLA

Numero: 16. scelus Choræ, & sociorum eius describitur. Primum enim non fuit contentus eo honoris gradu, in quem euectus erat. Deinde Magistratum blasphematur, & gradus inter ministros Dei tollere conatur, ad utrumque confirmandum usus est specioso argumento, videlicet quod indignum sit, ut populus Dei sanctus ulli in terris subijciatur capiti. Horum exemplum Papistæ sequuntur, dum suos rasos nolunt civili Magistratui subesse. Et nostro seculo Anabaptistæ Magistratui civili nullum in Ecclesia locum concedunt.

Hi sunt in fraternis uestris conuiujs macule, uobiscum conuiuantes.

In primitiua Ecclesia statim à temporibus Apostolorum, fraterna Ecclesiastici coetus conuiuia instituta sunt, quæ propter mutuam caritatem alendam & fouendam celebrabantur, vnde græcis ἀγάπαι, id est, caritates dicebantur, quo nomine etiam sacra cœna dicta est. Porro, de conuiujs fraternis seu ἀγάπαις ita scribit Tertullianus in Apologetico, cap. 39. Cœna nostra de nomine rationem suam ostendit.

Vo-

Vocatur  
nes græc  
lucrum  
rum. S  
isto iuua  
fiti affect  
ratis, sed a  
melias sag  
ior est con  
neta caus  
nem disci  
gionis offi  
destiæ adr  
quàm ora  
tur quanti  
quantum p  
ut qui men  
randum D  
qui sciam  
manualer  
puris sar  
test, prou  
hinc prob  
oratio co  
tur non  
classes d  
lasciuia  
stia & p



S. I V D Æ.

Vocatur enim ἀγάπη, id quod dilectio pe-  
nes græcos est, quantiscunq; sumtib. cōstet,  
lucrum est pietatis nomine facere sum-  
tum. Siquidem inopes quoq; refrigerio  
isto iuuamus, non qua penes vos para-  
siti affectant ad gloriam famulandi liber-  
tatis, sed autoramento ventris inter contu-  
melias saginandi, sed qua penes Deum ma-  
ior est contemplatio mediocrium, sed ho-  
nesta causa est conuiuij. Reliquum ordi-  
nem disciplinæ æstimate, quid sit de reli-  
gionis officio, nihil vilitatis, nihil immo-  
destiæ admittitur, non prius discumbitur,  
quàm oratio ad Deum prægustetur. Edi-  
tur quantum esurientes capiunt, bibitur  
quantum pudicis est vtile. Ita saturantur,  
vt qui meminerint etiam per noctem ado-  
randum Deum sibi esse. Ita fabulantur, vt  
qui sciant dominum audire. Post aquam  
manualem & lumina, vt quisquis de scri-  
pturis sanctis, vel de proprio ingenio po-  
test, prouocatur in medium Deo canere,  
hinc probatur quomodo biberint. Aequè  
oratio conuiuium dirimit. Inde discedi-  
tur non in cateruas Cætionum, neq; in  
classes discursationum, nec in eruptiones  
lasciuiarum, sed ad eandem curam mode-  
stiae & pudicitiae, vt qui non tam coenam

S 4 coena-



EPISTOLA

coenauerint, quàm disciplinam. Haftenus  
Tertullianus.

Absq̃ metu seipsos pascen-  
tes.

Maculas istos impuros doctores in fra-  
ternis conuiuijs appellat, idq̃ ideo, sicut  
hic exponit, quia absq̃ vlla Dei & Eccle-  
siae reuerentia se ipsos pascunt & ingurgi-  
tant, solius ventris habentes curas.

Nubes aqua carentes, uentis  
circumactæ.

Allegoricè falsos doctores describit,  
respicit autem Iudas ad dictum Salomo-  
nis prouerb: 25. Nubes & ventus est sine  
pluuia, qui gloriatur pollicendo, & nihil  
præstat.

Arbores autumnales infru-  
giferæ, bis emortuæ & eradica-  
tæ.

Hæc allegoria nihil aliud vult quàm  
superior. Falsi doctores, inquit, sunt velu-  
ti arbores autumnales, hoc est, vt interpre-  
tatur, infrugiferæ. Sunt enim arbores, quæ  
in au-

in autum-  
tantum i  
tuæ sunt  
runt.

Vr  
mantes

Hoc e  
tis verba s  
sciuiæ &  
cant etiam  
de his plu

Hoc e  
dentes in  
eos sequu  
à nautis,  
pe errati  
iplos per

Qu  
in æter

Ap  
luforum  
quit, ca



S. I V D Æ.

in autumnno videntur fructus polliceri, sed tantum inanem spem faciunt. Nam & mortuæ sunt, & nullam firmam radicem egerunt.

**Vndæ efferatæ maris, despu-  
mantes sua ipsorum dedecora.**

Hoc est, vt Petrus ait, fastuosa vanitatis verba sonant, & cum se ipsos omnis lasciuia & libidinis genere polluant, inescant etiam alios cupiditatibus carnis, sed de his plura vide 2. Pet. 2.

**Stellæ erraticæ.**

Hoc est, micant in tenebris, sed imprudentes in naufragium pertrahunt, dum eos sequuntur. Metaphora videtur sumpta à nautis, qui cum in tenebris nauigant, sæpe erraticas stellas pro fixis sequentes se ipsos perdunt.

**Quibus caligo tenebrarum  
in æternum seruata est.**

Apertè notat futurum supplicium illorum de quibus agit. Seruata est, inquit, caligo tenebrarum, id est, densissimæ

S S tene-



# EPISTOLA

tenebræ. Priuati enim luce Dei sustinebunt  
horribiles pœnas.

Prophetauit etiam de ipsis  
septimus ab Adam Enoch di-  
cens: Ecce uenit Dominus cum  
sanctis millibus suis, ut ferat iu-  
diciu aduersus omnes, & re-  
darguat, quicunq; ex ipsis sunt  
impij de factis omnibus, quæ im-  
pij patrarint, deq; omnibus du-  
ris, quæ locuti fuerint aduersus  
ipsum peccatores impij

Maïoris comminationis gratia testi-  
monium Prophetæ Enoch adducit aduer-  
sus omnes impios. Idq; primum in gene-  
re, deinde in specie aduersus doctrinæ cor-  
ruptores & falsos prophetas, qui locuti  
fuerint aduersus Deum. Siue autem hoc  
dictum Enoch fuerit ad posteros siue scri-  
pto traditum, siue petiitum sit ex aliquo  
scripto, quod iam non extat, parum refert.  
Nos autem certò statuimus Apostolum  
nostrum testimoniū certum & minime  
fictum adduxisse. Quòd autem hic Enoch  
fuerit

fuerit sep-  
logia de  
Adiecit  
rentiam  
lius Cair  
tio, anre  
um viuus  
translatio  
ctrinæ, de  
da, propte

Hi f  
ruli, in c  
lantes, &  
tumida,  
tilitatis

Mul  
doctoru  
ipfissima  
reat, quò  
frustra q  
lio.

Mu  
nec de a  
se alijs p



S. I V D Æ.

fuerit septimus ab Adam, liquet ex genealogia decem Patrum, quæ texitur Genes. 5. Adiecit autem Iudas septimum ad differentiam Enoch, tertij ab Adam, qui fuit filius Caïn. Enoch autem, cuius hîc fit mentio, ante diluuium, vt Helias post diluuium viuus in cœlum translatus est. Horum translatio testimonium est consensus doctrinæ, de vita & salute æterna consequenda, propter Christum mediatorem.

**Hî sunt murmuratores, queruli, in cupiditatibus suis ambulantes, & os eorum loquitur prætumida, admirantes personas utilitatis gratia.**

Multa vitia seu cohærentia falsorum doctorum extremi temporis, enumerat, ipsissima carnis opera, adeo vt planè appareat, quòd prorsus spiritui Dei vacui sint, frustra quæ gloriantur de fide & Euangelio.

Murmuratores sunt, qui nec de se ipsis nec de alijs rectè iudicant, proprio iudicio se alijs præponunt, quod est superbix. Eodem



# EPISTOLA

dem iudicio peruerso aliorum fortunis, dignitatibus & honoribus inuident, quod est inuidiæ. Cum igitur murmuratores hi & superbi & inuidi sint, totam Legem Dei malignè abijciunt. Nam nec Deo suum honorem tribuunt, nec hominem vero complectuntur amore.

Queruli, græcè *μεμψιμοιροι*, sunt, qui de sua conqueruntur parte, sua sorte non contenti, ut qui se vel honore debito, vel digno officij gradu, vel iusto præmio fraudari, vel etiam se onere in vocatione sua grauari putant.

Hoc vitium *μεμψιμοιρία*, quod ex superbia proficiscitur, parit in dictis etiam tumorem quendam, ut facile uel inde ipsorum malitia agnosci possit. Verum quia ad honores & facultates peruenire non possunt sua virtute, adulantur diuitibus & potentioribus, quò ipsorum autoritate aliquando emergant. Hos dicit ambulare in suis cupiditatibus. Nam quicquid suadet illorum auaritia, *καυνοδοξία* & voluptas, hoc faciunt. Nam hi tres affectus, ut rectè ab veteribus matres dicuntur omnium malorum; Ita ab hisdem appellan-



pellantur iustissimè noueræ omnium virtutum.

**Vos autem dilecti, memores estote uerborum, quæ prædicta fuerunt ab Apostolis domini nostri Iesu Christi.**

Ut Petrus ad scripta Pauli suos remittit : Ita Iudas noster scripta Apostolica, quæ tum in manibus piorum fuerunt, nobis commendat. Hinc apparet plerosq; Apostolos obijisse, cum hanc Epistolam scriberet Iudas. Nos proinde exemplo veteris Ecclesiæ in honore habeamus Apostolorum scripta. Quod autem Iudas ad Enoch, Prophetas & Apostolos remittat suæ Epistolæ lectores, significat omnium summum esse consensum, ut qui ex eodem fonte suam hauserint doctrinam. Confutantur præterea hoc loco, qui vocale uerbi ministerium abolere conantur.

**Quod scilicet dixerunt uobis, in extremo tempore futuros**  
**irris**



## EPISTOLA

irrisores, qui in impijs suis cupiditatibus incedant.

Hoc & Petrus ex Pauli scriptis discendum esse monet. Irrisores vocat eos, qui omnem religionem falsè derident, quod ideo faciunt, vt sibi liberum esse videatur, iuxta carnis desideria viuere.

Hi sunt, qui seipsos segregant.

Falsi doctores segregant seipsos à vera Ecclesia, nunc viciando doctrinæ substantiam, nunc nouam comminiscendo doctrinæ formam, interdum alia vitæ instituta sectando, nonnunquam etiam ceremonias sine graui causa mutando. Hæc partim ex insidijs Diaboli, partim ex superbia & petulantia ingeniorum proueniunt.

Contrà commendatur pñs hoc dicto, serium doctrinæ celestis studium, vt tueantur doctrinæ puritatem, & sanctam conjunctionem in Ecclesia colant. Conseruatur autem doctrinæ puritas, si apud ipsos  
fontes

fontes I  
scripta m  
tum rect  
dem for  
ad fund  
ergo nec  
doctrinæ  
cordi est  
optimur  
sæ consil  
gra doct  
rechismur  
do in pu  
sed etiam  
propagare  
verborum  
diuisiones  
sunt sym  
num. A  
plis, vbi  
ta forma  
hic aliqu  
quibus  
substan  
liberum  
destru  
Habem  
non ad



S. I V D Æ.

fontes Prophetarum & Apostolorum scripta maneamus, si doctrinæ fundamentum rectè teneamus & firmum, & si eandem formam doctrinæ, quantum quidem ad fundamentum attinet, sequamur. Nihil ergo nec in substantia, nec in fundamento doctrinæ cœlestis est illi mutandum, cui cordi est doctrinæ puritas. Huc spectat optimum & vtilissimum primitivæ Ecclesiæ consilium, quo institutum est, ut integra doctrinæ forma, quam vocabant Catechismum, proponeretur, quæ non modo in publicis concionibus recitabatur, sed etiam reposcebatur ab auditoribus, ut propagarentur unà cum sententijs, certæ verborum formæ, certæ definitiones & diuisiones rerum. Ad hunc usum tradita sunt symbolum Apostolicum, & Niconum. Ad hunc usum in scholis & in templis, ubi piæ reformatæ sunt Ecclesiæ, certa forma doctrinæ traditur. Sed potest hîc aliquis obijcere, liberum esse verbis quibuscumque uti, modo nulla in doctrinæ substantia fiat mutatio. At ego nunquam liberum esse dixero, quod magis facit ad destructionem quàm ad ædificationem. Habemus enim, ut Paulus ait, potestatem non ad destructionem, sed ad ædificationem,



## E P I S T O L A

nem. Huc facit quòd *μόρφοσις* doctrinæ in Iudæis commendat Apostolus Rom: 2. & suo Timotheo præcipiat, ne permittat vt quisq̃ *ἐκδοθῇ ἰδασκαλῇ*, quod sanè & ad doctrinæ substantiam, & formam pertinet. Præcipit etiam vt retineat typum doctrinæ à se acceptum.

Basilii magnus in quadam epistola ad Neocæsariensem testatur, se certam formam, quam puer dicit, perpetuò secutum fuisse. Ita enim scribit: Meæ fidei euident demonstratio est, quòd à laudatissima muliere Macharia ( quæ ex vestra vrbe venerat ) nutrice mea institutus sum, à qua didici beatissimi Gregorij verba, quæ illa quidem diligenter conseruabat, h̄sq̃ me puerum finxit & formauit. Postea vero, cū per ætatem accessisset iudiciū, peragraui magnam terræ partem atq̃ maris, si quos inueni, qui iuxta pietatis traditam regulam incederent, hos & patres æstimauimus, & duces animarum nostrarum in via, quæ ad Deum ducit, fecimus, & vsq̃ ad hanc horam gratia eius, qui nos vocauit sancta vocatione in cognitionem sui, aliam doctrinam non nouimus. Hactenus Basilii.

Ad

A  
dissim  
discrep  
sonum  
vt tace  
nouas d  
etiam ex  
à recept  
ta graui  
nunt no  
nes Pelag  
defunt no  
potius fil  
volo. De  
flum colin  
piamus, at  
puritate, v  
telis ad p  
vbi pura  
ma, illic q  
qua singu  
vt aliqua  
rant aliqu  
Christi. I  
omnibus  
conditi  
cat, ad h  
um ipse



S. I V D Æ.

Adhæc dissimiles verborum formæ,  
dissimiles definitiones etiam, vbi res non  
discrepant propemodum, vt in cantu dis-  
sonum quiddam *ἡδὲ ἀνάρμοσος* faciunt,  
vt taceam dissimilitudinem sæpe parere  
nouas & absurdas opiniones. Postremò  
etiã exemplū est periculosum. Nam qui  
à recepta verborum forma & comproba-  
ta graui autoritate discedunt, sæpe gig-  
nunt nouas opiniones, sicut disputatio-  
nes Pelagij, Arrij & aliorum testantur, nec  
desunt nostro seculo tristia exempla, quæ  
potius silentio præterire, quàm recitare  
volo. Deus det nobis, qui eundem Chri-  
stum colimus, vt eodem etiam spiritu sa-  
piamus, atq; ita consentiamus in doctrinæ  
purity, vt integra doctrina sine corru-  
ptelis ad posteritatem transmittatur. Nam  
vbi pura est doctrina, vna docendi for-  
ma, illic quoq; sancta viget concordia, in  
qua singulos ita vitam instituere oportet,  
vt aliqua parte suorum laborum confe-  
rant aliquid operæ ad ornandam gloriam  
Christi. Hic scopus esse debet præcipuus  
omnibus hominibus. Nam ad hunc finem  
conditi sumus, vt per nos Deus innotes-  
cat, ad hunc finem redempti sumus, vt De-  
um ipsum purè colamus, quod sanè fieri

T non



# EPISTOLA

non potest, nisi puritas doctrinae & sancta concordia retineatur.

**Animales, spiritum non habentes.**

Hæc descriptionis pars omnium hæresium causam aperit. Est enim hæresios fons, quod homines spiritu Dei non præditi in rerum diuinarum iudicatione, carnis intelligentiam & iudicium rationis sequuntur. Nam animales sunt, ut ipse Apostolus interpretatur, qui spiritum non habent. Hic per spiritum necesse est intelligere, non veteris hominis spiritum, sed noui, hoc est, Spiritum sanctum. Homo proinde totus cum omnibus suis facultatibus inferioribus & superioribus ψυχικός est. Quatenus igitur noua luce spiritus non est illuminatus, dicitur ψυχικός, (1. Corinth: 15.) animalis. ψυχικός enim opponit Paulus spirituali (1. Corinth: 2.) ψυχικός, inquit, homo, non capit ea, quæ sunt spiritus Dei. Inferiora enim (ut inquit Ambrosius) non capiunt superiorum consilia. Proinde hæretici, cum spiritu Dei destituuntur, non possunt loqui & facere, nisi quæ sunt inimica Deo. Roman: 8. φρόνημα enim carnis inimicitia est



S. I V D Æ.

ria est cum Deo. Complectitur autem  
φρόνημα ὁρμῶν & λόγον, adeoque quic-  
quid est in homine nondum renato, &  
verbo Dei docto.

Vos autem dilecti sanctissimæ  
uestræ fidei superstruentes  
uos ipsos, in Spiritu sancto or-  
rantes: Alij alios in caritate  
Dei conseruate, expectantes mi-  
sericordiam Domini nostri Ie-  
su Christi in uitam æternam, &  
alios quidem habito delectu  
commiseramini, alios uerò ter-  
rore seruate ex flamma rapien-  
tes, odio habentes etiam eam tu-  
nicam, quæ à carne commacu-  
lata est.

Hæc exhortatio loco conclusionis est  
præsentis Epistolæ, estq; admodum apta.  
Postquam enim dehortatus est pios à fal-  
sis doctoribus, oportunè hortatur Apo-  
stolus eosdem, ad ea officia, per quæ in sa-  
na doctrina securi conseruari possunt.  
Quoniam autem hæc exhortatio præci-

T 2 pua



## EPISTOLA

pua officia Christianæ vitæ continet, eam in certas hypothesas retexam, quò distinctius appareat, quid doctrinæ & admonitionis contineat, sunt itaq; sex huius exhortationis hypothesas.

PRIMA, pñ se ipsos superstruant sanctissimæ fidei, hoc est, crescant in cognitione doctrinæ, & sumant quotidiana incrementa fidei. Hæc enim duo natura coniuncta sunt. Nam pro modulo cognitionis, augetur fiducia. Vocat autem fidem sanctissimam, primum propter firmitudinem doctrinæ, deinde propter effectum. Sanctos enim efficit, cum per eam nascimur filij Deo, præterea dicitur sancta fides, quia operatione Sancti spiritus in nobis concipitur ad prædicationem verbi.

SECUNDA, pñ in Spiritu sancto orent, hic est proximus fidei fructus, quo synecdochicòs intelligitur pietas erga Deum. Nam oratio ex fide profecta, præcipua cultus Dei pars est.

TERTIA, pñ alij alios in caritate Dei conseruent. Quemadmodum fides in prima tabula, pietatem erga Deum: Ita in secunda caritatem erga proximum gignit. Vbi ergo nec pietas erga Deum conspicitur,



S. I V D Æ.

tur, nec caritas erga proximum, ibi planè  
viua & vera fides nulla est.

QVARTA, pñ expectent miseri-  
cordiam Domini nostri Iesu Christi in vi-  
tam æternam, quia multa dura perferen-  
da sunt Christianis in hac vita, quibus  
tanquam igni exploratur eorum fides,  
præcipit Apostolus, vt in omnibus ad-  
uersis & prosperis proponant sibi miseri-  
cordiam Domini nostri Iesu Christi, atq;  
adeo vitam æternam, in qua omnia no-  
stra officia & afflictiones compensabun-  
tur. Quicunq; enim iudicium Dei solum  
intuentur in afflictionibus, nequaq; pos-  
sunt subsistere, sed vel irascuntur Deo, vel  
desperant de venia, quare vtrunq; coniu-  
gi oportet, videlicet iudicium Dei iuste  
punientis, & misericordiam eiusdem in iu-  
dicio. Nam ideo punit, vt locus sit miseri-  
cordiæ.

QVINTA, pñ alios quidem habi-  
to delectu commiserentur, alios verò ter-  
rore seruent, è flamma eos rapientes. Hac  
hypothesi docet Apostolus, quomodo  
agendum sit cum fratribus, quorum duo  
genera facit, alij enim minus, alij magis in  
vita & moribus delinquant. Illi lenius tra-  
ctandi sunt, & cum commiseratione eri-

T 3 gendi.



## EPISTOLA

gendi. Hi quia in ipsa flamma periculorum versantur, denunciato periculo, & incusso terrore castigandi sunt acrius.

SEXTA, pñ odio habeant eam tunicam, quæ à carne commaculata est. Hæc hypothesis allegorica sumta est à lege Mo-  
sis, qua interdictum erat, ne morticina tangerent Iudæi, aut vestes attingerent maculatas morticino. Quare significatur abstinendum esse à peccatorum hominū (quales sunt falsi doctores, blasphemæ, hypocritæ, & scelerati) conuersatione. Qui vt spiritua-  
liter sunt mortui: ita sua contagione inficiunt eos, cum quibus conuersantur, iuxta Salomonis dictum: Qui picem tetigerit, inquinabitur ab ea, Et qui communicat stulto, similis ei efficitur. Et in Psalmo 17. dicitur: Cum peruerso peruersus eris. Et Paulus ex Menandro, φθείρασιν ἡθὴ κακῶν ὁμιλίαι κακαί.

Cæterum ei, qui potest uos seruare à peccato immunes, & statuere in conspectu gloriæ inculpato, cum exultatione, soli sapienti Deo saluatori nostro, gloria, & magnificentia, & imperium,

perium  
omnia

Clau  
monemur  
beneficio  
pere, Hic  
cellit, con  
pugnare ex  
te vos sanc  
caritate D  
hanc glori  
nes seruare  
cur Deo tr  
cur nobis a  
simul stare  
implication  
à peccato se  
mne studi  
bus, etiam  
omnino p  
tis exerciti  
hominū reli  
quid hui  
videtur.  
Sed  
lianda est  
formata



perium, & potestas, & nunc et in  
omnia secula amen.

Claudat Epistolam δοξολογία, unde monemur, nostri officij esse, ad mentionem beneficiorum Dei ad laudes Dei prorumperere. Hic locus cum eo, qui paulò antea processit, conferendus est, ne quis hoc inter se pugnare existimet. Suprà dixit, Superstruite vos sanctissimæ fidei, & seruate vos in caritate Dei. Hic autem Deo tribuit soli hanc gloriam, quòd nos à peccatis immunes seruare possit. Si nos id possimus facere, cur Deo tribuitur? Si solus Deus id facit, cur nobis ascribitur? Hæc duo videntur simul stare non posse sine contradictionis implicatione. Si solus Deus nos immunes à peccato seruat, rectè videntur quidam omnne studium & conatum auferre hominibus, etiam renatis, voluntatem hominum omnino passiuè se habere ad omnia pietatis exercitia pronunciantes. Contra verò, si homini relinquitur præstandi facultas, aliquid humanis viribustribuendum esse videtur.

Sed hæc antilogia hoc pacto reconcilianda est. In renatis voluntas hominis reformata est spiritu Dei. Quare salutaria,  
quæ



EPIST. S. IVDÆ.

quæ non voluit per naturam ante regenerationem, iam regeneratus vult per gratiam, atq; ideo, quia diuinitus datur ea facultas, omnis profectus noster in pietate Deo ascribendus est. Et quia hanc facultatem donatam habemus, non debemus segnescere, sed magis magisq; excitare donum quod accepimus, cum gratia spiritus Dei, voluntas & mutata & reformata prius, & deinde adiuta, potest aliqua Deo grata imperare. Huc pertinet illud Bernardi: Bona voluntas comitatur gratiam.

De usu particulæ AMEN, hoc tenetur. Particula amen, usum habet in precationibus, in votis, in approbationibus, in promissionibus & in asseuerationibus. In precationibus est fidei obsignatio. In votis est affectus comprecantis signaculum. In approbationibus est consensus testificatio. In promissionibus est rerum promissarum certificatio. In asseuerationibus adhibetur, vt Basiliius ait: εἰς θεοῦ χάριν ἡ  
ῥηθῆσομεν ὡς ἐπὶ πληροφορίᾳ ἡ  
ἡ ἀκρόντων,  
hoc est, vt fides eorum, quæ dicuntur, fiat auditoribus.

FINIS.



Æ.  
ante regene.  
ult per grati-  
s datur ea fa-  
ter in pietate  
hanc faculta-  
n debemus se-  
excitare do-  
gratia spiritus  
reformata pri-  
liqua Deo gra-  
illud Bernardi  
gratiam,  
EN, hoc tene-  
n habet in pre-  
robationibus,  
zuerationibus,  
bignatio. In  
antis signacu-  
est consensus re-  
s est rerum pro-  
seuerationibus  
seuerationibus  
uæ dicun-  
us.



200.



200.a

11